

公安縣志

卷六  
人物上

公安縣志卷之六

人物志上

萬物皆生於土而人爲最靈自古賢豪誕降川嶽之氣鍾焉傳曰惟楚有材公邑之於楚亦甚渺末已然而龍變蝶化屈宋騷雅之流風餘韻未有替也況乎襟洞庭帶長江肥仁毓其道德浩瀚發爲文章千數百年來固有功在廟廊名埒歐蘇者矣至或愚夫而孝愚婦而節儉父逸老潛德可風皆不可謂非地里之光也

公安縣志

卷之六

人物

列傳

一

列傳

事近則覈人習則信夫以邑人傳道舊事宜無不詳且盡者然兵燹之餘舊志淪失耆老凋落邑中先賢問之後生至有不能舉其姓字者况其他乎夫前有賢而莫爲之彰使閭里無所矜式國史無所借手此後起者之責也豈可使芳烈之久而愈湮乎

明

王恂字伯宣祖邦直宋侍郎明宣德庚戌舉進士初名振以同中官名改焉選入館號二十八宿爲英宗皇

帝侍讀嗣兼大理丞以巡撫征黔凱旋有白雀數千飛輿前數十日不離偶止一處往視之則白骨也焚而瘞之餘一雀隨至家園三年而後去歸所攜者書劍藥物而已復入翰林院轉國子監祭酒賜書賜第公謹厚誘迪諸生循循不倦卒後遣禮部侍郎薩琦諭祭諭葬有詩行世名宦則居黔之首鄉賢則居孱陵之首

王格祭酒公曾孫嘉靖乙卯舉人初授山東高唐州輕徭緩賦除奸剪強民幼不能育者育之士貧不能娶

## 公安縣志

### 卷之六

人物 列傳

一一

者娶之老終不能葬者葬之繕治城池調停馬役無不曲盡其善祈禱輒應迄今勒石如新陞江西南康府同知考居合省清官第一復轉貴州黎平知府三處俱入名宦子承先登壬午賢書著有豔雪齋集次子輅鳳翔通判次子嗣美辛酉舉人承先子彥之丙子舉人皆清德所貽也

王軾字用敬號三湖髫齡時嘗遇呂仙奇其風骨預爲記授十六歲入鄉校天順壬午舉孝廉癸未會試場屋火次年舉進士授大理寺評事遷右寺丞錄囚四

川平反百餘人值蜀中兵警卽陞兵備道歲凶請官銀十萬兩爲糴費以案嘉定同知盛崇仁贓罪被訐下吏事白還職改陝西宏治擢四川按察使三年遷南京右僉都御史提督操江八年進右副都御史總理南京糧儲旋命巡撫貴州明年以程敏政鬻題事廷推入爲大理卿公執法無所徇時稱爲椎頭御史詔與刑部裁定條例頒行天下授節鉞開府山海關陞戶部左侍郎一時宿弊釐剔殆盡十三年拜南京戶部尙書尋遷兵部尙書兼左副都御史督貴州軍

公安縣志

卷之六

人物 列傳

三

務討普安賊婦米魯亂米魯者普安土知州妻夫亡殺其庶子欲自襲鎮巡官不許欲正其罪遂反時鎮守中官楊友總兵官曹愷巡撫錢鉞共發兵討魯大敗於河馬坡都指揮吳遠被執普安幾陷友等請濟師乃以命軾軾未至而友等遣人招賊賊揚言欲降益擁眾攻圍普安安南衛城斷盤江道勢愈熾又乘間劫執友右布政使閻鉦按察使劉福都指揮李宗武郭仁史韜李雄吳達等死焉先是廷議進兵久不得人上曰欲紓朕南顧憂非王軾不克是任閣臣奏

軾非本兵上不悅曰才能如王軾奚必本兵快寫敕與之軾至以便宜調廣西湖廣雲南四川官軍土兵八萬人合貴州兵分八道進使致仕都督王通將一軍十五年正月叅將趙晟破六隊砦賊遁過盤江都指揮張泰等渡江追擊指揮劉懷等遂進解安南衛圍而愷通及都指揮李政亦各破賊砦賊還攻平夷衛及大河扼勒諸堡都御史陳金以雲南兵禦之賊遁歸馬尾龍寨官軍聚攻益急士官鳳英等格殺米魯餘黨遂平取還鎮守太監斬首一萬九千級收回

公安縣志

卷之六

人物

列傳

四

掠去男婦子女四千有奇燒燬儲糧房舍七百楹獲牛馬豬隻六千有奇五月蕩平凱旋獻俘上深嘉悅賜晉伯爵軾以權宦劉瑾索賂固辭不受賜麟袍玉帶世廕錦衣衛一員因深入賊穴冒山瘴正德丙寅乞休屢疏不允賜醫藥調治疏七上始命馳驛還卿有司歲給月米人夫有差及還里復加存問既卒遣湖廣左布政華嵩等諭祭七壇工部主事姜桂諭葬贈太保諡襄簡襄謂辟地有德簡謂平易不訾也蓋公出使司臬則讞獄明允入事司農則國用儲備委

任畱都則機務練達奉命南征則蕩寇凱旋林下存  
問供給身後贈諡祭葬生榮死哀可謂備至爾矣王  
弇州云我朝南兼北銜惟公安之王襄簡乎楚詞錄  
云德業功勳赫赫一時歷官四十年功成身退人無  
訾議者惟公安之王軾華容之劉大夏乎信不失爲  
一代名臣云 參明史校正

王貢字獻明襄簡公長子襄簡年二十四卽通籍是時  
貢方七歲未嘗入官舍居家侍母童子有成人之風  
偶太夫人患病醫罔效貢水漿不入口面體癯羸母

## 公安縣志

### 卷之六

人物 列傳

五

病愈始復初及成人率諸弟講學攻苦一如寒素弟  
贊年十七舉宏治乙卯孝廉貢亦舉宏治戊午與贊  
皆年少多才足以一第襄簡因程篁墩鬻題事執法  
太峻不乏飲忿者故不令二子上公車貢就選授四  
川江津知縣政聲大著有一乳三子麥穗兩歧之瑞  
何暉字太古明開科甲子鄉試何永壽孫也由景泰癸  
酉舉人筮仕睢甯縣睢巖邑也久旱不雨江南一帶  
饑饉載道公披髮徒跣齋宿於城隍廟飲水殮果誓  
不雨不火食晝夜以身禱七日後果大雨三日麥多

一莖三穗時人競傳其事曰麥秀三歧邁張堪而過之矣臺使者陳公瀾特疏奏薦縉紳士民詣闕哀請復任六年戒殺淫勤教誨其於決訟徵賦一如家人課計鹽米事不爲赫赫名而民安之歷任九載百姓識其懿行有三異政集詩傳百餘篇立祠紀石屢爲循良最畱戶部辦事尋告歸以壽終於家子瑤成化丙午舉人珊宏治癸丑進士

何珊號梅莊宏治壬子舉人癸丑進士皞次子也童時就塾道經社神廟每過則揖祝其護佑塾師忽夢一

公安縣志

卷之六

人物 列傳

六

皓首老人言何布政每過我必揖我不敢當願因先生致之師覺往覘以爲侮神呼而撲之公復潛詣廟中以荻爲校加社神之項曰望汝說福乃反說禍耶是夜師復夢前老人荷校而訴曰望先生善言於何布政何故相責以致相累若此師益驚視之果然遂語公父太古公曰此子異日方伯也公益自喜十九歲成進士由郎署陞四川敘瀘道所至有聲禦災捍患削平僭亂不廢詩書而成功晏如鄢大藍二兩賊者猖獗敘州實與蕭養趙風子標表相應者也當時

全蜀騷動西北漢中東南荆襄皆有震鄰之憂公毅然以爲己任由是撫按兩臺使合奏推公委以專征公膺命提兵深入探穴取子以衝突埋伏致勝用唐將薛仁貴浪戰法也不三月生擒鄆藍二賊首繫之闕下西蜀底定論功陞廣東左布政加正二品服俸時年甫四旬公念當年社神語卽致政歸當途名卿賢相無不咨嗟贊異及歸里以詩酒著述自娛者又四十年子怡石埭知縣凱沈邱知縣

鄒文盛字時鳴號黃山性端凝器量宏遠爲諸生時謁

公安縣志

卷之六

人物 列傳

七

太保王襄簡公軾襄簡奇之面相慶曰異日登吾座者非此子不可成化丙午舉於鄉宏治癸丑成進士授吏科給事中命覈兩廣兵儲戊午清甯宮災上災異十事奉敕按事遼東巡撫韓重劾鎮守中官廖玘公偕郎中楊茂仁勘實其罪謫長陵司香朶顏福餘泰甯三衛數擾邊公還奏制馭六策尙書劉忠宣公大夏深善之下之邊吏尋出覈兩廣軍儲釐奸剔弊嶺表肅然中歷刑兵二垣疏陳崇節儉省課稅裁撫治飭邊備廣儲蓄嚴督捕理番舶俱鑿鑿切治體資

望當得京堂以忤逆瑾出守保定府瑾誅擢山東布政使司左叅政會劇賊劉齊等破州縣公撫民餉軍均有成績遷福建右布政使轉雲南左布政時內臣緣方貢恣索無厭公抗不從內臣銜之至借端訐奏公持益力竟亦無他先是貴州青平衛車枕等寨苗反其酋阿旁阿階阿革叛青平興隆偏橋平越新添龍里諸衛咸被其毒至截殺敕僭稱王據香爐山爲巢穴滇楚交震巡撫曹祥以玩寇劾罷朝廷就近擢公副都御史巡撫貴州親往偵賊喜曰彼狃常勝驕

公安縣志

卷之六

人物 列傳

八

而不備可急戰也刻期進勦屢戰皆捷擒阿革賊退保香爐山山壁立數百尋四隅峭仄惟鳥道柵次如鱗仰攻不能克乃製戰櫓與崖齊乘雨夜緣崖登拔其前柵賊奔後山絕頂官軍梯藤蟻附而上斬關入縱火焚巢擒阿旁遂移師討龍頭都黎都蘭都蓬密西大支馬羅諸寨黑苗斬賊渠阿茲先後降獲無算寨破之日焚香告天誓不妄殺一人時正德十一年也捷聞帝大喜璽書嘉勞錄功增俸一等芒部陳聰等作亂討破之四川重安土酋舍馮倫與凱里楊宏

子相讐殺侵軼貴州公督播州宣慰使楊斌撫定之  
進右副都御史掌留臺力振風紀世宗卽位召爲戶  
部侍郎遷南京都察院右都御史改南京戶部尙書  
嘉靖六年特旨轉北戶部尙書首疏鹽政錢法十一  
事凡四方水旱奏請蠲租卹賑悉中時宜未幾以老  
病乞休優詔免留御醫診視疏十餘上始得旨賜敕  
乘傳歲給廩隸如制朝士賦詩餞別者莫不高其行  
歸治白蓮莊構倦還亭與方伯何梅莊公珊詩酒唱  
和又八年年七十有八卒訃聞帝震悼輟朝賜祭葬

公安縣志

卷之六

人物

列傳

九

贈太子少保諡莊簡所著有瑣闡奏議香爐山事蹟  
默庵存稿黃山遺稿若干卷初朝廷嘉公平寇績增  
奉一級廕子錦衣世襲百戶辭免萬曆間江陵當國  
念公功言之朝還其廕長子廷澤官至銅仁府知府  
次子廷濟以孫貴歷贈太子太保後軍都督府左都  
督人以爲不多殺一念致之云

參明史校正

鄒之有號懷白莊簡公五世孫萬曆末襲錦衣廕陞指  
揮僉事自幼練習典章曉暢時務崇禎初擢東司房  
掌衛事時上綜核名實以伺察訶探爲明舊例司禮

監日發小封二紙付錦衣訶外陰事夕則刺闥以入  
謂之事件公掌印時事益繁至加十紙威權赫然公  
一處以平恕受事兩年如出總兵郭正奇死請釋撫  
賞一案重辟四十八人糾叅北鎮撫司寃獄文選李  
彬職方鄒毓祚同日下獄上震怒必欲致之死疏數  
上不允彬祚知聖怒難回亦願以一死塞責公爲抗  
疏竟得謫戍臺臣詹爾選科臣陳德彈烏程相皆下  
獄德母擊體仁於朝門上大怒欲卽致之法法司力  
持不能得公上疏申救得釋爲民時論多之崇禎初

公安縣志

卷之六

人物 列傳

十

公安城圯於江已遷椒園公因議遷時偶不與恚焉  
且以仍近江請遷祝家岡卽舊縣治也後乞休恩加  
太子太保後軍都督府左都督致仕歸十一年以疾  
終於家

李臺字星伯號午溪父大本正德癸酉舉人仕江西新  
城縣令縣署中連夜火起楹柱欲焚越數日有鐵艘  
載白鏹數萬從地湧出新城公命掩之設香案冠帶  
拜辭曰願得賢子孫恪守吾意而已若富不願也及  
一夕夢空中懸一榜列其名次註以臺座一人從旁

語曰前子所應有子不受今所應有子亦不受耶唯  
唯而寤寤而異之中郎邑乘詳其事公其伯子也以  
是年生於署感夢中所見因名臺嘉靖乙酉舉於鄉  
辛丑成進士初授戶部主事出守成都矯然以清節  
自勵病劇強起檢囊儲書史圖籍而外存俸八百金  
出坐堂上命吏盡貯庫捐修郡城曰吾家世清操不  
欲畱以違吾性辱吾先也退而卒於寢蜀人歌思紀  
其事蜀志中越數十年冢孫學元仕蜀讀其遺碑泫  
然泣下蜀父老咸嗟嘆戴學元益親公與新城俱以

公安縣志

卷之六

人物 列傳

十一

酉年舉於鄉與姪守約俱以丑年捷南宮與孫學元  
俱舉第六人天榜之祥驗於是矣

李學元字存齋少與中郎小修爲六人社咸先後得售  
萬曆庚子舉人授晉州知州丁艱服除補高唐知州  
蓮妖煽亂曹濮間洶洶不甯公申嚴守禦方畧捕治  
卒擒賊渠當事以爲能會魏璫私人爲御史按晉以  
楊公大洪故惡楚人遂逐公璫敗補惠州府推官海  
寇起撫軍王公尊德知公幹力檄公往撫公單車入  
賊壘委曲開諭賊皆解去查勘潮肇兩郡活死罪二

十八人著矜情錄上官擬薦會公以目疾乞歸歸數年有異人以針治其疾目復明學導引術謂長生可得也卒年七十餘公深中多數斤斤禮度不逾尺寸諸子皆謹飭語云見釋恭知元規非假於公亦然  
高校字育英生有異稟日記萬言家貧誦歌不輟一日讀書山齋天大雷電有三尺鯉從齋中躍出縱之壑中俄頃雷電復作遙見有向空騰蹕者人以爲此飛騰之祥也果以宏治戊午登鄉薦時年十九先是公安詩文風會尙未大闡公弱冠時卽力爲古文辭有

公安縣志

卷之六

人物

列傳

十一

黃鶴樓賦又諷在位者無取賸人以自封殖作蚊蚤嘲以寓意中郎常言公安詩文自高氏肇起焉邑人欽其德重其文采子文光亦登鄉書孫邦永令吳川咸能以文世其家載中郎高氏家繩集叙號爲三高文光號懷谷校遺腹子也嘉靖戊子舉人簡重雅飭好學強記旁羅百代母成氏有苦節載楚志中公事母孝養備至初授四川巴縣令勤慎慈惠視民若傷推鞠以情幾至無訟賦役與民期會不事鞭笞民亦無後時興利除害皆以實心行之四民仰其廉平比入

覲相率繪像私祀無不願其復任者然素不樂仕進  
懇乞休致銓司爲改廣之遂溪至任甫七日慨然思  
隱遂三和淵明歸去來辭以歸當道莫能挽居家二  
十餘年絕跡公庭時或困於衣食有司爲餽粟帛皆  
不受清介之操終始不渝生平學陶評者謂與潛後  
先無忝云所著有擬陶詩及自祭銘傳等篇並北覲  
稿燕翼錄懷谷詩文若干篇

邦永號又谷爲袁玉蟠先生師經史淹貫詩文閱肆由  
明經授吳川令以抗直著聲逾年亦解組耽吟咏風

公安縣志

卷之六

人物 列傳

十三

雨不輟荆郡守熊元明先生性嗜古欽其博淹駐旌  
下訪叩以牡丹故實熊公得九十公口摛一百五十  
有奇孝廉袁田祖聞而驚異往叩之則云某某出何  
書計帙數行一一不爽人以是奇之中郎先生比之  
安平崔汝南應皆家有文集者也名位不甚赫赫幾  
於掩抑不彰然其子孫皆篤謹能文

高文美號二峯校弟之子也長身美髯亮聲如鐘家貧  
教授爲業常服一布衣門徒見公一日不館則相謂  
曰此先生畱浣布衣也素不信鬼神事里中有迎木

神祈禳者遇諸塗公中道正色立不動木神爲迴轅避之邑瀕江多水患族眾有逋賦者自鬻腴產代輸人以是歸其義數奇不售以明經任溧陽教諭溧故濱江公率諸生講求屯田水利治民算數等書倣宋胡瑗教授蘇湖遺意務課以有用之學士稱良師有子十人孫重望崇禎壬午舉人曾孫正儀順治戊戌進士人謂德報

龔大器字容卿號春所龔氏世耕谷昇里至公始讀書稱儒爲諸生時卽拓落有大度人稀見其有喜愠之

## 公安縣志

### 卷之六

人物 列傳

十四

色家酷貧舌耕猶不給環堵蕭然公于然畧無幾微佗僚性舒緩善談諧雖至絕糧斷炊猶晏然笑語其發奇中令人絕倒或橫逆之來人大不堪者公受之怡然旋即忘之不復省憶也爲諸生屢試皆高等而連躓場屋凡應試者多先榜歸公獨徐徐候榜出閱罷徐徐看新孝廉赴晏買賢書數冊然後束裝失意者或藏匿避人公獨與得意人無異歲以爲常至四十餘嘉靖乙卯始舉於鄉赴公車同事者以年老慢易之曰公卽當謁廣文選遷一老別駕足矣何得

同我輩上春官乎公笑而謝之如此者數四竟無忤也然公卽以明年丙辰成進士授刑部主事嗣後佐廣西江西浙江直隸藩臬爲河南布政使皆平易近民所之號爲龔佛始若汶汶久多去後之思公不爲苛清矯激之行又素儉所得祿入自營產業之外分給族人居家時聞政有不便民者公卽入告邑長令語甚激切長令素重其人悉聽之邑俗悍卽鄉之貴者或名之於公獨否是時公仲子久舉於鄉公季子舉進士爲行人拜監察御史公之外孫袁宗道會試

公安縣志

卷之六

人物

列傳

十五

第一爲太史袁宏道成進士偶皆集於里公以藩長致政歸年七十餘矣每至四節之會簪袍爛然人以此榮之公能詩與諸子諸甥唱和推爲南平社長一日孝廉御史偕同社及諸甥遊石洲以公老難於往來弗約已至洲拾石子俄見雪浪中有小船迅疾而下中有一老翁踞胡床指麾江山旁若無人互相猜疑逼視則公也舟已近公於舟中大呼曰何爲遂棄老子也登洲卽於洲上舞拳數道以示勇諸人皆大笑極歡至夜深乃歸各分韻紀游公歸詩已成卽於

燈下作蠅頭細字書之明日黎明遣使持詩徧示諸人俱以遊倦晏起不得一字皆大笑八十三以無疾而化次子仲敏字惟學性愷悌温良聞人緩急若己有之少有俊才博覽羣書萬厯癸酉舉於鄉所爲文規秦藻漢邑人風氣爲之一變自後邑中始有文章起家者皆公發其端既謁選得山東之嘉祥令期年大治訟庭寂然下簾焚香課士子經術以憂去起補太原當事者以嵐縣獷不可治特薦公爲之三爲令皆鬻產以供官費家遂貧其平易近民如其父廉乃

公安縣志

卷之六

人物

列傳

十六

次骨所之百姓愛之眞如父母去則祠竟卒於嵐卒之日百姓數千人皆痛哭於堂下呼聲震地堂欲爲崩公未卒之前數日預知死期自作書以貽弟及甥去來坦然若有得者公好學仙喜爲黃白術竟不就於天文地理醫卜百家之書靡不通曉所著嘉祥縣志詳贍典則爲通人焦太史諸公所賞仲慶字惟長萬厯己卯魁於鄉明年成進士授行人司取御史以建言謫磁州判終兵部郎竟淹抑不獲大用愷悌愛人如其父兄生平不喜言人之短見人言人隱事則

頻顛曰爾親見之耶其渾厚蓋天性也爲人沈靜獨喜蓄書至數萬卷躬自校讐司理汝南時無所事事惟遣善書吏數十人錄陳文耀所藏古今書數百部中年絕意仕進日以讀書爲事大愛種花所植異花草數百種曾於河北見垂柳婆婆婆委地卽遣人取一枝種之其好事如此晚年斷暈血好布施亦以無疾卒有遯菴集外史氏曰甚矣龔氏之多長厚也有石慶劉寬之風焉卒享壽考子孫昌熾有以也生死之際可以觀人嵐縣公之卒也通邑之人皆狂走曰惜

公安縣志

卷之六

人物

列傳

十七

哉善人死矣及駕部卒人悼惜之多有泣下者可不爲仁人乎古人所爲嘆不言之蹊於桃李也

周良臣字相季嘉靖乙丑進士四十五年知長洲邑政紛雜釐剔有條一切裁以法諸豪滑素侵蝕悉核令自實以償夙弊頓清冊籍環案主者盈庭一一勾校無敢搖其手夜分猶聽覽諸泛役浮費減節殆盡津路一無餽遺人亦憚不敢索以憂去

蘇州府志

袁宗道字伯修號石浦曾祖暎以任俠聞祖大化彬彬爲退讓君子性慷慨周人之急每得糶直擇其贖金

擲之秤金於人昂則喜嘉靖中邑大饑公出母粟二千石金千兩以貸盡焚其券家遂落明年封公士瑜生娶龔方伯女生伯修中郎小修三先生初先生生之夜祖母余夢一美人頭自天飛來若今所畫天人菩薩之飾寶髻交垂以襟承之甫覺而伯修生時嘉靖庚申二月十六日也先生生而慧甚十歲能詩十二列鄉校見鄉先達祠曰吾終當俎豆其間二十舉於鄉下第歸益喜讀先秦兩漢之書是時濟南瑯琊之集盛行先生一閱悉能熟誦甫一操觚卽肖其語

公安縣志

卷之六

人物 列傳

十八

然已疑詩文之道不盡於是矣弱冠已有集自謂此生以文章名世也性耽賞適文酒之會夜以繼日踰年抱奇病病幾死有道人教以數息靜坐之法有效閉門鼻觀棄去文字障遍閱養生家言是時海內有譚冲舉之事者先生欣然信之謂神仙可坐而得也移家長安里中栽花蒔藥不問世事癸未父強之赴試行至黃河而返還至荆門舍於逆旅夜半夢有神人語之曰公何不起吾老人爲公特來何得不見念也微以杖敲其足足隱隱痛擁被大呼而出甫出屋

崩床碎爲塵人以此識先生非常人然先生亦翻然若有所悟曰吾其以幾死之身修不死之道也歸而妻死不復娶父強之娶則娶田家女曰吾求可與偕隱者耳先生習靜久體氣愈充父謂之曰昔淨名依於忠孝自古之冲舉者豈盡枯槁耶先生曰諾時復拈筆爲制舉義窮工極變丙戌遂舉會試第一年甫二十七官翰林求道愈切時同年汪儀部可受同館王公圖蕭公雲舉吳公用賓皆有志於養生之學得三教林君艮背行庭之旨先生勤而行焉己丑焦公

公安縣志

卷之六

人物 列傳

十九

宏首制科瞿公汝稷官京師先生就之問學共引以頓悟之旨而僧深有爲龍潭高足數以見性之說啟先生乃遍閱大慧中峯諸錄得叅求之訣久之稍有所豁於是研精性命不復談長生事矣是年以冊書歸里中郎與小修皆知向學先生語以心性之說亦各有省互相商証先生精勤甚或終夕不寐逾年偶於張子韶與大慧論格物處有所入急呼中郎與語甫擬開口中郎卽躍然曰不必言相與大笑而罷至是始復讀孔孟諸書乃知至寶原在家內何必向外

尋求吾試以禪銓儒使知兩家合一之旨著海蠡篇  
既報命旋卽乞歸七八年間屢悟屢疑癸巳走黃州  
龍潭問學歸而復自研求戊戌再入燕先生官京師  
中郎亦改官至小修入太學乃於城西崇國寺蒲桃  
林結社論學往來者爲潘尙寶士藻劉尙寶日升黃  
太史輝陶太史望齡顧太史天峻李太史騰芳吳儀  
部用先蘇中舍惟霖諸公先生見地愈明大有開發  
當是時海內談妙悟之學者日眾多不修行先生深  
惡圓頓之學爲無忌憚之所託宿益泯解爲修同學

公安縣志

卷之六

人物

列傳

二十

者矯枉之過至食素持珠先生以爲不可曰三教聖  
人根本雖同至於名相設施決不可相濫於是益悟  
陽明先生不肯逕漏之旨其學方浸浸乎如川之方  
至而先生卒矣先生素切歸山之志以東宮講官不  
獲補僅得三人先生曰當此危疑之際而拂衣去吾  
不忍也是時東宮未立中外每有言先生聞之私泣  
於室自丁酉充東宮講官庚子秋以病卒先生爲人  
修潔生平不妄取人一錢居官十五年不以一字干  
有司讀書中秘貧甚時鄉人有主銓者謂所知曰我

知伯修貧幸主銓可爲地千金無害也所知以語先生先生笑而謝之某邑令以三百金交期爲汲引竟不發遂急還其人弟小修偶見問何令先生秘之竟不知爲何如人也生平却百金者累累或餽遺至十金則惶愧不受卒於官棺木皆門生斂金成之檢囊中僅得數金及妻帑歸不能具裝乃盡賣生平書畫几硯之類始得歸歸尙無宅可居其清如此然先生爲人平恕亦不以此望人且自多也興致甚高慕白樂天蘇子瞻爲人所之以白蘇名齋居官省交遊簡

公安縣志

卷之六

人物

列傳

二十一

酬應蕭然栽花種竹掃地焚香而已每有月則邀同學諸公步至射堂看月率以爲常耽嗜山水燕中山刹及城內外精藍無不到遠至小方小西天之屬皆窮其勝詩清潤和雅文尤婉妙然性嬾不多作著有白蘇齋集若干卷先生與同學友黃公輝交若兄弟先生死黃公哭之甚慟及葬黃公請告迂道登壠哭之爲誌其墓逾年先生舊社友董公其昌視學政因諸生之請祠於學宮卒如素志云萬曆丁酉戊戌間有東倭關白之警時議封貢先生嘆曰石尙書其不

免乎李卓吾刻藏書成先生曰禍在是矣已而皆驗如此者不可枚舉大都量與識皆全者也天不假以年未得盡抒其用世之畧惜哉書法適媚畫山水人物有遠致作小詞樂府依稀辛稼軒柳七郎風味舊有傳奇二種置之笥中爲鼠子嚼壞鳳毛龍甲竟不存於世可爲永嘆光廟御極以東宮講讀晉詹事贈禮部右侍郎予祭葬廕一子

袁宏道字中郎號石公先生之生也母夢月入懷故小字月少時卽具倍年之覺母卒先生不數哭一哭卽

公安縣志

卷之六

人物

列傳

二十一

痛絕人以是知其有隱慧焉總角工爲時藝塾師大奇之入鄉校年方十五六卽結文社於城南目爲社長社友年三十以下者皆師之奉其約束不敢犯時於舉業外爲聲歌古文辭已有集成帙矣戊子舉於鄉主試者爲馮卓菴太史見其後場出入周秦閒急拔之明年上春官時伯修方爲太史初與聞性命之學以啟先生先生深信之下第歸伯修亦以使事返里相與朝夕商確索之華梵諸典轉覺茫然後乃於文字中言意識不行處極力參究時有所解終不欲

恃爝火微明以爲究竟如此者屢年一日見張子韶論格物處忽然大豁以證之太史太史喜曰弟見出羣信非吾所及也然後以質之古人微言無不妙合且洞見前輩機用一一提唱聊示鞭影命名曰金屑時聞龍湖李老冥會教外之旨走西陵質之李老大相契合贈以詩中有云誦君金屑句執鞭亦欣慕早得從君言不當有老苦蓋龍湖以老年無朋作書曰老苦故也仍爲之序以傳畱三月餘殷殷不捨送之武昌而別壬辰舉進士不仕復與太史還里居石浦

公安縣志

卷之六

人物

列傳

二十三

之上偕外祖春所龔公及舅惟學惟長輩終日以論學爲樂當是時太史與公雖於千古不傳之秘符同水乳而於應世之跡微有不同太史則謂居人間當歛其鋒鏑與世抑揚萬石周慎爲安親保身之道公則謂鳳凰不與凡鳥同巢麒麟不與凡馬伏櫪大丈夫當獨往獨來自舒其逸耳豈可逐世啼笑聽人穿鼻絡首意見各不同如此已復同太史與小修遊楚中諸勝再至龍湖晤李老李老謂伯也穩實仲也英特皆天下名士也然至於入微一路則諄諄望之公

蓋謂其識力膽力皆迴絕於世真英靈男子可以擔  
荷此一事耳乙未謁選爲吳縣令始以其學試之政  
人皆謂吳縣繁劇而公超脫或足以困之乃公灑然  
澹然不言而物自綜事自集吳賦甲於天下猾胥朱  
紫其籍莫可致詰飛灑民間溢於額而不知公一目  
了然摘其影射之條者干呼猾胥曰此何爲者胥不  
敢欺皆俯首曰弊公俱置之法而清額外之征凡巨  
萬吳民大悅又不折徵收之封惟苛兌者許民告白  
以其所贏代輸者爲傾瀉費上官聞而便之下其例

公安縣志

卷之六

人物

列傳

二十四

諸邑悉如吳縣機神朗徹遇一切物熊如鏡取影卽  
巧幻莫如吳而終不得遁故遁詞恒片語而折咄嗟  
獄具吳人謂之升米公事自非重情無所罰贖杖之  
示懲而已以故署門酒家蕭條皆移去縣胥隸之類  
或三四爲曹共一役不食縣官惟借公事漁獵里閭  
公揀其宜用者食之無所差遣終日兀坐不能餬口  
皆逃去歸農有屢投匿名牘者公出見縣前占星人  
覺黠甚念必此人也呼來占星一紙視手跡與匿名  
牘無二訊之立伏其妙於得情皆此類公爲令清次

骨才敏捷甚一縣大治宰相申公時行聞而嘆曰二百年來無此令矣居常不發私書塵覆函數寸期年而政已成會吳中有天池山之訟公意見與當路相左居恒不樂遂閉門有拂衣之志當事知其不可強姑令予告俟病痊補職公既得請走吳越訪故人陶周望諸公同覽西湖天目之勝觀五泄瀑布登黃山齊雲戀戀烟嵐如飢渴之於飲食時與石簣諸公商証遞相取益而閒發爲詩文俱從真源中溢出別開手眼一掃王李雲霧天下才人文士始知疏瀹心靈

公安縣志

卷之六

人物

列傳

二十五

搜剔慧性以蕩滌摹擬塗飾之病其功偉矣戊戌太史字趣公入都始復就選得京兆校官時太史官春坊小修亦入太學復相聚論學結城西之崇國寺名曰蒲桃社庚子補禮部儀制司主事數月卽請告歸歸未幾太史下世公感念絕葷血者累年無復宦情時於城南得下窪地可三百畝絡以重堤種柳萬株號曰柳浪潛心道妙閒適之餘時有揮灑皆從慧業流出新綺絕倫而遊屐所及如匡廬太和桃花源皆窮極幽遐人所不至者無不到發於詩文烟嵐溢毫

楮閒蓋自花源後詩字字鮮活語語生動新而老奇而正又進一格矣丙午入都補儀曹主事曹務清簡蕭然無事乃以存問蒲圻謝公之便歸里戊申春暮入都補驗封司主事攝選曹事猾吏多舞文屬當急選之期故事掣籤時凡瑣屑事皆曹郎躬爲之吏無敢近者一老吏忽排闥而入曰每次大選例與都吏一二美缺今有某驛缺已予都吏百金矣幸以見與公目攝之叱之出私念曰銓事一至此乎誓爲國家除此大蠹少宰橋公喬曰吾輩身爲大臣受制胥吏

公安縣志

卷之六

人物

列傳

二十六

切齒久矣會猾吏私一姻戚已罷官而仍畱之刻報至公廉得其故大憤曰如此則銓柄盡歸此輩矣時冢宰擬以疏文而後逮治之公曰此胥吏也但寘之於法以一知會疏上則疾雷不及掩耳雖有奧援將安用之遂如言具疏而猾吏未知也公令兩隸持之曰去送汝入刑部卽繩之以往疏下竟以欺罔坐重辟銓曹設刑具自公始冢宰孫公知公爲大用器甚重之己酉公主試秦中試官以避嫌不過搜求公通場皆自取閱所取士大半得之落卷中及出榜多名

士試錄爲天下第一公典試後與左轄汪公可受密以道相証遍遊秦中諸勝歷中嶽嵩山登華山絕頂而還著華嵩遊記居吏曹二年會考事竣遂給假南歸定居沙市中治一樓名曰硯北取段成式杯瀝之餘常居硯北意也庚戌卒年四十三海內知己謂其識如王文成膽如張江陵而不逮下壽以歿天下惜之所著詩文有敝篋集錦帆集解脫集廣陵瓶花齋瀟碧堂破硯齋華嵩遊草若干卷行世吳縣祀名宦公邑祀鄉賢

公安縣志

卷之六

人物

列傳

二十七

袁中道字小修伯修中郎同母弟也萬曆癸卯魁北闈丙辰成進士改蘇州府教授遷國子博士乞南得禮部儀制歷南吏部文選司郎中旋乞休晚深於禪理卒時鼻垂玉筍人以爲禪定云所著詩文有珂雪齋二十卷遊居柿錄二十卷

毛苞號小坡宗孟公少子昆季五人各以文顯苞由明經授善化教諭明季士畏東林之禍不敢談忠孝二字獨起而教之士氣大振

袁祈年字未央吏部中道之子爲太史宗道嗣事生母

嗣母及諸庶母孝行純篤內外無間十五入鄉校詩文疎快可喜爲人朗霽軒翥遇人皆作歡顏好語各得其意稱袁氏佳子弟也畱心禪宗尤有意於檀度嘗遇一人以母衣典穀價中途遺失召還家如所需予之蜀尉舟中遇盜失憑沿江泣訴憐而資之又於府縣起文并寄書蜀當道相知者具道其情邑治近江每夏漲積屍漂流見之輒捐棺葬瘞又嘗載米百石往南嶽供僧舟過洞庭遇賊刦掠躍水中如有託其兩足者賊退浮水出仍載米至山飯僧而還南省

公安縣志

卷之六

人物

列傳

二十八

儀曹公舟次吉祥寺禱定光佛願生一弟以慰親心有千里陸機親拜禱阿雲何日始驚姜之句光宗卽位爲太史請祭葬廕卹以是入監讀書天啟甲子中順天鄉試辛未會試以犯御諱幾獲而復失之甲戌復以闡文犯七夫不錄作七夫詩時人傳之旣久困公車又羣從中有先售者大不得意遂挫情進取讀大慧碧巖諸書皈依般若發願文尋卒友人節其生平謚曰文孝先生所著有梅花奧集南遊草二冬草篤蓍草續桃源遊草若干卷

侯一定字豫亭少有文藻師事邑進士劉珠中萬曆乙酉舉人性清介登賢書廿餘年絕不事干謁丙午爲應城廣文陞粵新甯令丁內艱服闋起蜀之羅江令每讞獄手削刑書多平反杖人至十五則撫案流涕而起猾吏相目笑公自若蓋其天性也寒月不能具服則葛衣視事久之事洽民安遠近信之直指使巡部過邑候之江干久不至因遽返而直指已及岸矣一時舟揖不具迎候之儀寂然使者大怒先是出都時邑紳在京者皆盛稱羅江長者篤厚可善視之及

公安縣志

卷之六

人物 列傳

二十九

公謁見詞氣恂恂不吳不悚知公果廉吏無他遂勸公歸公亦厭吏事卽日解綬歸里訓其子侄一如村塾老儒卒之日四子析產無絲粟遺但各分私債三十金令償而已吏部異度先生公季子也壬午典蜀試蜀士之受知於公猶有存者道邑人思公久而愈篤旣躋祀名宦又別立廟祀乞異度爲碑紀之異度學問淵源皆公自指授清風大節照灼古今其所紹衣居然可見矣

李守約號道宇萬曆丁丑進士授行人累官刑部主事

安慶知府南太常寺少卿生平一介不取予居鄉服官始終一節守皖尙清嚴治吏胥行一錢之法有張乖崖風人皆憚之在刑曹值江陵秉國鄒公元標以論奪情廷杖創甚時畏江陵之怒無敢近者公獨負鄒公出邸或勸鄒公服膽汁者鄒公語公吾尙無子服膽汁恐艱於嗣公然之遂不服所以周旋經理醫藥之具甚至及鄒公出都門公獨送之郊外執手殷勤而別是時江陵訶事者交錯公與江陵固同郡又其子榜眼同年也行之不少挫其不附權要峻嶒特

公安縣志

卷之六

人物

列傳

三十

立如此卒後數十年壬午邑人毛壽登言之督學彙旃高公曰李公高風峻節宜祀於鄉若復循舊例往返查覆則其子孫衰落必不能達失此盛舉矣高公特檄入祠亦異數也

熊膏字雨亭家世業農至公始奮志讀書每試輒冠軍邑子弟穎異者多就公學焉鄉居僅一白布禪衣每詣縣則挾之近郭數里方著以入及貴鄉人戲指此地爲更衣亭云萬曆丙午舉於鄉癸丑成進士授行人戶部主事參議河南布政使榷河西稅舊多逋課

膏清介無苛索賦入反足遷蘇松憲副念二郡田賦甲海內而凋殘逋欠特甚乃酌便請蠲貸改折所省民力不貲吳人至今思焉遷山東右藩天啟丙寅春兵譁膏開城撫諭之乃定晉山西藩入覲舉卓異以副都御史撫南贛未及任而卒賜祭葬公居官勤厲所至不言而辦稱爲練達有知人鑑侍御毛公羽健方爲諸生時公一覽其文大稱異卽延至其家許以國器令其子楚蘭同讀書每奏一文出輒賞譽不置後毛公果以辛酉壬戌聯捷蓋先輩知人之明固不

公安縣志

卷之六

人物 列傳

三十一

可學而拔掖後進好善如渴視今之齷齪細人兩眼如眯且妒忌生心惟恐後輩之有聞焉者何啻霄壤語云蔽賢者宜無後則好賢者之克昌其後可知矣遭世大亂子孫衰替不振是可嘆也

龔世法字竹山號蒼嶼四歲失怙事母至孝文名日著萬曆丙午舉孝廉癸丑成進士授行人初封榮藩次封福藩苦節自甘皆人所難堪者二藩特疏奏聞擢吏部稽勳司主事轉文選司秉銓五載凜冽冰霜銓曹例有堂饌皆胥吏供頓極豐腆公盡揮去飯脫粟

下物止醬薑一味而已以爲常門絕私謁凡書疏往來者率不發封於函面大書龔某頓首還之其清峻絕物如此崇禎己巳起補銓司未至京道返爲忌者所糾謫戍常德終於家公多鬚髯儀貌甚莊見人不爲慙懃亦未嘗見其笑家居時冬則一敝布袍夏一綻補紗衣久而不易無事則獨立門前閒呼過者與語人畏其清嚴皆趨而避之常夏日徒步遊二聖寺一纏縷小奚張雨蓋行烈日中不知者不識爲吏部也起補時至中途適武陵楊公嗣昌備兵中州與公

公安縣志

卷之六

人物 列傳

三十一

同年遣餽金四十貂帽一具囑其使曰龔公必不受可言公過吾境未有不相問者吾無事擾銓政也公堅辭所親苦勸始受貂帽寒甚著以卽路人或聚而觀之公大悔曰凡觀者爲此物也卽封識令所過縣令於遞上致還武陵深以此爲憾然知其素性若此後楚撫方公孔炤疏請賜環會公卒公生平狷介類不近人情然品行介介實爲時所推服也

李清字滄浪生七月而父卒時父年僅十九母田同祖母劉苦節共甘從襁褓中撫孤兒以至成立初族黠

者釋視兒一切徭役督促迫遽至入繫其饋婢以去  
兩母脫簪珥應未已乃鬻其室而移外家田氏莊以  
居久之公與兄俱補邑校兩母始挈兒歸舊里會祖  
母劉卒母田拮据荼蓼支撐內外邑先達侍御龔公  
爲文以頌之公生而明敏力學嗜古所閱書史百家  
率三四點定崇濂洛之學敦尙實踐小節必謹以貢  
授龍陽訓導教士以開明心術變化氣質爲先龍士  
化之龍政有不便於民者必請於令蠲飭乃已不以  
權不自己出而有所靳不畏人之我忌而有所徇三

公安縣志

卷之六

人物

列傳

三十三

年卒於官性孝友每言及父母事涕泣至老不衰伯  
兄長一歲事之如嚴父終身歡然無間少與兄就督  
學試已列名輒走匿諸舅知其意不欲先兄也遂以  
推兄及兄覆試訖乃歸而公次年亦補弟子員伯兄  
出應漕役久未歸一日昧爽聞剝啄聲不暇屏去染  
鬚囊披衣起徑前啟戶抱兄而舞藥污狼藉唇頰間  
僕婢皆笑喪子惟一孫友松兄亦無子兩人共一孫  
同室而居垂白相娛嬉如嬰兒也婦侯氏少寡矢節  
語在列女傳中蓋一門節孝云臨終訣兄云孫可教

必以侯某爲師侯某卽令邱先生友松舅氏也友松順治甲午舉於鄉

蕭毅中字元恒萬厯丁未進士啟榜夕夢關帝賜之佩刀諭以珍惜授江西安福知縣考授監察御史疏上值神宗倦勤八年始報可是時官班寥寥公爲御史與垣中官公暘谷俱楚人皆當時翹楚也魏璫猖獗時應山楊公大洪特疏糾發其奸璫黨銜楚人如血仇以公楚人與楊公交好因此獲罪放歸公畏禍杜門不敢預黨事崇禎初璫敗起廢頗懲前事有所避

公安縣志

卷之六

人物 列傳

三十四

就由大理寺丞陞南贛巡撫未幾卒於任子煜都公安初亂率壯士勦邑賊之勾闖者有膽力鼎都奉母避難麻寮所爲賊所獲母考斃欲殺鼎都而掠其妻妻羅厲聲大罵賊汝殺吾姑吾夫婦豈更生耶我何人肯受賊辱何不先殺我使吾夫見之遂俱遇害毛羽健字芝田幼英異有器局讀書日數行下赴童子試受知於大司馬王公三善有神童之目天啟辛酉舉於鄉壬戌成進士授四川萬縣知縣萬當孔道邑小而疲公撫孤貧鋤豪猾摘發如神不少貸重慶巴

縣值奢酋變後邑里凋敝奸譎百出撫按迹公治狀以爲巴非公不可遂移巴縣時天啟五六年間邑紳王應熊三案小人也歸里氣燄甚盛公一以法裁之王以危言怵公公不爲動公治民廉明惠愛多異政凡有積案不得申者皆泣訴當道願付毛公死不憾公爲讞決立斷人自以不冤蜀人至今祀爲神明焉生平不名一錢任滿去至不能具裝丁卯以治績奏最崇禎改元擢雲南道御史首劾鎬黨楊維垣八大罪及阮大鍼反覆變幻狀二人遂被斥去王師討安

公安縣志

卷之六

人物

列傳

三十五

邦彥久無功公上疏言賊巢在大方黔其前門蜀遵義其後戶由黔進兵必渡陸廣奇險七晝夜抵大方一夫當關千人自廢王三善蔡復一所以屢敗也遵義距大方三日程而畢節止百餘里平衍從此進兵何患不克因畫上足兵措餉方畧並薦舊總督朱爕元閔夢得等帝郎議行後監軍劉百訓總兵侯良柱果由蜀進兵安奢積年逋寇一舉殲焉黔蜀由此底定朝議以是服公知兵已陳驛遞之害兵部勘合有發出無繳入士紳遞相假一紙洗補數四差役之威

如虎小民之命如絲帝卽飭所司嚴加釐革積困爲蘇當是時閹黨旣敗東林大盛朝端王永光陰陽閃爍溫體仁猾賊周延儒回佞言路新進標直之徒尤競掎擊以爲名高體仁之訐錢謙益也以科場舊事延儒助之惡且日攻己者爲結黨欺君帝怒而爲之罷會推矣公憤其以朋黨二字傾陷君子非國家之福遂上先伏斧鑕一疏力救會議諸臣其畧曰彼附逆諸奸旣不可用勢不得不用諸奸擯斥之人如以今之連袂登進者爲朋黨而來抑將以昔之鱗次削

公安縣志

卷之六

人物

列傳

三十六

奪者爲朋黨而去乎陛下不識在廷諸臣與諸奸之孰正孰邪不睹天啟七年前與崇禎元年後之天下乎孰安孰危今日語太平則不足語剔弊則有餘諸臣亦何負國家哉一夫高張輒疑舉朝皆黨則株連蔓引不且一網盡哉上責其疑揣而以公素忠直免之初上疏時相知多阻之謂禍且不測公陽對眾焚稿而陰辭家廟期以死爭至是獲免在廷無不感上之知而服公之勇太常少卿謝陞求撫於永光永光長吏部陞當推薊鎮而以薊地比歲孔棘遂置謝而

以王元雅當之公上疏劾永光庇私人誤封疆且言元雅必不勝任後薊果失守元雅死焉永光召對文華殿力詆公並究主使之者大學士韓爌曰究言官非體也帝不從已而宥之蔡弈琛者體仁私人甫入京補選郎公郎劾其奸斥去公儀貌玉立音吐琅琅每奏對上爲注目久之閒賜茶菓以示優異節省庫者京商支領系焉先是典此者咸以贓敗有二八三七瓜分之弊商人困敝公奉差巡視差分久近按次給與猾胥無所售奸差竣之日羣商焚香拜送盈衢

公安縣志

卷之六

人物

列傳

三十七

塞巷頌聲沸然上訶知狀稱爲好御史親書其名於御座一日帝御文華殿獨召延儒語良久事秘舉朝疑駭公上疏曰召見不以盈廷而以獨侍清閒不以朝參而以燕閒更漏已沈閣門猶啟所言公公言之所言私則巧言陰中讒害善類何所不至不當疑羣臣而偏信一夫之諜諜也語多切直不報凡公所論奏皆一時渠魁而此數人者後先當國斥戮正士援引僉邪尤與崇禎相終始卒誤國家者也溫周積憾益深伺公監北闈鄉試體仁喉所親疏誣公而從中

下其事公在闈中難申白臺省皆懼禍但扼腕竊歎而已遂謫嶺表公處之泰然日遊放山水閒暇則讀書凡當事餽問皆不受方被謫時黃公道周倪公元璐劉公宗周咸稱爲鐵漢卽宜興亦語人曰毛芝田只是性氣偏脚根甚是乾淨蓋溫周合謀羅織公事無毫髮疵故也會流寇張甚廷臣交章薦公上思公忠直擢授總督中州專辦勦事公歸自戍所道卒於贛子壽登扶櫬走閩越吳楚閒幾死數矣卒致反葬贈兵部右侍郎著有西臺奏議十卷和兒詩一卷委

公安縣志

卷之六

人物

列傳

三十八

羽集一卷夫人袁氏名門女明識達禮能斷大事有古列女風操太史文公安之評曰毛公居臺諫三年疏無慮百餘上其大旨在審官方別流品剔積弊而尤髮指於諸奸之連結所糾彈如烏程德州桐城皆奸人之雄也不懲前不怵後固剛腸哉余考史李林甫得君當開元二十五年識者以二十五年前不早彈射爲遺憾王安石惡稔於熙甯而禍胎於嘉祐雖涑水氏尙猶失之當御史之論列蔡奔琛時方補文選郎耳暨後烏程蔓引遂以掌銓躐政府幸諸君子

封弧羣射而去稱焦頭爛額功抑知曲突徙薪芝田  
於二十年前早已痛識其奸乎是又呂獻可所把臂  
稱快者也聞其道病時惟以國賊未滅燕京將危爲  
憾若公者可謂明達慷慨之死不回者矣

參明史  
校正

龐瑜字堅白天啟明經初任京山縣學博臺使者疏薦  
有識有謨有學有品不特風高絳帳兼且才優花封  
癸酉陞陝西平涼府崇信縣知縣甲戌正月至任是  
時關輔久旱人民相食公多方撫恤捐俸粥路齋戒  
祈禱精誠有孚甘霖大霑饑饉之眾稍有起色矣值

公安縣志

卷之六

人物 列傳

三十九

流寇猖獗山陝尤甚公誓死殉城與邑紳朱宏道堅  
守甲戌九月初五日城陷公冠帶坐堂及賊刃交身  
罵不絕口而死陝撫以死事入告朝廷悼惜贈固原  
州知州廕一子入監讀書邑人欽公大節公舉鄉賢  
崇祀

野史氏曰龐公恂恂篤老語言如不出諸口予猶及  
見之長者也猶憶其之崇信也不能具冠帶先侍御  
解所服帶贈之未幾變聞其臨難慷慨有古烈士風  
仁者必有勇信夫

侯偉時字令邱又字異度豫亭公第四子也豫亭公羅江歸貧甚卒之日分諸子各以債三十金令償公於家事一無所問一意讀書凡一切公賦私責俱諸兄代任之其兄弟友愛如此生平考試未嘗居第二崇禎庚午以恩貢赴京鄉先達毛公羽健見其文遍稱於諸公閒許以聯捷是歲果舉於鄉辛未成進士選授廣東陽江縣知縣奏最召入應授臺諫是時上於奏對多取便給者公訥於言廷對不稱旨授工部主事壬午典蜀闈所取多名士復命改吏部文選司主

公安縣志

卷之六

人物

列傳

四十

事北都破公變服得脫已挈家走閩粵還隱湖湘閒轉返畏途備極辛苦永明王在武岡往從之授太常寺卿仍掌銓事未幾定南王以

大兵至永明倉猝奔靖州偉時從行失馬不能前土人昇致城中王已錄致其家公挺立不屈命之坐不肯席地王問一無所答惟曰吏部久應死矣如是者三止一子章華甚愛之是日被以華服擁泣膝前勸公降公叱曰吾視汝猶一塊土耳蹙仆階下語益厲左右捽其頰血流被面刃交於脛僵仆地上竟不屈從容

就義行道莫不掩涕王嘉其節以禮葬之所在立祠  
與司馬傅作霖寶慶同知劉平并饗額曰三忠劉陝  
西人傅常德人也公爲諸生時介然自異訥於辭辯  
然丰姿標舉義所不可輒勃發不可遏口不言人過  
人有言及默然微哂而已臨難賦詩剛毅猛烈洵仁  
人哉久之章華亦死

袁彭年字述之號特邱中郎先生長子十歲隨中郎過  
廬山見其和詩喜曰此子律度似將來知詩者中郎  
兒可不科第可不詩乎後作詩多令屬和中郎晚年

公安縣志

卷之六

人物 列傳

四十一

移居荆之沙市卒沙市故佳麗地公少不羈好狹斜  
遊常拉酒人服繡衣闌入青樓酒肆頗有小杜之風  
會小修先生成進士歸聞而弗善也語江陵令撲責  
之公大憾乃發憤下帷甲子舉於鄉數上公車不第  
益復閉戶柳浪湖中究心經史遇古人勝事儁句必  
手錄張壁上玩誦久之四壁皆滿若魚鱗然足不出  
閩者數年咯血如縷不少息作爲文章深確有根據  
而韻度淹遠非區區舉子逐時高下博一第者也甲  
戌成進士授淮安府推官公門第高華而文章能自

豎立東南人士皆嚮慕之諸臺使監司咸重其才地名聲大起治獄恪謹無意外縱舍亦不隨人軒轅勘河工釐清宿弊以勞優敘陞禮部主事纂修會典公外吏五年砥礪樹聲譽自負當入詞林否則亦省垣臺諫耳儀曹閒秩冷署悒悒不得意請假家居則益讀書作詩與友人毛壽登唱和有宦語詩細數卷假滿赴補上召對公面陳欲於大河以南建立藩鎮如唐故事使便宜置吏各自爲守上首肯之改授禮科給事當改垣宜興相頗相聞未幾宜興事敗下廷議

公安縣志

卷之六

人物

列傳

四十一

公疏其罪狀並給其黨二十許人政府擬嚴旨上手書付閣改票旋奉命催漕江北北都陷南中適有金華許都之變忌者欲轉金華守以困之太宰掌垣持不可乃已是時馬士英當國外結高劉等三鎮以挾制朝廷欲援引三案小人變亂朝政深忌南昌相姜公曰廣持正不能有所爲江西宗室統纓首入士英幕極詆姜相公據祖制駁之云中尉有奏當先令長史司具啟親王參詳可否然後給批賫奏若候考吏部則與外吏等從通政司封進今何徑何竇直達御

前微刺顯攻捕風捉影宜加禁戢語多切直又疏陳  
三案始末分別邪正較若白黑以逆折士英之謀時  
論躉之士英黨阮大鍼等銜公特甚因諫廠衛疏降  
級調外後避難播遷由海道入閩爲時鈞致入粵雖  
屢受事任然念世難未夷每退署輒袒衣露頂坐風  
露中冀以病死及端州每以振紀綱覈名實重名器  
尊主權爲言引繩削墨無稍假貸倖者憾之公好學  
深思讀書務爲精鑿雖兵戈搶攘中手不釋卷晚年  
詩益進指事言情博於故實不爲浮談一條王李叫

公安縣志

卷之六

人物

列傳

四十三

囂蹈襲與近時幽冷佻小之音而中郎瀟灑俊逸之  
風亦少減矣嘗謂公詩工於用事而波瀾未濶故長  
於近體而躓於古然當其得意新異精穩卓有雅人  
深致亦近所未有也爲人高簡意忌不樂與俗人語  
意所不合寒溫外但張髯傲睨而已嘗有所屬於楚  
學使使者抑之後竟以他事中焉雖羣從兄弟未嘗  
輕以口頰借惠也以是人多不喜而獨與毛廓庵及  
族弟荃子善荃子名俊年以己卯第四舉於鄉有奇  
氣亮節不爲柴棘猥瑣稍忤意立勃發見顏色交友

有氣誼可信不背者亦袁氏俊傑人也後挈家兼左  
右公家人避亂至吳公是時方以禮垣僑閩門餽四  
金外無他飲助其不知人痛癢亦天性也年六十四  
終於家著有史屑土風堂遺稿省垣奏議掌憲奏議  
詩細宦語草閒詩若干卷

李開美字秋實年二十以文聞於鄉薰染於玉蟠中郎  
伯仲間習於詩及出遊所至多玩其名勝交其賢士  
大夫以爲名後詣宣城謁睡庵湯公見其文大加稱  
賞入國學舉北闈辛酉鄉試選郟縣令五載如力解

公安縣志

卷之六

人物 列傳

四十四

劉生之難拯湯民之危皆可紀朝視事夕課詩雖簿  
書叢襍而吟嘯未嘗替陞壽州知州吟曰五年作吏  
腰千折萬里歸來鶴一雙其自況也年七十六卒著  
有治畧詩文諸稿子百齡字子壽邑諸生癸卯闖賊  
渡江與宗室子士鶴雲門邑生田昌等倡義頗勝獲  
賊駿馬次日乘之以戰馬馳被殺

張問明字惟遠號陶庵起家單寒生有出羣之姿作文  
簡練高削不可攀躋其爲人則丰骨淹遠世俗齷齪  
齷量曾不當其一笑也庚午舉於鄉闈文首藝塗乙

數四幾於稿紙盡墨無字可辨日晡始成章主者異其峭勁置高第屢上公車不第或勸以家貧就仕者笑而不屑也偶得疾畏雷電乃畱心出世法閉戶閱藏者數年其於五燈宗旨性相權實卓然知其指要高逸喜諧笑讀諸內典益增其曠然至性篤摯其尊人常督以瑣屑市井事不敢置對唯唯而已雖加以不堪必婉曲承順晚益讀書爲詩有奇句筆益老文益奇崛其染毫措思惜字如金半幅之間雲烟縈繚要皆非世人所尋味者粵東黃公景昉其師也特相

公安縣志

卷之六

人物

列傳

四十五

知契嘗移書勸以體用兼備之學蓋先生之氣度卓越自謂非幹濟才而實未嘗以世故屑意也嘗謂先生狎侮流輩嘲謔滑稽達士也精研宗旨解脫超邁逸士也然而孝親篤友內行懇摯刻勵文藝鏗心搢腎又世法中人也數者皆不足以定之嗣宗之誕也而以爲慎元章之顛也而以爲眞摩詰之苦吟也而以爲禪東野之寒閨仙之瘦也而或以爲龍或以爲佛先生則何容心哉亂後避兵卒於土司之青山隘曾有馬頭青山之讖自作誌銘號尹月子蓋先知死

日云容美土官欽其名憾不得見賻致其喪歸葬於  
邑之陶溪湖族弟正乾字南一始祖德遠江西吉水  
人元至正間由鄉舉授大理評事任中興路□□使  
卽荊州也世亂因占籍公安洪武初以平瞿塘衛功  
改授四川按察司僉事賜金帶致仕至孫斌中永樂  
丁酉舉人授吳錫縣知縣擢福建道御史監軍北平  
著能聲賜敕褒諭今其墓在邑之西辛里號爲御史  
岡正乾其裔孫也少穎秀喜讀書能文家故饒於財  
父篤好形家言以千金買石首之麓湖山葬焉語諸

公安縣志

卷之六

人物

列傳

四十六

子曰吾家中落自茲以後庶幾復振正乾果以己卯  
魁楚闈壬申之亂挈家隨邑侍御毛公避亂於閩廣  
吳越閒每以知慮深細性情怡婉爲眾所推南都考  
知縣目擊阮馬弄權正人斥退知其必敗遂不就選  
挈其家歸卒遂首邱可謂明哲士已

李芳天順進士成化初由縣令擢御史臺首疏十事上  
嘉納之時妖僧繼曉內監梁芳與內閣劉吉萬安黨  
附爲奸科道舉劾多受杖謫會星變求直言公上疏  
言天象示警咎在闔豎乞除元惡以快人心招收忠

良以回天意疏入不報旋出知湖州府湖當震澤下流歲苦水患而適又旱蝗公至卽發粟平價出糶復勸富民以粟出貸約年收償之故民雖飢不至轉徙失業亦復敏於決事臺使者行部至湖嘆服其明允先是上怒言事激烈沽名者疏列前後六十餘人於屏以故公在湖雖稱良二千石竟不得調致仕歸老焉

鄒得魯大司徒文盛之孫也生於富貴而自幼嗜讀書性鈍益自刻勵日夜以豆爲籌每文一首讀百餘過

公安縣志

卷之六

人物 列傳

四十七

覆百餘過則終身不忘舉孝廉初仕巢縣令迎養其父寢食皆親侍奉忽病噎諸藥罔效公憂惶無措每夜焚香飲泣顙天願以身代忽夜夢神人告之曰汝父病非吾醫不可但用蒸曬九次大黃爲丸公卽起浣沐衣冠叩謝如法製丸不數服而飲食如平時嘗考校童子首拔單姓名世德者謂是大科之才及來謁貌寢而家酷貧尙未求凰公食之教之助之求婚於詩禮家不數年果聯捷南宮公以廉能陞邵武太守善政甚多郡人立有祠廟尸而祝之

胡詩由明經教諭麻城遷祁門知縣縣獨窪下有堤名萬城者水湍悍難治公捐俸倡修之海賊汪直導倭入寇公受命督撫胡公募鄉勇甫集而賊至公令急清野入保賊無所得食當自去賊攻城再晝夜城中禦之甚周公料賊必夜遁潛緹精銳伏於路賊果退猝遇伏發城中鼓譟乘之盡獲其所掠子女散之督撫奇其才後倭入歛復從御史曹邦輔大敗賊於吳會倭自是不敢深入會胡宗憲以不能於華亭被逮去公亦罷歸於祖墓傍築堤至今傳爲青龍堤

公安縣志

卷之六

人物

列傳

四十八

陝茂字一清少有奇童之目年二十二公車北上日者謂當於申年發甲時癸未會試眾訝其妄及春闈火改次年公成進士殿試二甲三名初姓豸上問閣臣以陝對上命卽用陝字茂家遂有天朝賜姓額授戶部主事出知漢中府廉潔愛人內召士民請借寇畱任四年陞布政司叅議分守漢中道卒於官櫬歸哭送者不絕後邑孝廉龔世瀚宰南鄭寄書公元孫御史嗣宗言漢人士久爲公請祀名宦遺愛可知矣陝嗣宗字亢之號穎湛於三袁爲中表兄弟共筆硯家

貧而才氣傲睨一世志不屑雕蟲小技舉於鄉凡七  
上公車謁選得西蜀之洪雅縣山邑從無科第公課  
得三士收教之同年俱登賢書一時稱爲神奇擢御  
史巡視中城數日卽上疏言懷廟有三不可及五不  
自知內云恐其予聖而不自知又云惑之中於中庸  
者可破中於英明者難解又云太陽之照夜藏其輝  
雷霆之怒冬斂其聲未見皇上之能藏輝斂聲也上  
大怒然謂其新進沽名置不問又以公安疲苦吏胥  
肆虐奏旨下撫按卽與嚴禁又上疏明郡守熊秉鑑

公安縣志

卷之六

人物

列傳

四十九

叅降非罪卽起補荆西道疏叅周延儒冒認內戚有  
愧枚卜遂革職延儒罷公卽起補南兵部車駕司員  
外轉武庫司郎中陞山西督糧道調陝西按察司未  
到任卒於金陵性雖傲物而正直不苟

故至今父老能言之

陳鼎中字素君別號蘇湄自少穎敏英發童子試受知  
於武進趙公繼鼎壬午登賢書屢上公車得除保昌  
令前令馬以印墜地缺壞自盡公詳請另鑄代補虧  
空數百金禮其子歸其櫬會有大盜案十一人獄已  
具公每閱監見內有五人涕泣感傷不勝因疑其枉

及覆訊果得其酒肆羣飲爲捕役混拏不能致賄非刑拷服之狀彼六人亦具爲之白公乃盡翻其案請釋之五人共爲尸祝焉迄於卧轍時送至百里外慟哭而去地故多癩疾且易傳染每疾發則送入痲瘋院中內有無人顧管者公捐俸爲湯藥全活甚眾保民至今稱道不絕公才氣兼人而性剛烈將大有爲以內艱歸里遂不仕子十皆青衿孫曾問安惟點頷而已

禹重望字仲達別號拙菴幼有至性事父母以孝稱處

公安縣志

卷之六

人物 列傳

五十

異母兄弟極其友愛十八補弟子員讀書攻苦學使者王澄川公亟賞其文以斗湖練白黃山遠青爲之評崇禎壬午登賢書旋避難至江南甯國爲母孫太君稀齡壽得諸名士題詠軸可牛腰有夫婦投身償責却之焚其券及鴻集故土出粟以濟凶歲倡義修建

學宮教其長子正儀以戊戌成進士司李南陽封如子職性最坦易喜獎善類鄉人皆化之有餽生黿者命放之河黿數迴旋起伏觀者比之毛氏白龜焉所著

詩文有致遠齋遠青閣等集年七十五大書元神獨  
旺四字而卒康熙乙酉與長子同祀鄉賢次子端儀  
司鐸齊安孫八人明經國學子衿一登進士真可謂  
忠厚垂裕者矣

曹子徽字士美正統三年貢入監授中軍都督府經歷  
清廉守正擢漢中知府深獲士民心以憂歸父老赴  
闕畱之不報

謝鑛景泰癸酉領鄉薦知宿松縣豈弟廉慎政務寬明  
每剖訟獄必推誠以求其情未始見疾言遽色民愛

## 公安縣志

### 卷之六

人物 列傳

五十一

戴之

文魁世居大光里因號大光明景泰癸酉舉於鄉授蜀  
郡同知蜀地多山巉巖險阻爲羣盜藪公謂盜之嘯  
聚也飢寒使然請於守檄部屬薄稅歛緩徵求俾之  
各遂其生境內遂靖秩滿遷青州知府青治近海濱  
當下流之衝公於河流所經堙者疏之壅者導之溢  
者防之由是水行故道民賴以蘓中丞嘉其廉能未  
幾解組其殆急流勇退者歟

毛志忠號黃溪生而穎異強記絕倫十二歲入鄉校十

六中正德癸酉舉人赴省試時與書賈同舟取其書閱隨擲江中賈客訝之則曰吾已默記矣遂盡誦之客疑爲夙讀者抽他新書以試一覽後背誦不遺乃驚服後任江西安遠縣知縣

李璋號杏橋下帷攻苦寒暑無間錄科遺其名取青衿詣

文廟焚之再拜而出妻劉預買舸備糗強令赴大收得入闈試出以文示同舍生生曰售矣顧後予大怒唾之已而果然中嘉靖乙酉舉人仕蜀彭山令蠲煩去

## 公安縣志

### 卷之六

人物 列傳

五十一

苛興行布愷蜀人稱焉未幾卒於官

袁致道字雪里有文名萬曆庚子舉人就荆門教職遷登封知縣卒於官蕭然無以歸士民及上官歛金助之其在荆門時治一梟衿誘以重賂怵以危言不爲動卒暴其罪狀論死繫獄比令登封其人逸獄出更名王象乾入魏璫幕濫竽錦衣害朝紳璫敗與田爾耕同戮西市

國朝

鄒養赤字幼心由進士出知壽光縣先是直指聶公觀

風得公文拍案大叫曰此董賈業也一時競傳紙貴  
江陵李共人先生爲之傳曰公之文固足以楷模一  
世而往往窺其眉宇間隱然有不忍生民道濟天下  
之意及其膺壽邑也下車卽訪民間疾苦是時爲壽  
民害者有二一爲逃人一爲鹽政邑當京畿往來之  
衝逃人不時見告凡值發覺之時必圖維萬端不惜  
自解其囊壽人之得保聚生業而不知有逃人害者  
皆公委曲之苦衷有以覆庇之也壽邑三面邊海鹽  
課比之東南十不及一然鹽之所行不過數縣地隘

公安縣志

卷之六

人物 列傳

五十三

而壅則有時課不敷且相率而散而課愈不能敷公  
多方招集於其中之力不克完者捐俸代之償以故  
刁殘之地不踰年而爲仁厚庶富歌頌之聲至今不  
衰 大府以最奏而公竟解組賦歸來已公之足以  
楷模一世者又不獨以其文而以其行也

高正儀號敬嵎順治戊戌進士仕南陽府推官才智敏  
捷讞決如流奉 裁轉知廣甯塞外苦寒撫循有方  
卒於官民哭送之南陽有高公橋人比之峴首云  
龍之繩字孝公順治戊子舉人好善嫉惡憐恤孤寡邑

中利弊每剴切指陳康熙甲辰授新會知縣時甫定邊界民疲道路公力爲撫恤卻餽遺革加耗一意與民休息有構訟者以理開諭往往懷牒去甫三月以疾致仕百姓送之哭失聲後入新會名宦祠

李友松字木公別號薇園生歲餘而孤母侯故羅江令一定公之女畫荻而教之及就外傅則有志古學年十三應童子試福清朱公賞其文置壓卷遂補弟子員順治甲午舉於鄉再試春官不第遂無意功名先是潛江令柯公昭糾於辛卯秋闈爭薦公解頭不得

## 公安縣志

### 卷之六

人物 列傳

五十四

竟置副車至是柯官儀部以斧資畱之公決計歸教授後學多所成就生平酷嗜左傳所傳鄉墨選家有左氏軼篇之評蓋得盲史之神而行之者也所著有制藝存稿薇園集其曾孫照煦亦工文字有祖風周克友字來公順治乙未選拔教習筮仕潛山知縣歲旱矢誠步禱操文告城隍神三日大雨蝗起鄰邑亦操文祭之境上蝗竟不入文俱載潛志其勤慎細密每夜分畧就息與鷄俱興有爭田一坵者兩造皆稱明萬歷閒冊在可據皆欺其多年難於檢查也專搜

數旬得之有點無賴豫埋棺木於所仇水田下俟其  
種植以毀墳告隣比皆不直其說公往勘不似葬所  
及驗棺又非葬法而木且甚新遂啟棺棺內止有兩  
髑髏公思太平多年髑髏安所得憶初任時堤所破  
土得兩髑髏曾給錢命役某埋以木桶意必此也驗  
之果然一訊而服兵吏程姓以低色易所發工料餉  
銀驛丞來告苦程故置丞於宅門外使得隙窺而自  
持銀封來稟給發出則以他語誑丞公思驛站工料  
甚急二日前發出何至今日始稟發耶亟入丞詰之

公安縣志

卷之六

人物

列傳

五十五

丞囁囁取銀開視得其奸狀公設坐大門外欲與眾  
殺之眾以程有母老遂杖繫十餘年公一清如水六  
廉有聲其門下皆世胄多列津要爭爲公地公不應  
俸滿陞戶部主事潛人赴

闕請畱至十六年潛人立有祠後遷河州牧卒於官邊  
人至今思之

毛壽登字恭則號廓庵侍御芝田公之長子也生而穎  
異弱冠卽遊泮刻志墳典去家居二聖寺每夜分時  
畧就寢雞鳴復挑燈朗誦博通古今聲色貨利之好

淡如也明崇禎間詔天下學拔取貢士次第選用公  
獲中選旋授兵部車駕司及癸未流賊大亂公挈家  
避亂江西而侍御公卒於贛公買舟扶櫬歸葬經洞  
庭遇盜公端立柩前曰吾非客商乃窮官歸葬者及  
眾登舟公備述家況謂舟中物胥聽將去但無以刀  
劔叱咤驚我先靈眾感其言而戢復叩首謝罪咸稱  
父爲忠臣子爲孝子嘆息而去別令一舟導之出湖  
得遂首邱焉公歸後仍力學不倦隱居田園

國朝康熙癸卯歲蒙將軍督撫交薦其才擢授天津衛

公安縣志

卷之六

人物

列傳

五十六

道職內畿道卽臬司也公視事之日閱河閒縣七十  
餘家造船入海一案時奉嚴禁寸板入海者斬妻子  
流徙前司讞者已照例定擬發公覆勘公愀然曰吾  
何由救此生靈因詳鞫之得其以荆條爲船外紙加  
油糊沿海濱捕魚之狀公大喜曰若輩有生機矣卽  
檄河閒縣官驗其船詳請上憲並非犯寸板入海之  
禁者

題准開釋俱得全活畿輔饑發帑二十萬賑濟吏稟以  
常例當得二萬金公正色曰爾欲使吾子孫爲饑民

耶吏復稟以無損於饑民止須多造戶口以開銷爾  
公復拒之曰是欺君自利也罪更甚矣竟發河間府  
窮簷均沾實惠稱頌不衰

聖駕巡行天津清問下民疾苦公對答如流試以安民之道  
何者爲先之策就

御前給筆硯以廉能二義立對稱

旨旋發審旗民爭訟二案公卽讞擬奏

聞欽允其慈愛廉決類如此後解組歸里行李蕭然天津民  
老幼遮道呼籲更有數百人遠送百里外啼泣而不

## 公安縣志

### 卷之六

人物 列傳

五十七

忍去■一時榮比二疏焉著有廓園詩集四卷行世  
邑乘六卷今之編次者皆宗其遺稿也行年六十有  
五卒長男廩膳生仁軌博學強記著有詩文次仁傑  
又次仁開孫翼泰獻諮皆入庠序克繼書香易曰積  
善餘慶詩曰貽謀燕翼其公之謂乎

陳信中字任公順治六年以明經貢於

朝先銓道州司訓改湘鄉轉諭綏甯俸滿陞山東青城  
縣先是道州綏甯糧餉半衿士由學徵收而積年重  
徵爲累公誓不入羨金縣正從之及宰青城逋賦至

八九年帶徵多入經役囊橐公摘其尤者斃之杖下親叩兩院口陳疾苦詳求題蠲竟得請士民如慶更生又邑四門爲市陋規入官歲可七百餘金公嘆曰此皆得之於負販小人者也亟除之自少精於舉業所至識拔士多掇科名童子試前茅學使者鮮棄置且循序畧見參差而已在青兩載以日遠邱墓不樂欲賦歸來邑人謀爲借寇公大署其門曰紛紛士民一片熱心畱我落落仙吏半開冷眼笑人此畫灰老人所謂急流勇退者也林下數年手不釋卷所著古

公安縣志

卷之六

人物

列傳

五十八

文詞有新遠集一經之遺子若孫皆能出頭地焉

關以華字竹堅漢壽亭候五十代孫順治戊戌進士除寶坻知縣天資忠厚在官清慎既歸奉母孝孫朝柱字襄鑾雍正癸丑進士入江陵籍

馬芝號紫崖崇禎壬午舉人 國朝順治己亥 恩科進士陝西盩厔知縣縣有車稅最爲民害公下車詳請革除罄民感頌不已又夫婦睽絕事涉幽隱斷復合逾年而生子邑詫爲神致仕歸所著有時文長短篇及紫崖詩集

馬龍騾字如周饒陽知縣才氣高邁文字雅贍每試必得雋以康熙庚午高魁捷南宮著有時藝稿擬續父芝長短篇爲合刻

陳文燦字含輝康熙丁丑進士除西華知縣著有勞績性樂易與物無競好學工文有實齋詩文畧若干卷年七十卒

何又新康熙己卯優貢授武昌通城縣訓導興孝勸學以孝廉方正陞通城教諭修櫺星門捐修報慈寺山門繼母王病刲股以進學憲繆賜有纚算舍肉額

## 公安縣志

### 卷之六

人物 列傳

五十九

鄒敬謨字贊后酷嗜其曾祖養赤會萬軒文稿所作四子藝味淡致永有古作者風康熙丁酉舉於鄉乾隆丁巳會試登明通榜授雲南大理府順濫井鹽課大使代騰越州篆下車剔弊興利布置周詳鹽課之敷遐邇稱便又因地屬僻壤詳請分里役編保甲頒條例鑿鑿切治體有蠻苗楊節得等聚眾開墾釀成大案經年累月前官不能直公奉撫檄嚴審查誌係大石壁竈丁原隸麗江羅土舍憫其生長猥猥諭以漢文漢語未刑一人而威服其他善政甚多要皆息事

惠人者也

侯執信字方來雍正甲辰舉湖廣鄉試第一授白水知縣在官以清勤致理尋改江夏教諭預修湖廣通志又主江漢書院講席一時成就者甚眾捐俸倡修學宮門牆通泮池溝洫爲地渠以達之約里許鬻舍一新乾隆十三年遷永州教授卒

杜志瑛字渭仁號松巖雍正己酉舉於鄉歷任順天棗強豐潤知縣初下車自書清慎勤三字裝潢座右振拔士林詰鋤強暴有豪姓佔貧民地欲廣其宅立斷

公安縣志

卷之六

人物 列傳

六十

還一切訟事計道里遠近限期訊決臚列証佐僅摘傳一二人不事株連故所至皆有案無畱牘之頌尋遷越支厰鹽務同知以剔積弊掣肘遂致仕善畫竹名冲霄圖建一室曰漪竹軒日與父老子弟嘯傲其中一日疾呼其子若孫囑曰吾家雖世居城市讀與耕本業也惟不可爲人役言畢端坐而逝

鄒毅煦字滄曉祖養元縣學生父莊倬生十有二歲而孤卓然自樹立始事其母與大母及撫小弱弟以孝友聞後弟卒弟之子亦卒又以子嗣則固能生死存

亡續絕者也少肆力詩古文詞所爲舉子業奇而有法書撫宋坊間體乾隆甲子挾其藝戰於北闈比填榜卷遺不果中癸未例授廣西永福縣丞任歸順州知州補向武州州屬粵西邊鄙多獐獠號稱難治以武則忿以憾以恩則橫而肆撫御非人往往滋事公至寬猛相濟設誠致行因其土俗爲之教禁州人順賴稱有柳柳州遺風大中丞某知公爲非常人以軍功題陞同知不及見用而卒其子按察司經歷敬敕奉襯歸葬先人兆側粵還橋其遺蹟也

公安縣志

卷之六

人物 列傳

六十一

羅宏漳號中峯乾隆庚辰 恩科舉人丙戌大挑補湘潭知縣遷茶陵桂陽知州陞永順長沙知府充己亥庚子科內監試改雲南楚雄澂江知府署迤東兵備道旋任糧儲道所至皆有政聲致仕歸置學田數十畝以訓族中子弟貧不能讀者故至今書香不絕著有崇本堂文稿任湘潭時斷立公安碼頭界石尚存毛業溥字際雲號鑑菴乾隆庚辰登賢書辛巳聯捷二甲第一人時年三十散館授編修公生而岐嶷幼時與弟業沆均有異姿其堂伯母太夫人甚鍾愛之因

已無出遂以公嗣焉少從族芝亭先生遊芝亭固名士知公必貴盡心導之嘗曰是子詩賦文詞獨出冠時將來必掩吾名庚辰赴鄉試大主考爲蔡公得卷擊節嘆賞曰此館閣才也亟拔之明年禮闈獲雋以傳臚入選是科榜首爲韓城王修撰惺齋杰與公同出劉文正公統勲門下而文正公愛公殊甚視猶己子凡教習館課卷必爲刪改又令與其子劉文成公墉就其第私課互相切劘散館授職後假旋生子一女二以疾不樂仕進會羅公宏漳授湘潭令延請主

公安縣志

卷之六

人物

列傳

六十一

講書院與湖南諸名下遊覽山川唱酬甚富惜已散佚無存既又主講本邑書院與邑侯張芳桂詩酒往來無閒朝夕公健談善飲工楷書尤善行草大有董思白筆意未幾卒夫以公遇名賢知顧之深使肯出山其官階固不可量乃部文屢促而公終不起其真有得於己者乎

袁廷翹號梧林邑廩生乾隆乙酉舉於鄉丁未選山東知縣署曹州府通判接署曲阜甯陽縣篆庚戌實授曲阜縣公少鈍父使就田間操作公不敢違晝耕夜

讀誦聲達旦父嘉其志使復讀公益自奮遂獲售計  
偕凡五次期以祿養未仕而父沒每以爲憾公之改  
調甯陽也以爭修輦道道濶而費侈忤大府幾落職  
後大府以修道過濶被譴始回曲阜任公自奉儉約  
食無兼味四時裘葛不具丁巳會河決單縣東撫奏  
開引河檄諸縣分疏公與役以經費不足捐俸助修  
工竣而囊空笑語人曰今而後可以清白遺子孫矣  
以治河得脾溼病遂致仕歸又九年而卒著有竹嶼  
堂文稿若干卷

公安縣志

卷之六

人物

列傳

六十二

毛家槐字晉三號竹軒邑庠業沆之季子增生家椿之  
弟編修業溥之猶子幼多疾身孱弱母夫人百計調  
治始稍健入塾聰慧特異家綦貧父兄課徒所入不  
足以供食指公朝齏暮鹽摒擋家事暇則苦讀吟哦  
之聲徹戶外年十七補弟子員十八食餼屢列前茅  
苦不售前學使初亟賞公文後以巡撫道過公安猶  
問守土官毛家槐中否蓋皆具法眼知於未遇時者  
辛酉始得選拔丙子登賢書丁丑連捷入詞垣初未  
遇時夢人持冊示以科名次第至國子監助教而止

館選後疑夢或舛及補宜昌教授官階適符始悟皆前定也宜郡本地乏科目自公陶鎔後遂有連登甲第者嘗與太守紀樹馨東湖令林小巖登絳雪之樓瞰三游之洞樽酒歡會分題校韻郡人士望而慕之以爲玉堂仙吏也旋告歸未逾年而卒公著作甚富惜壬辰水泛半爲馮夷攫去其存者人比之崑山片玉云

田國文字翰章號荊陽始祖自襄徙荆明初以賢良起家祖汝潢有隱德父一州乾隆丙戌生公幼讀書目

公安縣志

卷之六

人物 列傳

六十四

數行下辛亥補弟子員聯登壬子賢書四上公車不第益發憤下帷主講南平書院及家塾課士獲雋者不下百餘人若江陵之太史胡兆蘭石首之進士高家泰皆其門下士也性恬靜不耐繁劇道光丙戌任孝感教諭本蘇湖遺意以立教方伯屠公之申雅重之致仕歸足跡未嘗履城市著有荊陽七藝訓世編等集行世年七十一卒子家瑞孫逢春皆列庠序鄒崇漢字雲章號星溪廩生鄒美中次子性穎悟從其兄泗授書十歲學爲文出筆卽超俊不凡作善人教

民一節題開講云今天下望太平久矣選拔李春溪翁見之謂髫齡有此吐矚邑偉人也十九冠童軍越三年以第一食餼又三年遂領解文有奇氣語多寄託人知其能文不知其尤長於詩喜讀屈子離騷庾子山哀江南賦及古今詩之悲涼感慨者諷誦至流涕不輟也兩上公車不第復值粵匪跳梁其感事愴懷見諸咏吟者忠憤之心悲壯之氣浮於紙上咸豐甲寅感憤詩云如此江山賊蔓延四郊何日靖烽烟男兒不具封侯骨枉住人間三十年岳州宜昌相繼

公安縣志

卷之六

人物

列傳

六十五

失守石首華容賊黨又復相持彌月里人議徙他所詩以慨之上通三峽下三湘鎖鑰東南半壁強隼翼虎威憑假借風聲鶴唳頓倉皇兵戈颯沓湖山表羽檄飛馳道路傍滄海橫流何日靖不堪翹首望江鄉震鄰烽火澈天紅指日分飛信轉蓬黃鶴落帆波上下青螺振策路西東亂離兒女翻成累落拓文章那見功安得衝烽一長劍棱棱霜鏢倚崆峒邑團練成句云呂蒙營壘左公城戰伐飛騰古有名廿載蛟龍爭出沒一朝豺虎忽縱橫東南殺氣迷荆楚西北祥

雲擁帝京決策運籌唯奮武拚將戮賊仗書生冬夜  
書懷句云落葉下庭柯驚風撼撼過一年又容易萬  
事忽蹉跎歲晚心仍壯憂深鬢早皤擁爐看長劍竟  
夕幾摩挲嗚呼具此胸襟倘天假以年目覩 中  
興景象其和聲以鳴 國家之盛者當復何如乃多  
愁善病復不樂損年未及強仕遽爾物化斯人之不  
幸不獨斯人之不幸也

張澤銑字倬雲邑之吳達河人先世元超公以四川按  
察司占籍公安後有斌公官福建道監察御史君生

公安縣志

卷之六

人物 列傳

六十六

而穎悟讀書有大志不欲碌碌居人下道光壬辰避  
水患從邑庠王君至江陵沙市就婚馬姓孟子所謂  
動心忍性增益其所不能者實始於此弱冠卽受知  
邑尊昇階平冠童軍辛亥舉於鄉公車北上者再吏  
部揀選以知縣用時粵匪滋擾東南半壁罹烽煙隱  
居不與外事教子自娛工書法文名重一時設帳數  
年諄諄以尙氣節嚴取與相勸勉經師人師兩有不  
愧云年四十六卒有玉燕堂文集十六卷待梓子一  
坤誠拔貢生

侯家璋字澧南號雲嶺耽吟咏未遇時每晨起左挾布  
右執卷嘯歌道上旁若無人路人竊竊然相與目笑  
之已而隸身漕伍頻年北上後援例爲丞筮仕山左  
未幾署范縣實授鉅野令加同知銜入   覲京師  
以詩質石邑張劍潭翁劍潭序其詩曰其風雅本乎  
性情其感喟深於閱歷其雄直悲涼之氣則大有得  
於江山之助非虛語也又謂其胸襟濶達世故歷練  
及爲令判決如流寬猛相濟有得其片語隻字者皆  
寶而重之曰此吾使君之蹟也而政績著矣而詩傳

公安縣志

卷之六

人物

列傳

六十七

矣雲嶺因以不朽矣

補錄羅宏漳政績

宰湘潭時有彭氏奴瞰其主弱潛出冒捐職官主知之與邑士赴明倫堂列單出首奴敢以結黨哄堂訴於學使學使入其言竟褫諸生爲首者並落學官職一邑大譁羅至廉知其實申請上臺盡復除名與官論奴如律昭潭書院舊無膏火獎賞富人某犯博賄金數千兩卻之飭令置田供給膏火又捐廉置田爲獎賞資於是潭士咸奮所拔取者多擢巍科迄守雲南調劑銅鉛各廠清釐鹽驛重務並爲孤貧增給

公安縣志

卷之六

人物

列傳

又六十七

衣糧甲辰歲大饑米升錢貳百文設法振濟民賴以安初市法大壞郡民爲大小斗斛凶歲更甚乃爲角斗甬正權概至今猶稱爲羅斛羅斗云卒之日貴州桂西兵備道張繼辛銘曰學究體用心秉塞淵發爲政事無黨無偏恩敷南楚澤被古滇志在初服引疾歸田銘茲片石永終譽焉

忠義

舊志載明末流賊陷荊州公邑士民倡義拒賊畫江而守或結團拒敵或截渡邀擊大者數千小者數百故當時偏撫題請有大江南北盡沒於賊獨公安義士如林合邑死守之語及

國朝定鼎而吳逆犯順粵匪跳梁慷慨赴敵毀家捐軀者正復不少足見公安之人心猶有古道也

元

普元禮

高昌人徙公安

元至正壬辰進士任御史出爲嶺南參

公安縣志

卷之六

人物 忠義

六十八

知政事時所至郡邑皆沒於寇元禮詣湘憲假分司印徵兵蜀郡未幾遇賊兵潰一門被殺過半元禮挺然不屈死

按舊志元禮墓在斗堤舊縣東門外堤側今圯入江

明

朱輔字翼公成化丁未進士初任南陽同知有異政擢御史轉嘉湖道禦倭失援爲所獲弗屈死倭酋憐其忠以屍還民爲營斂子棟正德中舉人扶櫬歸里入告賜祭贈官

龐瑜字堅白事見列傳貌魁梧有膂力家貧躬耕自給

夏轉水灌田執書從牛後朗誦喜讀易崇禎七年擢陝西崇信知縣筮易得姤之革驚曰吾其死於西乎且有兵警崇信舊無城兵荒貧民止百餘戶瑜知賊必至言於監司陸夢龍以無兵辭瑜集士民築土垣以守流涕誓死職閏八月天大雨土垣盡圯賊掩至瑜急解印遣家人齎送上官端坐堂上以待賊至捽令跪瑜罵曰賊奴敢辱官長拔刀脅之罵益厲賊掠城中無所有執至野外剖心裂屍而去贈固原知州

舊縣志明史  
忠義傳合纂

## 公安縣志

### 卷之六

人物

忠義

六十九

侯偉時事見列傳其臨難詩曰天乎人事苦難畱眉鎖滄江水不流鍊石有心嗟一木臨湘無計慰三洲河山滿眼風悲角冠冕懷人雨溢秋盡瘁不成身已逝年年鵑血染皇州壻孟某江陵人收者欲鎖其項手格之大罵而死塾師譚希侯亦死

袁喬年字天目登封令致道四子也壬午闖賊破荆邑人大去獨率敢死士陳兵於長安里中邑西村土賊勾闖渡江與諸生王韶之蕭煜都牟光世等襲破之闖謀遂沮會澧州陷前後受敵與賊首王老府戰自

晨及午兵敗被殺族子袁貽則等皆死華容孫公穀聞而傷之有詩紀其事

田朝儲字藍田以布衣拒賊於馬長港挺身奮擊殲賊數人賊攢刃來戰遂遇害家人收葬失其首見夢於邑人魏銀匠曰我田藍田也吾首在附近田中煩送至我家次日魏果於田中獲之乃得合葬俱舊志

田昌字百泉邑諸生生而負奇詩文俊逸所著有吳越草爵茲館綠映軒微尙亭等集行於世顧其制舉藝務矯時尙力追先輩益佳而益不售其才乃弗獲展

公安縣志

卷之六

人物 忠義

七十

以爲憾崇禎季年寇浸震鄰則投策當事行保甲嚴關津髣髴第五營里中仗以安堵數載亡何寇大至土賊蜂起公破產結義勇與王孫九臯躬親戎馬擒斬無虛日寇乃恣眾以應不支被執卽授僞銜加蟒帶其身昌厲聲叱之罵不絕口延十餘日終不屈遂遇害華容嚴首升爲之傳曰古今惟才與節並馳天壤子雲安仁以才故失節睢陽平原以節故掩才若百泉者履平見才臨危抗節事無兩成百泉乃兼之也哉霜雪之後春芳可期田氏之克延以世有由也

陳我備邑諸生明末與兄信中俱爲賊得賊縱一人還取金以贖我備度家無金因與訣促之逸無爲俱死已而賊殺我備信中以

國朝順治中由明經仕至青城知縣撫其子焉

甘召循明儒士甘榮吾次子築茅菴於龍溪山讀書其中會闖賊破荆土賊四起召循毀家募勇士團練以挫其鋒順治乙酉冬戰於河濱中流矢墮水死

鄭昌烈魯陂里人咸豐四年粵匪犯境爲所執脅之去弗從賊刺以矛至死罵不絕口

公安縣志

卷之六

人物 忠義

七十一

易秉漢特邱里生員精數學咸豐五年粵匪蹂躪江北漢從江陵道銜林向榮勦賊至潛江李雲口陣亡蕭孝瑞長安里人性豪邁咸豐甲寅五月紅巾賊犯村遇諸塗賊脅之去大罵不從刺之剖腹取肝而去妻陳氏生遺腹子貞靜苦守

魏成忠魯陂里人粵匪犯村賊脅之不屈投水死其妻知之亦抱其女赴水死

龍天澤<sub>兵丁</sub>李志英 秦照雲 田 貴 毛占先

陳開俊 馬勝祖 王家純 羅盛祥<sub>以上九人入祀省城昭忠祠</sub>

孝義

林守威早喪父事繼母曹甚謹曹卒未葬鄰家火急守威升屋呼天風返無恙時人稱爲孝感

湖廣通志

李泉字葵日道宇先生孫也縣學生居斗堤舊縣時邑中大火泉親柩在堂莫知所爲乃扶柩哀號火及門而返得無虞

于三以孝稱事闕紀載至今傳其住處爲孝子岡有碑在魯陂里

湖廣通志

田垣字近薇父寅山充鄉飲賓年九十六母夏氏偕老

公安縣志

卷之六

人物 孝義

七十一

垣孝事兩闈父老脫二齒禱於神齒復生其子孫五世同居號曰義門子孝謨孝友敦行檢里黨稱爲長者

馬寅功谷昇里農人家貧母洪氏老善病功每獲傭值或從人貸升米必市肉以歸人以其貧而饜多責數之功不置辨蓋恒以供母也母卒無棺質身鄰人易棺以殮鄰人欲得其弟功曰弟幼葬母非其責也與妻同質以葬母已歲大旱獨功田不次驟雨秋成如常身乃贖

劉美公父病淋醫云是石淋其便塞有物必用人口吮而吸之方得通利美公欲吮父不許越二口小腹脹痛難忍始命吮之每吮則呼號欲絕最後醫令努力一吮便溺衝喉吐血果如豆者二病遂愈嗟乎庾公嘗糞所憂甜滑漢太子吮瘡遂有難色劉以匹夫之愚爲人之所難爲如此

魏家祥魯陂里人僞陷公安時家祥隨父往探寡妹覓徑於陸遜湖灌莽中虎突出啣其父而去祥哀號求釋虎不顧隨之深入里許虎置人於地坐守之祥徑

公安縣志

卷之六

人物 孝義

七十三

前奪父負之走虎且哮且追然不甚迫遂得渡河完屍以殮又西辛里朱姓者駕牛車於江堤外河灘捆載新麥爲虎啣去時僕子建兒牽牛解車上木棍奮往擊虎奪之歸而死建兒字得卿

袁鈞縣學生年十七喪父哀毀骨立偶大盜至家人倉皇走呼鈞出鈞謂諸弟曰汝輩第去吾長也父柩在安之手一劍出迎賊怒以刃擊之折其二齒刃入唇爲破鈞不爲動從容謂盜曰諸人第取貲則伏藏皆子有若驚先子靈吾且刎子亦無從摸索也盜然之

夜深嚴寒諸盜煮酒豪飲鈔曰能以一杯見煖乎盜不可鈔前奪魁盜手中巨觥自飲盜壯之爲酌數行徹明盜去血淋漓滿衣矣鈔爲人方正有雅量平恕率物爲里閭所稱

三楚文獻錄

侯章華父偉時殉節章華僅十歲賊帥撫爲己子持肉以食華淚下曰旣殺吾父吾忍食殺父人手中食乎賊帥遂逐之尋以哀毀卒

鄒養唯明推官在澧州遷祖母柩回舟至牛浪湖風大作伴舟皆覆養唯恐祖棺難保躍入水中願以身代

## 公安縣志

### 卷之六

人物 孝義

七十四

風陡息得保無恙

侯諫臣字資若少失恃事祖母唯謹父愛異母弟諫臣曲體其志悉以遺產授之族子某少孤有利其產者力庇之歲疫比閭闔室傳染諫臣躬餽粥調藥餌以保全之遇後進諄諄勉以孝弟子孫遵其訓三世同居不析箸云

王嘉善八歲割股事母以孝稱年少游泮時上憲屢加旌獎

高軾母病割股以療

汪士修母余氏年五十病革士修號泣刲臂爲丸湯以啖之病愈越十日士修死妻毛氏值姑病復如士修所爲以進病亦愈後毛氏病篤子瓌鼎亦然嫂張氏子琨鼎事母以孝著復如其伯士修所爲一門四孝遠近稱之

周希旦縣學生母毛氏病眩暈旦刲臂爲丸以進立愈越十餘日病復作妻馬氏弟縣學生希召均效旦之所爲召妻龔氏身已抱疾復效之皆不令其母知由是母病不復作

公安縣志

卷之六

人物

孝義

七十五

陳岳子邑城人母甘氏病刲臂爲湯進之立愈後數年城中火近岳子居火遂熄歲大疫城內外多死獨岳子家無恙

以上參縣府省舊志

易象演特邱里人性至孝少時赴院試發案演已錄取聞母病篤學師諭令覆試歸演曰吾母與名孰重急治裝歸招覆不至學憲嘉其孝之篤而深嘆其遇之阨云

吳鏡涵刀環里生員儒士吳承榮之遺腹子初生胎髮

皆白長以未及事父爲憾遂繼志苦讀欲顯揚以慰父靈家貧事孀母凡所需必百計以供及母沒恒至墳所哭泣三年無間墓草爲之不殖

王家秀西辛里人善體親心父成榜母宋氏年老多病每有所召秀雖匆忙中聞聲輒至故其父母恒以孝順兒呼之今猶嘖嘖人口

田一成候選訓導家崧之祖也性至孝有盜賣公田者憾其父汝璜據理直斥結黨毆其父成憤往護身被重創昇歸氣息奄奄幾不可救忽夜夢神人噴以水

公安縣志

卷之六

人物

孝義

七十六

遍身摩娑之既醒則蹶然起矣

徐文相板橋里人少孤母苦節撫之相力耕供子職年五十母艱於步履冬負諸暄夏負諸涼及病衣褥不潔相日洗滌再三侍疾凡十有九月無惰容

牟作貴邑城人少孤事母杜極孝嘉慶時從道憲崔征苗著績保舉縣丞以母老不就職事親先意承志雖瑣屑事必躬親之更有山谷滌溺風至老彌篤同治四年 撫憲鄭題請建坊子丕振次孫治策俱監生長孫治瀛生員

彭先瀛市鎮里人父述行年九十八衰憊甚出入起居瀛必扶持家苦貧人有以旨甘遺者悉供父冬寒不能具服常減己衣衣之

王士富平樂里監生父國臣早逝母陳氏守節定省七十年如一日父葬於江陵八井莊去家百餘里每歲佳節雖甚風雨必往祭時母年九十六卒士富年過古稀猶哀毀不能已子化隆孫植森俱生員

陳善長邑城人事親至孝天寒著父母衣俟煖然後請父母起解而衣之一日其父攜籃趨市錢實被人攫

公安縣志

卷之六

人物

孝義

七十七

取去歸色不憚善詢得故照原錢式密藏牀褥下故令家人搜得之以示未嘗攜錢往父心始暢凡曲意承歡類如此父故母愈老善長寢必溫席久而不衰其長子盛英亦以孝著季子澤霈生員

陳毓深增生邑歲貢士壘次子出繼江陵監生鏞度爲嗣以孝事嗣母後迎養生母侍疾無惰容兄增生毓江目疾毓深撫姪若己出並却嗣產充公撫憲胡

題請給額

黃德祖農家子事親朝夕必問安否母年八十餘卒每

言及輒淚下如注殆至性過人者歟

趙斗珏幼業儒其父患疽藥不能愈珏乃以口吮之出血數碗而痊

魏順斌魯陂里武生刲股救繼母

田家昆平樂里人刲股救祖母

周道全王業煒廖解里人張居喜東村里人雷振清市鎮里人譚業欽刀環里人楊學詩赴陂里人陳申太板橋里人余傳先西辛里入皆刲股救母

沈美發廖解里優生妻崔氏故誓不再娶母沒廬墓百

公安縣志

卷之六

人物 孝義

七十八

日父病侍湯藥匝月不解帶乾隆壬辰學憲 邊賜額

陳紹相西辛里七灣人父早逝母王氏道光壬辰染疾相割股籲天祈減己算益母疾遂瘳後十年母病痢卒腥血模糊不忍以巾拭口吮之且泣且吮室中忽現祥光照母尸若玉色弔者驚異

袁立朝父谷昇里人就婚長樂生朝旋沒遺命歸葬及朝長先奉母歸復之長樂負父骨植途值暴漲浮沉數四不釋手達岸投逆旅不納露宿崖下時山多虎

患卒免人謂孝感神佑云

袁立榮邑增生父師遽久病瘵一日榮往購藥未及市而訃者至榮聞顛踣再四號哭入擗踊無算勺水不入口及殯日惟一粥席藁殯側三年不入寢門哀毀骨立及母卒居喪亦如之曾祖塋旁隙地爲他姓所侵堂弟清往爭之得復歸過榮舍有矜色榮訶之曰子孫爲先人料理塋地職耳何自伐爲體素羸卒以兩居憂時毀瘠甚致不壽

司馬志誠以祖父衛千總德普病篤禱神願減己算以

公安縣志

卷之六

人物

孝義

七十九

延祖壽病獲愈邑侯張給金篋並美額

田鳳昺候選訓導家崧仲子弱冠補弟子員篤志於學事親孝母病甚禱於神請以身代侍疾逾月未嘗就寢體至骨立母愈乃復初其父館沙市隨之肄業後自病二十餘日猶彊起爲其父布衾席病篤輿歸已昏瞽矣其母手藥進不知服聞母聲乃飲未幾卒張孔修廖解里人事親先意承志年三旬餘始入泮一日歸稍遲父令跪道旁眾請宥弗許或速之去修曰吾歸遲而傷父心去則罪益大矣修子求代乃免

耆德

袁士瑜號七澤年十五即冠童子試爲諸生食廩精場屋屢躋未嘗有沮色丙戌長子宗道會試第一人公年纔及強仕諸年家子謂當頤養天和含飴自娛公拍案起舞曰雲程頗裕何甘兒曹先鞭黑頭封公適足爲家聲愧己丑以宗道封翰林院編修次子宏道成進士官儀曹晉封禮部儀制司主事三子中道成進士官南京吏曹晉封吏部文選司郎中綸章疊錫金紫燦爛鄉里榮之公益優遊自得究心慧業時方

公安縣志

卷之六

人物

耆德

八十

伯龔公乞休林下爲南平社長偕公及子侍御外孫三袁先生論學於二聖蘭若日輪一人具伊蒲之供互相商證叩擊所得或靜坐禪榻覽貝葉或游東壁河邊觀澄瀾或彼此角詩至日暮始歸一種清閒快適之樂夙因攸鍾如世俗豔稱簪笏侈夸門閥在人則爲希有盛事在公止作尋常觀耳卒年七十著有四書解義行世季子安道字方平號南浦凜凜父兄家學清修雅飭以伯兄官吏局次兄官儀曹肄業成均兩兄念久歷宦途不可無膝下阿奴以慰懸盼

天涯之憂趣其歸侍封公及大母以是伏處邱園同封公諸社友搜尋無生置身於律度而响人以春和絕無烏衣子弟習氣敦善弗怠喜聞人吉祥事無一切驕矜色宗黨嘉其德量焉孫祈年甲子舉人彭年甲戌進士嵩年己卯舉人前學使者徐公人龍詳覈公行實題云讀三袁先生之書豈可溯其流而忘其源哉崇祀鄉賢

毛宗憲號麓濱邑刀環里人敦尚義概喜施予捐義田以贍族之貧者俾冠婚喪祭取助焉邑令聞而嘉之

公安縣志

卷之六

人物

耆德

八十一

榜其居以風里人子荃以高材食餼於庠先卒妻鄒氏莊簡公孫女守志二十餘年教五子皆成炳繡炳文先後舉於鄉

毛薦字明字毛氏自宋元來戶口繁多每族眾中推素所服者一人爲之長凡戶事皆就決焉剖曲直均勞逸是以少長敦睦無輒訟公庭者公魁碩耆艾以公直爲眾所推族人有不直雖素所親愛及眾所憚者皆立召致祠中免冠詰責或加笞必取平而後已用是眾益敬服務爲自愛邑令廉知賜以竹刑使并督

里眾焉生六子咸以學業矯矯邑校中羽宸中甲子  
舉人季子羽健卽芝田公也嘗手植小桂數株指謂  
人曰桂長可折吾子當有貴者其在少子乎時芝田  
公尙幼公甚愛之然析室獨無所予人以爲請笑而  
不答卒不予後芝田公果貴兩誥贈如其官焉至今  
族人恪守高曾之規無敢踰越邑中推治族有義者  
首毛氏

高邦久字楚蘭文美第九子也長身美髯性孝友父有  
十子教讀甚嚴不如指輒加叱扑諸昆仲皆走惟公

公安縣志

卷之六

人物

耆德

八十一

含淚不忍去故於諸子愛最篤下帷好學遭世不偶  
無所成盡心於古其於通鑑大全皇極經世等書咸  
所究悉後爲禮部儒士縣令重其行誼皆歲時致禮  
其爲學以誠正爲宗嘗曰人非狂惑鮮有不惜名者  
然或浮慕聲名冥冥墮行清夜設阱暗計乘危此夫  
爲盜不操矢鏃者也惡莫甚焉教子深謹一經外訓  
以歐陽文忠公尊人治獄事曰此所謂哀矜勿喜者  
也我子孫如出仕治獄幸無殺人以媚人有世胄之  
後某某家計零落或詢公曰門風未忝世澤依然何

今昔盛衰之頓異公曰子未觀燈光之燦乎前膏將盡後炬壘續故達旦累月而不熄又不觀崔巍之木乎崇柯層蔭歷嚴霜而不隕其節非邀天者厚亦其託根者固焉耳子欲燈之燦而莫思所以續之喜蔭之茂而莫思所以培之徒深今昔之感抑末矣其持論如此子重望恪守先訓壬午舉於鄉嘗有燈膏因續永木本借培長之句勒爲堂聯蓋述公平素語也孫正儀成進士司李南陽每讞決憶公平日哀矜之言不敢忘歐陽治獄遺意則知公之教思深遠矣年

公安縣志

卷之六

人物

耆德

八十二

八十四卒崇祀鄉賢

陳捷字伯凱大光里人生而穎悟力學於書罔不涉獵每童子試輒冠軍以淹博爲邑諸生師平生謹律度遵禮法雖布衣而儼然具縉紳先生之度燕居無袒裸盛夏不脫冠箕踞訓子弟以坊表平情接物樂爲人排解里有鬪爭以談言釋之故鄉人莫不高其誼性坦平無城府與人不計怨每歲時伏臘雖社會里燕必躬至醵金爲倡子弟輩或有以鄙俚無自往答曰獵較雖鄙從俗可也有兄弟三人友愛最篤其季

弟少瞽父啟巖公憐之而屬於公撫愛倍至卒能成立父病侍藥餌經年不離寢榻適家有不得已之役父病中嚴切遣董其事不辭宵旦竣事以告父異之病中爲一破顏父卒遺命必葬我先人墓側族豪者不可遵命婉曲致請卒成先志既啟墓得其曾大父前峯公志銘其文爲鄉先達方壺龔公所撰龔公實以前壬午舉於鄉公大喜曰吾先人抱志不售食報在後壬午之云或其左券乎長子鼎中果以壬午舉於楚鼎中字蘇湄初雋邑俗新貴類多誇詡出入公

公安縣志

卷之六

人物

耆德

八十四

痛戒之買臧獲稍狡黠輒斥去曰吾先人忠厚傳家安用此輩歲甲申冬闖逆餘孽焚劫其鄉屠戮殆盡蘇湄幾不能脫公時抱病動履頗艱獨攜其家人幼稚舟載入湖卒獲元吉固天佑善人亦其禦變有方也未幾蘇湄脫歸父子相對如重生曰吾家荷天之福大難不蹶從此當益加敦培無忘巾車耳運際鼎革其時邑尙未入新版公病欣然祈死丙戌冠帶終於正寢其生平節概如此配陳氏公安有兩陳皆著姓也長歸於伯凱是時陳氏合爨蒼頭咸盡力稼穡

家無閒人諸婦不免親操井臼母上事尊嫜孝養備至世亂既平蘇湄擬北上爲母邀一命榮母不可言吾願以志養不願以祿養也蘇湄因不赴公車者二十年既檄催赴選得粵東保昌令日思歸養而母卒年八十五母皈依淨土臨終沐浴隱几端坐而逝中外子孫數十人皆彬彬文雅蓋德報云

袁宸字彤獻袁氏爲邑名族凡爲子弟陽慕先人類以曠達自喜其於敦本務農或不屑焉公居鄉治生產獨不爲虛聲誇詡是以始拙而後裕儉於持身而豐

公安縣志

卷之六

人物

耆德

八十五

於延師其於村里中所謂詩文讌會事雖爲之而非其所樂也當中秋友人治盤餐歌呼達旦獨率其子姪嚴切誨戒以秣米作粥啜之飽而散時人以此笑其樸而識者服其裁制有方足以回頹俗而還醇風矣子世紹少能文昭平縣令世經粵西宣化教諭世維辛丑 恩貢

周右文原名國昌以字行世居邑之板橋里少讀書言動不苟及長燕居必正衣冠矢志爲善數奇不售某觀察使辟爲刑曹掾自思所經手多大案得以陰行

其善每事力贊平反當事信其誠多所全活其不知也會有知之者遭於路跪而泣謝公如無所容亟去之且曰是上人之仁同事之轉移我無與也嘗中夜太息子以純問之謂是死獄爲求生道而不得不覺愴然耳或公退色喜則必其救拔多遂也如此者數十年益用孳孳案在分臬讞決皆各郡邑遠地公固不言故至今子若孫皆不能悉數之所可傳者公安有詞連馬杜二姓三生論褫衣頂公力持之免越歲訊其實謝以日久忘之又繡斧衙門訪犯營救得

公安縣志

卷之六

人物

耆德

八十六

釋袖十金爲壽公却之至作色其人退具粗葛一端始受之生平所行多如此其在鄉里排難解紛嘗謂陰德如耳鳴但可自知遠近皆稱善人而狷介嚴正佻達少年多所忌憚子以純字在位年十二遊泮能先意承志雖蒙養僅足饘粥而堂上融融祇緣膝下有孝子耳執喪三載宿靈側斷葷酒卜兆十數里外非甚風雨必朝往而暮歸歲時薦食往往號泣不能起其存心仁恕固有所受而書香自此起矣孫二應運與瑤俱能世其德事生以色養居喪如古禮不愧

孝廉應運出宰襄城冰檠自矢甫期月劇驂道上盛稱少年操守花落訟庭清可知也能清則慎且勤又可知也

外史氏曰蔡敬夫先生曾祖彝舒爲永春縣吏有法如是而令牽於他請欲上下其文者公度爭之不得徑投筆去令感其誠慰止之請如掾吏旨鍾伯敬先生爲之傳有曰世猶知庶人在官有能用去就存法者自公始且引史記馮唐自可傳不必其爲子傳也予於周右文公亦云

以上舊志

公安縣志

卷之六

人物

耆德

八十七

易鍾秀儒士象演之孫存心坦白戚友有急輒助之臧獲効力者復其身且給以基產有傭某服役久秀出穀百餘石令泛舟糶於漢沔去十載無音耗蓋已將其貲娶婦生子矣後妻子死無以爲生忽一日入跪伏涕泣曰僕乃今而知有天道也雖悔何及願負荆受主人責秀曳之起復給錢數貫俾置生計而去牟光世字旭若明時人直隸通判後官總戎生平好義同寅趙名揚罷官去夫人卒於署無所歸光世帶柩回葬年饑賑穀數百石知縣趙公繼鼎贈以澤溥桑

梓額

王成九茅穗新店人家頗饒嗜施與乾隆戊戌歲大饑近地售男女者盡典之男女異處日給湯粥至冬授以棉衣明年麥熟遣歸還券不索原值每歲除輒於夜靜時募予貧者錢米馭家僕以恩有願出者輒予以貲產施義塚地數處義渡田數十畝載於碑縣學生瑞芝瑞麟皆其裔也

袁前昂廖解里庠生乾隆庚申歲歉昂糶粟減價並廓常量梓里德之知縣張公統緒獎以善行可師額郡

公安縣志

卷之六

人物

耆德

八十八

伯張公亦賜義敦桑梓額

袁士信字義先號復亭行五於昆季以孝友稱初其父魁念從弟惺無子善病命信往侍往則家壁立信力奉甘旨醫藥無虧惺獲痊信以離家遠於所生久違定省家中諸人分析乃奉惺返僦屋而居視兩處晨昏偕妻喻氏胼胝拮据漸有蓄積置田五畝力耕自給魁愍信孝勤苦會有疾命已所置田二十畝諸子所未分者以五畝給之以五畝易信所置田餘田十畝命信備價券付之魁旋沒母與諸兄皆不欲事中

止母病復與喻同侍疾革泣謂信曰諸子婦中獨汝  
兩人善視我一無所分夙負爾矣諸兄皆大感悟始  
給田契居家性不屑逐未有載其穀之他邑販者貨  
鹽歸鬻不售強歸信未幾湧貴或謂急鬻可得厚息  
不答悉以鹽假人價平始收其值乾隆中孫廷翹由  
孝廉爲曲阜令 貲贈文林郎

鄒美中字聖贊號華亭別號西林山人試用訓導振讓  
之子家於西林山之陽因自署山人云山人甫成童  
而孤能讀父書弱冠試第一補弟子員久乃食餼年

公安縣志

卷之六

人物

耆德

八十九

三十卽謝棘闈槌戶課子時藝外壹肆力詩古文詞  
兼擅考證之學訓二子崇泗崇漢亦皆以第一食餼  
漢後首列鄉薦山人性耽書儲十三經二十二史下  
逮脞說叢談不下數萬卷日坐二分竹屋中丹黃不  
去手嘗有句曰聚書三十年讀書三萬卷有如蠹簡  
蟲形骸幾時變積沫不成篆食字不成仙生死於文  
字永結未了緣山人可謂樂此不疲者矣讀書事事  
求是不以人之說蔽己尤不以己自蔽於經義有八  
家同井辨袷褹辨韻學尤深所撰古韻今韻表判時

代以定音審啞以出切凡舊韻乖關瓜臻莊簪之  
附二等者改列一等責字之隸熙母者改隸精母楚  
字策字之隸穿母者改隸清母衰字所字刪字生字  
改隸心母雖字改隸審母其一出一入具有心得之  
妙昧者觀之茫如也於鳥獸蟲魚辨核無遺力鶉鷓  
鳴鴉笑本草之不分蛞蝓蚰蜒詆字通之誤合鸚鵡  
爲鵲巢之鳩證以古今註而益信桑扈爲竊脂之鳥  
得諸目驗而疑始決更因淮南蜚蛩而悟周本紀飛  
鴻滿野卽今之蝗蝻實前人所未剖者也易司訓湘

公安縣志

卷之六

人物

耆德

九十

巖言里有白犬夜輒入人家逐之卽隱山人曰是名  
獠子能攝人精氣者見於浮山外史通雅檢之不謬  
安邑李上舍鳴盛言邑之後湖有物牛首昂出水上  
目炯炯然市人噪而觀之三日始去山人曰此埤雅  
所載龍有九似而首如牛者蓋蛟螭之類水祥也其  
貪奇多識如此旁通天官家言製有中星儀星漢平  
儀辨古今之垣宿攷中西之異同每暑月露坐指某  
星某部分歷歷不爽云著述凡十餘種載藝文志書  
目中自時藝盛而古學荒漢唐箋疏相棄若土苴山

人獨能旁搜遠紹非真讀書人不及此故終歲所入  
悉購異書有餘則散之親故無慮三千緡其弟璧中  
歲歉輒舉粟百餘石予之築淤泥垸墊八百金立社  
約以訓化鄉里使相友愛扶持胥由天性醇厚復從  
書籍醞釀而出非豪俠者可比也卒之日邑人士輓  
云訓俗型方一鄉善士著書立說尙友古人嗚呼盡  
之矣

易斗光字北有號碧峯歲貢居邑之橋梓溪世習儒業  
六世祖象演院試已錄取因母病遽歸報罷見孝義

公安縣志

卷之六

人物

耆德

九十一

父顯棟邑諸生衣冠古處庠序有聲公其冢嗣也生  
有異稟童時就塾卓然不羣師嘗言曰若宗興文教  
者其此子乎長遊安鄉孝廉席惺齋先生之門既得  
師求爲根柢之學自周秦兩漢唐宋各家文外授以  
先儒性理語錄循習體驗必蘄至於有得而後已童  
試貴筑劉公廷謨南皮張公開雲皆其所受知者丁  
丑入縣學戊子領袖諸生食餼時年已四十矣毅然  
輟舉子業猶肆力於古文手錄春秋左氏杜林合編  
悉心批點題籤曰讀左日抄實能抒其獨得別標新

義帙成授仲君秉璋讀後與仲君同貢明經就司訓人咸惜其功名蹭蹬而公恬如也生平孝友性成類能先意承志兄弟析居因新宅地處繁劇且距老宅遠乃請於堂上願新宅自任之以老宅授其兩弟一爲公府伴官廳光煦一爲直隸州判道卿跡其優游林下足不履城市者三十餘年諄諄然訓子弟培本根蒐輯家乘籌辦祭產學田不遺餘力而胸懷坦白飲人以和道光庚寅來歲屢禱叩門乞假者踵相接出糶私粟於橐綻囊澀及筐篋傾歆者尤加厚莫

公安縣志

卷之六

人物

耆德

九十一

不大喜過望而去配陳孺人年俱八十餘白首相莊先後數日終壽子姓十餘人率能讀其先世遺書蓋其德量深遠平情恕物久爲里黨矜式而衿佩且駸駸然跼麗而起已

晏大士號錫三世籍江右臨川其先子俯公起甲科爲令嘗宰江夏後遂僑居於嘉魚縣之南塘官莊復徙江陵其大父曰宗選始遷公安父悅善生子三士於次爲長少好經史所居近市別構樓誦習其中學使按臨納卷已入賞矣省墓未返覆試期誤竟除名乃

入都納監肄業成均數奇歸治賈人業得子錢殖產  
暇猶探簾中書哦不絕口其寓都門時某孝廉客死  
厚賻之得返其櫬同邑士人或小試闕資斧或公車  
乏芻秣貸之不少悖尊禮塾師出於誠敬人爲之賦  
緇衣里社招飲率罕至惟試而得雋置酒招客者則  
往應蓋心以儒術爲重云創建宗祠獨力仔肩又購  
置學田新舊接卸所以激勵後人嚮學不倦者備至  
輯家乘搜採網羅手自繕寫成帙好排解隣人胡甲  
與江南李乙以郤相陷禍不測力爲譬曉皆大悟事

公安縣志

卷之六

人物

耆德

九十三

遂已劉姓夜遇劫盜號於眾操刃助之盜乃走嘗至  
沙津有所購買人誤持其直昂者授之約贏數百金  
已上舟行數里從者言之命急返還其物賈人請分  
半以酬不可悉舉而還之其介如此刑部主事王柏  
心曰公之孫承烈語余謂年甫五齡公卽授以綱目  
提要時時講說則知公之識力得於史者深矣雖未  
獲脫穎名場然子若孫皆摛華掞藻聲震膠庠間且  
控扶搖而上昔朗陵太邱未登貴仕子孫並繼起爲  
名公卿以公方之食報固未有艾矣

義士

林守成成化初麻寮商人以漆一器寄之而去宏治中商始來適守成遠出商告之官守成歸致漆縣庭封識如故啟視漆乾結惟中一滴濡耳令嗟嘆良久杖其商賜守成肉米以旌其義

毛貴章讀書知大義明宣德閒山東饑輸粟千二百石助賑事聞勅建坊旌曰義民毛原名文章上御宸翰改爲貴章特錫嘉名亦曠典也

馬良明正統四年山東饑詔天下輸粟得補爵良輸粟

公安縣志

卷之六

人物

義士

九十四

三千石不受賜職乃勞以羊酒勅旌馬氏善良之門良築樓於池奉之爲流賊所燬明史記其事

禹重望字仲達崇禎壬午舉於鄉幼有至性事父母以孝稱敦睦族人貧不能婚葬者傾囊助之學宮頽敗捐貲倡修其輕財好義類如此

張宏綱慷慨好施予從弟克恢兄弟以腴田三十畝售人宏綱出厚值贖回及克恢兄弟家益落以原田畀之批繳文約不取值並戒子若孫無得藉口其子卜年廩生內行修潔亦善繼其志云

廖鬍子以貌名未有知其字仁甫者在谷昇里之沉璧河鬻渡度日可給則不受值以故數十年家酷貧邑中多蒲圻梓匠春來冬歸適有十數輩暮投廖宿室固隘連蓐而寢雞鳴噪起急謀渡東去比曉廖妻楊氏得裹金於薦下知爲匆忙中所遺夫婦秘之不以語其子午後一人飛奔望渡哭廖慰之歸以完璧其人欲以少許酬堅却之貧而不取幾與披裘翁似至今稱爲還金渡邑有曹姓字調臣者亦嘗還金於路然而其家裕視廖則有閒矣

以上舊志

## 公安縣志

### 卷之六

人物 義士

九十五

王厚寬西辛里居士也好施與鄉里有急者助之無食者食之有糧湖三每年蓄魚可獲三百金嘉慶丙辰歲大饑不取漁者金不能漁者給以穀得免流徙者數百家

沈朝獻廖里監生家非素封遇鄉鄰有急者輒助貲嘉慶壬戌大旱出穀百餘石爲粥分給全活甚眾廩生孝嗣其孫也才氣超邁敦品力學士林推重焉鄒授讓衛千總字君佐按察司經歷敬敕季子身玉立修髯目炯炯射人望之如對高山深林氣爲之肅負

經濟才邑有大興廢未嘗不與計生平嚴義利之辨  
經理堤局凡十載潔己奉公不名一錢邑袁某以訟  
事爲幕客詐白金二百爲責取還某某奉其半以酬  
峻却之陶甲女爲熊童養媳迫飢寒迎歸改字得錢  
十緡招而諭以禍福如其數償之俾完前婚從兄孤  
且貧爲之立嗣捐田二十餘畝人至今思之

宋國寶茅穗里監生生平好義道光時有貴州舉人某  
北上貧病不能前國寶邀至家延醫調治明年病痊  
厚贈之年七十餘卒先期創捐本邑賓興田百畝在

公安縣志

卷之六

人物 義士

九十六

觀音寺

鄒勝中平里貢生世有隱德慷慨樂施鄰王某者素勤  
苦家貧無偶勝憐之爲娶婦飲食衣褥俱助之王由  
此生子成家

楊士義平里人其兄士哲與鄰爭田誤斃一人官吏索  
之急義出以身代罪死於獄

雷鳴運字景芳都司喜施予建邑橋梁數處助修邑城  
隍廟兩廊建光孝寺山門又捐義田以濟屯務屯下  
至今賴之子都司紹峯復助貲創舊考棚綽有父風

鄒毅遇縣學生世居薦祖溪溪屬南北要津石邑張姓以河主據渡勒索行旅遇憤與姪縣丞敬軾舉張所爲鳴之官設義渡捐田四石五斗廩生崇緒軾孫也袁廷翰監生一日自外歸途見彩輿哭聲殊異訶止之命人啟視則婦人縛置輿中得其逼嫁狀急遣人於四十里外覓其親鄰至歸之婦節獲全雷魁字景陽武生世居谷里家中貧性喜施予道光壬辰己酉歲大饑妻沈氏相助爲理活性命者五全婚姻者三學師王序其事

公安縣志

卷之六

人物

義士

九十七

郭明德號乾占西辛里監生家稍裕道光庚寅後歲頻侵貸不能償者舉券焚之生員開誠開照其子也崔以恪字立庭歲貢生候選訓導敦行誼與人不欺臨財不苟居家孝友一門百口同爨有江州陳氏風拾百金於途訪其人還之劉明振廖解里監生謹厚喜施港關義渡振獨造大船捐田三石餘爲舟子衣食西岸有塘房捐舖舍二十餘閒助塘兵資斧又常製丸藥以給貧病無德色牟丕振邑城監生道光壬辰歲荒湖南周姓售女爲婢

丕厚待之後周驀套女去丕詰知其實卽遣歸助奩  
婚配又有吳姓鬻子者爲說於雷姓收爲養子吳童  
媳父因其易姓悔婚欲興訟丕力阻之乃止遂完配

公安縣志

卷之六

人物

義士

九十八

公安縣志

卷六  
人物下

公安縣志卷之六

人物志下

逸士

成己字仁卿號七洲少有奇氣家貧力學工詩神宗朝入燕京以詩賦自命少所屈七洲先與江陵交是時江陵秉鈞七洲貽書猶兄之久之江陵亦不堪會坐閒七洲踞上座不少讓當事者怒付遞解還先生性傲岸不羈每有所適興至輒附便舟去不聞之家人或數年始歸所遊則鬼國蠻鄉靡不到所交則緇衣

公安縣志

卷之六

人物 下 逸士

一

羽流靡不狎所學則琅函瓊笈靡不窺著有七洲詩集若干卷中郎先生舊有傳今軼

王輅字以明黎平知府格次子十歲能屬文甫二十卽知法要頗契無生之旨中郎小修兩先生少肄業門下一時如李卓老陶石簣袁伯修諸先生俱爲性命交年四十以貢授陝西鳳翔別駕六月卽棄官歸茂林著書以高逸自處崇禎初遣子上萬言書上嘉納之著有法華般若諸經解小竹林集詩文若干卷崇禎五年督學蔡題祠鄉賢

王從龍字卜卿貧苦力學以徭賦爲里胥鎖之空舍中  
爇薪讀書達旦不輟邑中文士稱爲社長異母弟因  
訟事縣令欲扑之苦求身代以慰繼母人稱爲孝  
鄒國能字弼臣號石菴明執金吾鄒公之有長子大司  
徒莊簡公文盛之六世孫也以莊簡公武功得蔭世  
襲錦衣衛千戶公少而偉岸喜讀書父沒後禮部題  
授蔭職旋罹大亂濱於死者數次至於太平乃掃除  
刼灰於故宅之傍構數椽外治小圃顏曰淡園終日  
徜徉其閒美髭髯善談論灑灑有出塵之致初以家

公安縣志

卷之六

人物 下 逸士

一一

中落而身復不求仕進黠饕輩閒有謀訐之者公一  
以含忍委曲處之無不立化久之則人且敬而愛之  
遠近皆知名邑宰於公每加禮焉地當孔道過客多  
來相見挹其風度莫不醉心而去故所得名翰品藻  
甚富其弟國英亦甘隱遯與之同心焉 以上舊志

李向春字方實增生活淡寡營弱冠與伯仲二兄析爨  
家人持籌進春愀然曰某素不習會計長子世樸早  
歿聘室張貞女年十四矢志悉以家計委之次子世  
極成童能文邑令張因公造訪見其文嘉之謂當冠

一邑之首春恐遭物議竟不令極入場家不戒於火  
族里環集惟誦柳宗元賀王進士失火書其坦懷如  
此年九十六歲卒

侯宗旨字八解爲文眈奇聲大著有五經訓解

舊志

蕭知德字果育號南池幼穎悟其族祖虞封公器之目  
爲千里駒授時藝卽喜讀金陳文才思宕軼嘗道過  
樹下見樹皮剝落作卑污受辱之文寄慨時事年逾  
弱冠縣府院試皆列首選生平尤以孝著先孺人終  
柩停中堂夜半火起下廳風大作跪地號哭誓與母

公安縣志

卷之六

人物 下 逸士

三一

柩同焚風乃反性嫉惡縣役被斥者甚夥其後差卒  
誣以折票逼溺案情身罹法網事白後紳士撫武令  
劣蹟上控卒罷職公嘆曰予以戇直招禍令以貪酷  
喪敗皆足爲鑒子三長信謨次信誥庚子領鄉薦季  
信詔邑諸生

田國芳字世傳號經畚祖遇礪縣學生父希康以謹厚  
聞子三公其仲也弱冠列諸生六赴鄉闈不售遂輟  
舉子業務實行顏其齋曰尊道專宗考亭居敬窮理  
於德性問學無偏廢晚尤喜陸稼書集謂其言與考

亭合服膺不少倦於星象形家醫卜諸書靡不精卒年七十二

袁清字秩三別號西軒平生重氣節篤孝友終日危坐觀書插架萬卷披覽無遺由歲貢就職訓導少時庭訓嚴按日課經史非成誦卽夜分不令就寢稍長至其祖梧桐公曲阜任所從丹圃喬孝廉讀甫執筆爲文卽蒙嘉賞采芹後復從白淦劉先生遊益教以先秦兩漢並韓柳歐蘇之文先生得所師承遂愈肆力於古一以古文爲時文四旬外以父年高家務倥傯

公安縣志

卷之六

人物 下 逸士

四

任軍民一切差徭鹽車絆驥從此風塵碌歷寓巴陵登岳陽樓覽洞庭波光與侯雲嶺倪磁圃諸人賦詩唱和未嘗一日廢筆墨也丁內外艱哀毀過甚課其弟立敬極嚴而親愛彌篤往來鄂渚漢皋閒不欲偶相離其天性友于如此授生徒使爲有根柢之學非能誠心求益者莫敢以藝呈年六十有五卒

李澤濤號春溪生員祖德之伯子也弱冠冠童子軍力學篤行文學王柳潭詩宗白太傅字法白雪齋道光乙酉選拔旋丁外艱教授生徒一以文行是勸師事

者多所成就好爲詩有蓉鏡堂集嗣因馮夷肆虐家無擔石晏然自樂性活潑時特立獨行自賦云憾煞天公生傲骨斯須不肯受人憐生平概可見已同治丙寅前任知縣袁聘修縣志去取維嚴未幾卒長子楚材生員季楚鳳辛酉拔貢孫家榮生員

陳鐘璜邑諸生號旭齋一號葵園父輔公亦諸生邃於易數尤精天官書乾隆閒緬酋構逆王師征討輔公暑月納涼仰視星斗忽訝曰西南當折一大將後三日果得明將軍凶耗生三子旭齋其季也始入塾輔

公安縣志

卷之六

人物 下 逸士

五

公謂之曰汝髫齡穎異一經當能繼我但福薄不必覬覦科名旭齋謹識之故終身不與棘闈旭齋力學工詩尤精音律每同人讌集強之彈唱曼聲低度雖老樂工亦嘆弗如先居邑之東里頗足自給後因頻被水患家中落遷居谷里誅茆於南湖之濱自號對湖居士所著有對湖草堂詩集其性情瀟灑如此道光己酉奇荒石米八金歲除日食藜藿典衣換酒且飲且歌易曰或鼓或罷或泣或歌慨無常也而先生獨能自樂如此其諸古之拾穗行歌善於自寬者與

嚴壽春字靜菴號伯仁新店市人也事親孝交友信生  
平尙任俠於人有急難則出死力排之家貧不能具  
饘粥然性廉潔不苟合有憐而周卹者必卻之嘗作  
詩云亦有嗟爾來食者丈夫志不受人憐其風骨概  
可見矣所著有竹秋集蠹魚編懷北草暮林草壬子  
年拾遺記海棠山院錄隨筆續筆諸集待梓子堊廩  
生江蘇知縣

公安縣志

卷之六

人物 下 逸士

六

僑寓

人足以重地而地勝亦足以致人公邑僻處江千古  
賢之寓焉者恒少又地當孔道舟車輻輳故富麗不  
似渚宮鄂渚使佳客畱連幽靜不及鹿門雁峰使逸  
士遁迹今記子美以上及元明不數人使先賢遺跡  
不至泯沒無考用備一邑故實云爾

漢

韓 暨南陽名士漢末避袁術之命徙居不出劉表復  
辟之遂遁居孱陵

公安縣志

卷之六

人物 下 僑寓

七

劉 璋先主取蜀居璋於公安並其貲財遷焉

梁

陳起祖梁散騎常侍封益陽公智者禪師之父也

唐

杜 甫避安史之亂入蜀依嚴武醉後戲謔爲隙卜居  
灤西大曆三年秋至公安憩息數月有畱別公安諸

詩見藝文 以上舊志

宋

毛仲材江西吉水進士理宗時諫議大夫以使事過公

安樂刀環山水之勝遂卜居焉

至人今所居孫繁盛代有

元

杜敏漢嘉人其祖避亂自蜀至公安因家焉兄弟六

人俱以儒業顯敏仕元爲著作郎

湖廣通志

何廷蘭其先鳳翔人徙居公安

仕元踐登臺省三十餘年納忠陳善秉節不阿

杜淑賢其先蘄水人元總兵復一孫復一官荊州父竒

秀愛公安土地平衍人民樸實卜斗湖堤家焉元季

大亂邑城瀕江賊往來無虛日淑賢善騎射足智勇

募眾與賊拒明東平侯韓政宣甯侯曹良臣皆危之

### 公安縣志

#### 卷之六

人物 下 僑寓

八

淑賢散貲財以固眾心旦夕籌畫水陸交防卒保無

慮洪武初以功授總鎮將軍世襲百戶

李黼江陵人統兵元帥元末守義不屈死明太祖憐

其義厚葬焉子八真官評事因黃羊墳罹禍偕妻牟

氏率長子原誠徙公安遂命以牟爲姓

明

張得遠吉水人由鄉舉授大理寺評事時蜀地紛擾奉

命討平洪武間致仕遊公安因家焉

舊志

夏端穎州別駕解組遷鄱陽縣隨父彪由進士任公

安知縣遂家焉明洪武四年分居黃岡復分居黃安  
李洪以父明初隨湘王調補荊州衛洪襲父職籍公  
安舊縣西門外有官衙西湖廟有官田洪沒子廷鳳  
承襲

尚文貴字天爵才畧過人任淮海兵備道解組遊公安  
至長安村覽其山川秀麗人民誠樸心竊賞之遂去  
江陵而家焉

張嗣祖江西南昌縣人永樂閒進士任寶慶知府後遊  
公安遂家焉其子克恭置平里王姓產因里版難易

公安縣志

卷之六

人物 下 僑寓

九

易姓王今訓導王受福其裔也

附 鄉官外籍

牟志夔四川重慶府人萬曆甲辰進士官行人陞山西  
巡撫提督雁門等關都察院右副都御史轉戶部尙  
書原公安牟回之裔乙卯歲來省故里畱連者旬餘  
牟敬祖歲貢洪武三年任山東棲霞縣主簿因家焉其  
裔昌裕乾隆丁酉舉人工部員外郎因門人任公郿  
佑授公安知縣獻水木興思額於邑牟姓祠並製楹  
聯云閱元明以成序別派分支已歷二十一世合齊

蜀而同宗敦詩說禮至今五百餘年殆亦不忘其所  
自歟

牟瑋宗廖解里歲貢任盧龍知縣十餘年先是流賊大  
亂有友龔姓約辟地湖南牟以鄒姓曾託藏白金大  
錠未還恐後彼此不知存亡爲難龔義之卽令家人  
相伴覓得鄒還其金方同去後僑寓梓潼縣孫子巨  
室

袁貽則長安里人流寓京都由例監知慈利縣事初到  
任歲荒斗米千錢里民來辦軍供者盡放歸代民捐

公安縣志

卷之六

人物 下 外籍

十

出七百餘金慈愛得民解任時爲立去思碑羅拜泣  
下

蔣其昌流寓浙江蕭山任晉州訓導

李 洄流寓西山投誠授部劄守備 以上四人俱舊志

崔 棗原姓毛入江陵籍嘉靖甲子舉人員外郎 府志  
選舉

仙釋

孫錫蕃曰邑中氣節則有毛芝田蕭元恒諸公經濟則有王襄簡鄒莊簡諸公死節則有龐堅白侯令邱諸公清操則有李道宇龔蒼嶼侯豫亭諸公循良則有何太古王麓田諸公文章則有三袁兄弟皆所謂長生不死之藥也然而仙佛異迹往往不絕三世諸佛不過血性男子耳

大二聖大聖青葉髻王二聖樓至德芬陀利經爾時大師召第五童子娑羅浮殊與純金澡罐而告之曰汝

公安縣志

卷之六

人物 下 仙釋

十一

可持此供養寶藏如來如來卽與娑羅浮殊童子授菩提記當名青葉髻王如來於賢刳千三牟尼日出現後成佛持大力童子告佛發願如來卽與授記呼爲無垢明藥王於賢刳千四如來青葉髻王成佛後當成阿耨多羅三藐三菩提號曰樓至德如來按芬陀利經樓至如來無德字

黃衣使者卽杭商史清娑伽羅龍王化身舊有宋封敕書今失今永順保靖山中呼爲公安三聖黃衣使者求禱必應

道安禪師卽寶印手菩薩

慧遠禪師舊志大二聖寺初名安遠寺係道安慧遠二師建今按智者傳有敕修報本崇禮安遠三寺之語則安遠寺當爲智者重修耳今茅穗里有報本寺當亦智者大師建所謂上鄉壤以達生地思者也舊謂宋建非是

隋智者禪師傳燈錄名顓姓陳氏公安茅穗里人七歲入果願寺聞僧誦法華經隨念之卽記憶宛如宿昔十年誓志出家依僧法緒於果願寺陳天嘉元年謁

公安縣志

卷之六

人物 下 仙釋

十一

光州大蘇山慧思禪師師一見乃謂曰昔靈鷲同聽法華經今復來矣後辭思往金陵闡化七年謝遣徒眾隱天台山隋晉王廣迎師維揚執弟子禮旣克金陵師因西上止於玉泉山廣奏請立寺尋還天台一日忽顧侍者曰觀音來迎不久去命筆作觀心偈唱諸法門綱要訖趺坐而逝 指月錄

陳

鍼

鉗音

智者之兄仕梁爲晉安王中兵叅軍年四十

遇仙人張果謂之曰吾觀汝相陽算已盡當死在朞月鍼以白大師師令行方等懺法授以童蒙止觀咨

受修習夙夜不怠未及一載復見果果大驚異曰服何藥而致此鍼曰但修懺耳非藥也果聞之以手加額曰竒哉道力易短壽爲長齡而卒能越死超生誠然乎鍼常於禪定中升天宮見金殿榜曰陳鍼之堂後十五年當生於此越十五載徧謁親知言別端坐而化

圓悟克勤禪師臨濟宗十一代在公安天甯禪寺  
祖珠遜菴禪師南平人臨濟十四代住公安天甯萬壽寺卽二聖寺也

公安縣志

卷之六

人物 下 仙釋

十三

虎溪錫禪師臨濟十六代住公安天甯寺

寶方戒律精嚴爲二聖且過堂開山祖中郎小修兄弟及龔惟長蘇雲浦曾長石黃平倩諸公皆稱之

顯宗江南人幼授戒操行清苦邑長者勑青蓮庵居之  
袁小修先生有碑載其事

回道人卽呂洞賓河東人兩舉進士不第遊廬山得異人長生訣多往來湘鄂中滕守宗諒常遇之岳陽樓自稱華陽道士宗諒密令畫工圖其像賦詩贈之大笑而別公安有濯足池在舊縣斗湖中湖水雖漲而

清秀傑出時有白鶴翔集其上

侯大中號損齋通儒術元大定初應召建醮授師號而歸未逾年靈芝二莖產於堂七朶色如青玉有詩集

學士元明善爲之記

府志

建文遺事宣德七年壬子正月師入楚

或稱帝或稱從文按程濟從

亡隨筆自壬午六月以後君臣皆以師弟稱遵君命也

至公安宿蕭寺二道士

同宿不相識夜漏將三鼓微聞兩人泣聲既去觀遺

紙知爲郭良梁中節

皆定海人同爲中書舍人壬午六月與聞出亡之事並棄官爲

道士師作蕭寺黃冠夜泣詩

見藝文

### 公安縣志

### 卷之六

人物 下 仙釋

十四

醉叟不知何許人亦不言其姓字以其常醉呼曰醉叟

歲一遊荆澧閒冠七梁冠衣繡衣高顙闊輔修髯便

腹望之如悍將軍年可五十餘無伴侶子弟手提一

竹籃盡日酣沉白晝如寐百步之外糟風逆鼻偏巷

陌索酒頃刻飲十餘家醉態如初不穀食唯啖蜈蚣

蜘蛛癩蝦蟆及一切蟲蟻之類市兒驚駭爭握諸毒

以供每遊行時隨而觀者常百餘人人有侮之者漫

作數語多中其陰事其人駭而反走籃中嘗畜乾蜈

蚣數十條問之則曰天寒酒可得此物不可得也伯

修予告時初聞以爲傳言者過召而飲之童子覓毒蟲十餘種進皆生噉之諸小蟲浸漬杯中如鷄在醢與酒俱進蜈蚣長五六寸者夾以柏葉去鉗生置口中赤爪獠獠屈伸唇髭間見者肌慄叟方得意大嚼如食熊白豚乳也問諸味孰佳叟曰蝎味大佳惜南中不可得蜈蚣次之蜘蛛小者勝獨蟻不可多食多食則悶問食則何益曰無益直戲耳後與予往來漸熟每來踞坐砌閒呼酒痛飲或以客禮禮之卽不樂信口浪談事多怪誕每數十語必有一二語入微者

公安縣志

卷之六

人物 下 仙釋

十五

詰之不答再詰之卽佯以他辭對叟踪跡怪異居止無所晚宿古廟或闐闐簷下口中常提萬法歸一一歸何處凡行住坐眠及對談之時皆呼此二語有詢其故者終不對往余赴部時猶見之沙市今不知在何所矣石公曰余於市肆閒每見異人憾不得其踪跡固嘆山林巖壑異人之所窟宅見於市肆者十一耳至於史冊所記稗官所書又不過市肆之十一其人旣無自見之心所與遊又皆屠沽市販遊僧乞食之輩賢士大夫知而傳之者幾何余往聞澧州有苟

仙姑及一瓢道人近日武漢間有數人行事亦怪有  
一人類知道者噫豈所謂龍德而隱者哉

中郎集

句曲子曰人無諸毒乃能茹毒螂蛆蚍蜉其小者也  
世有蛇虺其心蜂蠆其口者請與醉叟啖之醉叟隱  
者也亦仙者也醉而隱邱壑皆杯勺醉而仙天地盡  
糟醅與

郢書

司馬頭陀不知何許人或云姓劉名潛卽形家著水法  
者觀其語似非一人所在見佳山水輒畱秘記遊公  
安最久畱記數十亦異僧而隱於方術者也

## 公安縣志

### 卷之六

人物 下 仙釋

十六

德成字雲空漢中人少時遇異僧攜入終南石室中教  
之禪定草衣木食者十餘年後出乃祝髮遍遊名山  
止於公安新店菴居數歲脅不粘席每入定竟日乃  
出一日忽詣其師端告之曰弟子明日午時當歸端  
云向何處成云願出三界外

朱顛者不知何許人萬歷末往來荆楚間衣百結寒暑  
不變不乞食有予之食者始食嘗卧叢蘭寺殿角下  
風雪累日弗起咸以爲死視之酣睡如故也性嗜酒  
每出必醉醉則裸而舞口喃喃歌如云海外玉皇披

象皮不知何謂羣以顛目之袁小修嘗遇之於燈市見其醉中自語云且混且混因問燈佳否曰燈甚明路不平燈甚明眼不靈袁嘆爲異人焉有謀以酒困之者笑曰神仙醉不死費乃甕頭矣一日肩短榔挂不借之朽者十餘兩別所知入山去好事者從而踪跡之行甚緩而眾奔馳莫及移時不知所向或曰朱乃中州諸王孫殆亦謫仙玩世之流歟

郢書

湛然本公安李氏子住玉泉新關廟通內典兼曉聖賢經義遠近耳其名爭來就質隨問隨答無難之者或

公安縣志

卷之六

人物 下 仙釋

十七

曰少補弟子員中年披剃玉泉問之亦不答但微笑而已

釋巨鋒別號韻蒼南郡公安人少落髮二聖寺長而瓶盃遍天下往來江浙大叢林凡迎 鑾盛典及諸水陸道場皆禮請掌經讚書疏旣而退老江陵東山寺性益傲岸不與人往來後歸骨峨嵋生平工吟咏著有韻蒼詩稿若干卷江陵拔貢劉士璋爲之序

癩花子者不知所自來遍體臭爛嘗病卧廣德觀側有道士汪姓者見而憐之舁置側室中調治之月餘不

懈忽一日張目呼汪曰吾累汝無以為報盍持一盃  
來道士將一巨盃至因大吐痰涎滿中迫令汪服之  
汪頗嫌穢俟其旁睨潑之倏起青烟道士驚詫亟以  
手承之而花子遽杳矣後汪道手持方響一擊輒有  
風雷起於掌中邑令聞其異值旱甚召令祈雨頃刻  
甘霖傾注蓋捨其遺唾故也

公安縣志

卷之六

人物 下 仙釋

十八

附耆壽

明

周

輶

百歲有碑

袁敬松

九十八歲

周正冕

九十七歲

胡美之

九十七歲

國朝

尚天庚

九十七歲子孫俱昌

田寅山

充鄉飲賓

陳美璠

九十一歲

朱尊漑

魯陂里從九少極貧年三五孫十雲燦州同

列女

劉氏尚懋妻年二十二夫卒撫遺孤文昌由貢生入監肄業諸名士甚推重焉守節三十年有司廉其實表其門

陳氏尚校妻校舉於鄉卒氏年二十一守節三十餘年訓遺腹子文光亦舉於鄉嘉靖中事聞旌表

沈氏適同里熊姓姑鄒苦足瘡痛劇呻吟不絕聲沈晝夜侍左右無難色家貧每至農時爲里人代饁受雇獲所饁或食物不宜於瘡者卽與同侶易他物歸忍

公安縣志

卷之六

人物 下 列女

十九

饑以獻姑瘡需茶洗不能得見有棄地殘葉燂湯敷貼患處姑安始就榻否則通夕不寐一日姑手抉壁爲洞一竇沈問故姑曰汝孝通天吾卧病久暗室不覩白日今開一隙庶幾天監汝孝賜汝貴子耳沈尋生子膏後與姑俱以遐齡終膏卽中丞也

參府志

胡氏太史袁宗道側室太史卒於燕氏年十六誓守節長齋繡佛待袁氏諸子姪如己出家無閒言上臺聞而旌之

劉氏金陵人吏部主事侯偉時側室崇禎癸未隨偉時

之京師逆闖犯闕偉時知事急陰以氏送某所實贈之氏拒絕歸謂君早自匿勉圖報國第封置我一室中勿以爲念偉時如言脫身去氏自領至履俱以線密縫然後自縊賊平針匠康德甫黃岡人買棺葬之侯氏吏部侯偉時有三女一適田生值流賊至舅姑驚惶莫措女曰無憂兒就掠一室可免晚當尋兒於紀湖之淵語竟賊挈之去翼日尋之不得後五日復涕泣往尋屍乃冒水出面如生血自鼻流如泉適王生者避賊湖中復蹈水死爲諸生孟兆泰之妻者亦烈

公安縣志

卷之六

人物 下 列女

二十

婦時兆泰被賊執不屈死侯氏聞之竟以身殉

侯氏侯偉時之姊李萬年之妻萬年性豪邁能文章未壯而沒氏年二十七事姑孝子友松親課之稍長延弟令邱課於家知縣高朱欲爲請旌力辭曰守節婦人恒事何旌爲卒後松以順治甲午舉於鄉

張氏年十四適毛璣三月璣亡誓守節操持嚴謹家人子姪罕得見其面女婢不通外語袁中郎言於邑宰錢允選詳請上臺旌獎免其丁糧年七十餘卒明萬

歷時旌

府志作  
貞女

龔氏諸生鄭名世母崇禎癸未爲賊所執使誘其子降許以富貴氏罵賊死賊焚其屍

王氏袁中郎側室揚州人中郎卒時生子岳年未一月氏年十七守節撫孤三十餘年教子讀書成立後遭難隨子辟地江陵龍灣市賊忽大至時家人已登舟不及待倉卒趨鄰舟拒不受爲賊所及欲掠以去氏詈罵不肯行遂遇害年五十歲

按中郎卒後有妾王李韓皆江南人俱以少年守節李隨養於嫡子彭年慈愛端靜年六十餘卒於粵東彭年爲喪持服雖忌者以此訾議弗顧韓亦備歷艱苦年七十餘始卒李韓無子皆善終而

### 公安縣志

### 卷之六

人物 下列女

二十一

王氏獨慘死亦可哀已

毛氏監生鄉賓田學謨妻無子妾王氏生子三撫之如己出乙酉冬爲流賊所執罵賊不屈死長子知府鍾雨每言及遇害事輒淚注不能已

龍氏毛士登妻夫生而瘖氏力持家政夫亡年未三十無子遭世大亂有勸以改適者又有非義相干者皆怒罵以死拒之六十年貞操益勵

孫氏江陵沙市人高邦久妾嫡李氏嚴馭之邦久憐其劬勞遣歸且令他適氏斷髮自誓越五年嫡卒欲擇

繼室有言氏自矢狀者遂迎歸偕老焉性慈甚見有負戴者必詢其飢渴而飲食之皈依大士茹淡多年嗣流賊搶攘佩珠念佛不動賊敬之釋刃去後寓宛陵年七十吳中士大夫賦詩贈頌子重望舉人孫正儀進士

毛氏刀環里縣學生陳用中妻年二十九夫亡家貧三子皆幼茹苦撫之次子士璉康熙癸卯舉於鄉

毛氏侍御毛羽健女適邑庠袁汝成年三十成卒無子矢志守節薙髮長齋以壽終

公安縣志

卷之六

人物 下 列女

二十一

羅氏諸生蕭鼎都妻舉人羅遇旦女夫妻至孝奉姑袁避難九谿山中袁卽蕭公中丞嫡配也爲賊所執賊欲掠羅去不從先殺其姑以恐之羅大罵曰賊奴殺吾姑吾夫妻豈復從汝求活耶何不先殺我令吾夫見之遂俱遇害

曹氏明漢中太守曹公子徽之女孫邑庠沈逢盛妻事舅姑復事繼姑俱以孝稱明末流賊殺擄所過如洗沈生舉家避兵東鄉訛傳賊已退返其室晨炊未熟賊忽至氏揮其夫挈三子亟去自誓一死遂罵賊遇

害賊退收其屍見其袒服襦襪皆縫紉始知其蓄志久已

龍氏貢生龔家齊妻年二十九夫亡撫遺孤事翁姑極孝龔故方伯世家忽中竒禍而家落氏令僕婢皆習操作延師教子及孫曾多遊泮者龔氏之業賴以復振年八十卒

張氏名淑嬋華容貢生張希价女歸縣學生周應嵩翁遠宦河州卒於官時嵩病訃至慟哭而絕淑嬋年二十五矢志養姑教其子女會流賊刦其姑嬋冒刃脫

公安縣志

卷之六

人物 下 列女

二十三

之燈火下賊不之覺兩子及孫皆縣學生長子用霖早卒妻馬氏妾劉氏皆守節女適陳亦甘心爲未亡人次子操南斷絃不續兩女婢亦義不再匹

袁氏總戎牟光世妻崇禎癸未兵變遇賊與妾王氏俱抗節不屈死

曹氏崔蜀觀妻明末流賊寇公安欲犯之罵不絕口賊怒支解之

陳氏杜光先妻年二十八夫亡奉姑孝教子詩食餼後考貢苦節四十六年康熙乙未知縣沈寅表其門

尋建坊

李氏儒士龔學遇妻周氏遇弟學述妻李氏年二十三  
周氏年二十一皆寡先是李有子二周子其一未幾  
俱殤兩氏相依益厲初志時翁爲濟南郡佐姑在家  
疾革兩氏齋戒拜斗求以身代夫弟學岱幼撫而教  
之食餼康熙五十七年學憲李 賜冰雪雙清額  
鄒氏魯陂里石有章妻年二十五夫故當賦役繁興滇  
逆鼎沸之時氏矢志守節閉戶操作奉堂上盡禮次  
子羽噪聲庠序夫兄夫婦早逝撫其子女如己出

公安縣志

卷之六

人物 下 列女

二十四

王氏魯陂里魏家璧妻年二十三夫病侍湯藥唯謹夫  
囑其父母謂氏年少無子可令他適氏聞之慟哭不  
已許以一死從地下及沒絕飲食舅姑百計勸慰氏  
曰侍奉有兩叔不須我也遲之二十七日防守稍疎  
赴水死

杜氏余曰吳妻年二十而寡子在襁褓姑年邁夫遺命  
不可以死當善視老幼氏泣受命備歷艱辛卒成夫  
志

張氏東村里王潔妻姑病氏割臂肉以啖姑久卧病是

日忽起未幾姑又病其夫效之弟婦潘氏亦效之署  
縣張 賜一門三孝額

周氏谷昇里陳家祚妻年二十祚亡父兄以其家貧無  
出令改適氏死拒之以節終

龔氏邑庠司馬寬妻年二十四寡氏讀書明理時大亂  
將作奉翁姑率其屬遠避武陵雖在流離孝養備至  
子應運年十六游泮

萬氏廖解里袁又閨妻閨祖雄於貲亂後蕩佚及完娶  
一意下帷二十游泮二十八病革囑氏以必靖家難

公安縣志

卷之六

人物 下 列女

二十五

比沒氏風雨漂搖卒完巢卵子惇典惇仁縣學生孫  
叙兩叙品國學生茹素三十載卒年七十六先是家  
有箭樓一座氏改造雙樓以示恢張其亦不愧所囑  
矣雍正癸丑學政蔣 題請建坊

文氏縣學生袁惇穗妻年十八寡無出父母欲爲改適  
氏覺毀面慟哭誓不求生乃命以夫兄貢生惇稷之  
子叙縊嗣之以節終

馬氏縣學生龔家讓妻龔故世家內外都不事事後翁  
爲無賴所搆家且破又值西山用兵軍供繁難氏雅

習勤苦故業少復年二十九夫故延師教子伯仲俱  
監生孫曾十餘人

涂氏長安里郝碧廷妾年十九廷沒一女在襁褓以柏  
舟自矢初碧廷繼室妒廷疾革時分給產業房屋令  
氏母女相依後繼室以碧廷孫女許字伊前夫之孫  
奪氏所有而予之氏無以自存控諸邑照囑斷給並  
憫其苦節以燕樓媲美四字獎焉

馬氏縣學生李漸妻公姑早逝事祖姑極孝遭流賊劫  
火之後家人散盡氏親操井臼俾夫一意舉業未幾

公安縣志

卷之六

人物 下 列女

二十六

夫沒時氏年二十八撫兩孤子長子與孫嘉兆俱入  
泮苦節四十餘年終

鄒氏縣學生陳士恭妻保昌知縣陳鼎中冢婦壽光知  
縣進士鄒養赤女舉一子早殤年二十三夫故以夫  
弟之子嗣教之入監夫弟沒遺弱女撫而教之如己  
出三孫皆能成立以節終

萬氏縣學生李之楨妾生一子嘉德甫五歲楨沒氏矢  
志孀守教子游泮孫男十二每夜讀書聲琅琅不輟

年七十餘卒 以上舊志

李氏季燦之妻年二十三夫亡姑年七十子未週歲夫目不暝氏泣曰養老撫幼妾俱任之乃暝氏卒踐其言雍正八年旌

李氏監生劉文訓妻年十七于歸五載夫故撫二歲子光前入監初其翁爲盜所迫氏毀粧垢面冒刃救翁得免雍正三年建坊

陳氏饒商六妻年二十八夫亡撫遺腹子姑疾不能飯氏朝夕哺之年餘疾愈苦節三十三年乾隆三年建坊

公安縣志

卷之六

人物 下 列女

二十七

劉氏雷自聲妻年二十六夫亡值吳逆倡亂氏攜子避難流離轉徙不忘教讀守節三十年乾隆三年旌  
李氏孫文炳妻炳幼失怙恃依叔父母以長旣沒氏奉之一如舅姑守節三十餘年乾隆四年建坊

劉氏曷司南妻年二十一夫亡撫繼嗣姑老多病以哭子失明氏朝夕祈禱越二載目有見氏年六十二卒乾隆七年建坊

劉氏長安里曷郢城妻年二十三夫亡無子以姪琦嗣後入監乾隆七年建坊

劉氏毛廷璠妻年二十八夫亡奉公姑育孤子承上就職州同乾隆十三年建坊其媳彭氏亦早寡依姑苦守建有雙節 誥封祠

袁氏朱士林妻年二十八夫亡乾隆四年鄰不戒於火時嫡姑殯於堂氏號泣曰姑柩若焚我當同死俄風反火滅事繼姑盡孝撫嗣子成立守節三十餘年乾隆十七年 旌

王氏司馬應騏妻年十六歸騏六月夫亡舅姑連喪哀慟幾死終身茹素娣姒皆憐而敬之雍正三年 旌

公安縣志

卷之六

人物 下 列女

二十八

冉氏張世貴妻年二十誓死守節孝事公姑教子成立雍正五年 旌

黃氏張韜之妻年二十八夫亡姑年逾七十子甫四月氏奉姑鞠子茹苦完貞乾隆三年 旌

王氏陳開萊妻年二十三夫亡無子氏奉事舅姑撫育繼嗣後三十年嗣子又沒遺孫甫二歲氏復同媳王氏鞠之乾隆三年 旌

唐氏李士敏妻年二十九夫亡姑喪明氏扶持惟謹教子成立守節二十六年卒乾隆五年建坊東港

王氏劉毓珍妻年二十九夫亡氏奉事翁姑鞠育孤子  
乾隆四年 旌

朱氏郭士麟妻年二十九夫亡氏奉姑育子矢守不渝  
乾隆四年 旌

毛氏縣學生范文元妻年二十八夫亡無子氏孝事舅  
姑長齋奉佛乾隆四年 旌

饒氏袁夢松妻年二十七夫亡奉事孀姑教子成名年  
八十無疾端坐而逝乾隆四年 旌

張氏譚佑我妻年二十七夫亡無子撫育繼嗣後嗣子  
公安縣志 卷之六 二十九

人物 下 列女

又亡遺孫僅三月氏復辛苦鞠育乾隆六年 旌

謝氏縣學生曹三省妻年二十五夫亡僅一子九歲而  
夭乃撫繼嗣同姑孀處乾隆六年 旌

周氏陳家璧妻年二十八夫亡孝事公姑未幾公沒與  
姑相依教三子俱成名乾隆七年建坊

陳氏楊僑文妻年十八夫亡家貧子幼氏勤紡績以守  
乾隆七年 旌

汪氏游大連妻年二十三夫亡無子奉事公姑撫育繼  
嗣乾隆七年 旌

程氏劉青遠妻年二十七夫亡奉事舅姑育子成立乾隆七年 旌

張氏嚴世亨妻年二十八夫亡未幾公亦沒氏竭力奉姑撫子乾隆八年 旌

龔氏唐彩嶼妻年十九夫亡無子立嗣以主夫祀乾隆十年 旌

趙氏樊國棟妻年二十六夫亡奉養翁姑課子成立乾隆十三年 旌

劉氏戴世傑妻年十八夫亡無子繼嗣連天備極苦辛

公安縣志

卷之六

人物 下 列女

三十

矢志壽終乾隆十六年 旌

高氏鄧振鷺妻年二十五夫亡撫三子成立守節五十六年卒

王氏鄧傳忠妻年二十四夫亡孝事舅姑嚴課孤子守節五十九年卒

許氏黃家裴妻年二十九夫亡遺二子撫之成立長子維烈娶桑氏五載維烈亡氏復同媳撫幼孫守節四十九年卒

張氏李之宏妻年二十五夫亡奉舅姑撫孤子守節三

十五年卒

陝氏邑庠生陳家煥妻年二十五夫亡孝事孀姑課子勤學守節四十六年卒

周氏陳家祺妻河州知州克友之孫女年十六歸陳二十六夫亡事姑撫子歷節四十七年卒

張氏楊懋煊妻年二十四夫亡遺一子娶婦後子復天乃立繼嗣與媳同守苦節二十九年卒

鞠氏周中烈妻年二十四夫亡奉翁姑撫遺腹子守節二十五年卒

公安縣志

卷之六

人物 下 列女

三十一

周氏鄒莊勗妻年二十六夫亡孝事公姑撫孤成立守節二十九年卒

周氏李開連妻年二十八夫亡守節四十三年卒

王氏蘭逢谷妻年二十四夫亡守節四十四年卒

雷氏陳柱國妻年三十夫亡守節三十五年卒

許氏鄒養成妻年二十四夫亡守節四十一年卒

張氏粟月安妻年二十六夫亡守節三十八年卒

陳氏監生王順德妻年二十九夫亡守節三十四年卒

李氏龔傳紳妻年二十五夫亡守節三十八年卒

樊氏范如山妻年二十六夫亡守節三十七年卒

沈氏鄒莊勉妻年三十夫亡守節三十一年卒

周氏陳楨國妻年二十七夫亡守節三十五年卒

趙氏龔經鎬妻年二十四夫亡守節三十八年卒

李氏熊彬玉妻年二十六夫亡守節三十五年卒

鄢氏李四岳妻年二十三夫亡守節三十七年卒

鄒氏陶承安妻年二十二夫亡守節三十七年卒

龔氏監生馬維容妻年二十四夫亡守節三十四年卒

雷氏陳炳國妻年二十二夫亡守節三十五年卒

公安縣志

卷之六

人物 下 列女

三十一

馬氏鄒莊容妻年二十夫亡守節三十五年卒有司給

額獎之

薛氏竺志仁妻年二十六夫亡守節三十一年卒

蕭氏劉毓英妻年二十七夫亡守節二十九年卒

桑氏黃維烈妻年二十二夫亡守節三十二年卒

鄧氏杜志秩妻年二十四夫亡守節三十一年卒乾隆

時建坊

在舊城  
考棚右

孟氏袁叙政妻年三十夫亡守節二十三年卒

蔣氏朱之岳妻年二十三夫亡守節三十一年卒

楊氏趙完璧妻年二十九夫亡守節二十四年卒

鄒氏袁叙教妻年三十夫亡守節二十二年卒

尚氏監生李嘉祿妻年二十夫亡守節三十一年卒

陳氏田遇世妻年二十七夫亡守節二十五年卒

尚氏生員鄒莊楚妻年二十五夫亡守節二十六年卒

以上係  
府志

辛氏大同守備冉祚瑞之母繼姑有風痺疾氏扶持勤  
至既而姑患他疾將死復嘗糞以驗差劇奉事七年  
如一日康熙閒 誥封宜人

### 公安縣志

### 卷之六

人物 下 列女

三十三

黃妙金妙銀天啟閒鄉民黃柏之女因父無嗣矢志不  
嫁紡績養親皆年逾七十卒

龔氏尚岱望妻崇禎末賊至欲犯之抗志不屈死子庠  
生修儀媳劉氏見姑殞命抱持痛哭且大罵亦死於  
姑傍賊嘆息而去

蔡氏鄧楚賢妻年二十四而寡子四歲越十六年子亡  
撫幼孤備歷艱辛崇禎末氏遭賊掠自縊康熙初有  
司 賜以額

李氏府學生伍遠妻年二十八夫亡守節三十年牛里

伍家廠坊表尙存

毛氏州同嵩履直妻年二十八夫故子甫五月姑逾六旬奉姑教子循分守節嘉慶六年建坊

王氏貢生龍學澄妻年二十八夫故撫幼子濬後就職州同亦中年沒源楷納言兩孫俱幼復與孀媳張氏熊氏撫之成立楷就職從九言縣學生氏樂施予武侯垵堤潰眾無力修復氏捐數百緡堵築知縣盛濂卸任宦囊空虛氏以父母官命子出五百金贈之梓里貧乏者周卹甚眾卒年八十六道光二年學憲楊

公安縣志

卷之六

人物 下 列女

三十四

賜額同治四年撫憲嚴 咨請建坊

陳氏魯陂里朱儒楹妻年廿一夫故遺子雲照僅八月氏撫子完貞嘉慶九年建坊 誥封安人孫奶塚理問廳曾孫薰縣學生

吳氏監生彭世祿妻年二十一夫亡子光元幼氏督責頗嚴守節三十九年後光元入監孫先庚入泮道光八年學憲王 賜額

余氏儒士朱有年妻年二十夫故以夫兄鳳年次子兆烜嗣氏於嫂楊氏常敬愛之嫂曰娣何愛吾之甚余

曰嫂止一子兆烜所鍾愛者而割愛以母吾吾敢忘  
嫂之德後烜就職訓導咸豐六年學使馮 獎以柏  
舟貽訓額咸豐十一年 旌七十八歲卒

龍氏廩生龍調元女監生譚世熊妻年二十四熊故無  
出撫夫兄庠生世勳子爲嗣時歲饑家貧父兄欲令  
他適氏對天誓志終身不歸省幼讀書能詩著有雪  
窗吟藁沒於水其警句云茶葉連根苦梅花透骨清  
積善終能大門戶安貧便是好兒孫孫二曾孫四長  
光斗辛亥鄉薦咸豐十一年詳請 旌表

公安縣志

卷之六

人物 下 列女

三十五

羅氏儒士杜興烈妻訓導宜詩之母年二十七夫故時  
長子詩三齡次子章甫六月人咸爲氏危卒能撫詩  
成名章克家詩屢欲表揚以慰苦節氏曰守節分內  
事也何名爲尋以同學呈請學使馮 獎以貞孝女  
宗中丞胡 獎以巾幗完人咸豐十年入告獲邀  
旌典邑舉人譚光斗贈句九天丹詔輝彤管卅載幽  
光透紫垣蓋不勝慶幸也並向其師枝江知縣朱錫  
綬詳述其事朱公賦五古寄贈  
半湖清且漣麝山馨未已中有百丈松巖霜詎爲靡

峩峩昭諫家禮法備姆氏來歸浣花堂思振鳴珂里  
何圖別鵠彈空嗟溟鷗徙身託慈竹生心隨井波死  
文犀掩鏡匳金翠捐塵笥淚痕枯畫荻燈影柔爰倚  
繫卜王翰鄰俾成杜華子壘簾雅曲調蜚序英聲起  
茹蘖卅年甘松筠四時美喪祭哀且誠酒漿淡彌旨  
况復卹孤寒庶幾恭桑梓麥舟古所難巾幗乃如此  
璇題綽楔光闡德雲初紀小言綴家乘獨行補詩史褒  
揚無溢辭請視荆江水

樊氏謝金華之室年十八于歸三載夫故子盛泰甫五

公安縣志

卷之六

人物 下 列女

三十六

月稍長訓之最嚴每至夫忌日必泣諭曰此而父與  
我永訣日也汝克有成庶幾可對而父子後入監旋  
沒撫孫性孝成立氏身歷多故中年失明至八旬頓  
炯然如少年時復自笑曰天開此老眼以見吾夫於  
地下也越三年卒曾孫龍光呈請建坊同治三年  
旌

潘氏張家棟妻年二十五夫故甘貧撫子守節二十三  
年卒同治六年 旌

劉氏儒士高荆南妻年二十二夫故守節四十年建坊

葉氏沈宏緒妾年廿七守節八十餘卒前憲李 賜額  
樊氏范文章妻青年矢志子國璽縣學生乾隆十八年  
府憲張 旌表

王氏儒士晏明良妻良豪於貲沒時氏年二十四遺二  
女遭家不造歷二十餘載始以夫從弟明椿子啟濤  
嗣咸豐九年 題請建坊七十六歲卒邑選拔李澤  
濤贊曰天胡爲而柱折地胡爲而維缺天荒地老有  
摧殘只未亡人心似鐵

張氏邑城儒生蕭前珏妻年二十五夫故僅一女珏臨

公安縣志

卷之六

人物 下 列傳

三十七

訣時以家貧無子令氏自爲計氏泣指懷中女曰若  
非君之門楣乎脫得佳壻君祀延妾志遂矣他何慮  
後贅業緒就職縣丞同治二年 題請建坊

沈氏邑城儒士李盛源妻年二十七夫故家貧養老字  
孤迄今年逾六旬笑言不苟咸豐十一年撫憲胡  
題請建坊

王氏儒士鄒敬典妻于歸四年夫故越十七日氏自剄  
方其垂歿也喘息囑夫弟簡堂曰余於乃兄義不獨  
生祖宗之祀乃兄之嗣惟叔是賴邑大史毛業溥聞

而贊之曰此巾幗中烈士也使彼不爲婦人天下豈復有奇男子哉乃死計已決猶遲以十餘日慷慨之中仍有從容之致至不惜其身之死而獨念其夫之祀非所謂能見其大者歟乾隆間建坊載省志嗣子振讓廩貢選黃梅訓導孫美中廩生曾孫崇泗廩貢生崇漢丙午解元

易氏特邱里易秉恒女甘鍾仁妻年十九于歸翁病氏刲股療愈嗣以不得於繼姑見棄秉恒憐其無罪擬再醮氏聞之投河遇救旋於夜分自縊邑訓導杜宜

公安縣志

卷之六

人物 下 列女

三十八

詩等據情稟請前知縣徐步雲批云條不干乎七出緣忍斷於三生自知若翁卽吾翁菽水何妨嚙臂弗因不慈而不孝糟糠尙願承顏天還待補並非謂夫也不良月可重圓豈敢望父兮生我是以柔情欲斷語未聞姑惡之聲血淚旣枯身竟化女貞之木其心愈苦其死彌甘氏志節已昭著矣旋經撫憲胡採訪

題 旌

趙氏儒士趙璧之女增生陳善之媳翁沒其夫蕩盡家貲逼氏再醮氏旣慟翁姑之不祀又懼弱質之難全

於是棄二幼女服毒死時年纔二十有三同治四年  
詳請建坊教諭王慰看語云節取乎直直以曲致婦  
取乎順順以逆成當生若死雖死猶生節而兼烈巾  
幘畸人

龐氏儒士鄒崇瀛妻年二十一而寡以夫從弟舉人崇  
漢之子高煒嗣守節三十五年其娣牟氏崇濂妻十  
七而寡以夫從弟崇洲子高垣嗣守節三十年一門  
之內冰霜共勵二氏皆監生積中媳也積性仁厚而  
子皆蚤喪有媳若此積日暝矣龐氏同治十年咨

公安縣志

卷之六

人物 下 列女

三十九

部建坊高煒食餼高垣貢生

汪氏陳緯國妻年二十五夫故守節五十年乾隆二十  
九年建坊

司馬氏牟芹來妻年二十八寡子作玠甫二歲作琳纔  
週歲家貧苦守督兒誦讀紡聲不輟書聲不敢住後  
作玠補郡增生氏七十八歲卒乾隆三十四年學憲  
戴 賜以歐荻柳丸額

陳氏廖解里司馬光海妻無出妾舉一子名盛學年二  
十餘姑與妾繼逝撫子成立未幾子亦沒無孫與媳

袁氏相依苦守乾隆三十七年學憲邊 賜額

王氏監生梅正茂妻年十七守節乾隆時 旌

易氏按察使照磨甘鳴岐妻年三十夫沒氏屢歷艱險  
終始一節夫弟監生鳴先後數年亦沒與娣婦易氏  
兩寡相依撫子受和成附貢兼承二祧七十四歲卒  
娣婦現年七十餘同治十一年 旌

雷氏沈永貴妻年廿一守節七十四卒前憲李 賜額

韓氏李應綺妻年二十于歸逾年綺亡以姪世棟嗣弱

冠爲縣學生嘉慶七年學憲茹 賜額

公安縣志

卷之六

人物 下 列女

四十

陳氏東村里周汝明妻年二十八夫故矢志守貞卒年

六十七歲嘉慶十三年學憲涂 賜額次子仕燮入

庠

關氏彭修業祖母少寡而貧撫子娶媳方抱孫而子亡  
媳爲母家奪志遺孫修業哺乳無人氏割豕肉爲片  
曝乾熟嚼而食之孫善病氏日夕呼天迄就外傳憑  
縫襪以供束修嘗雪夜讀偶倦氏泣曰汝少孤祖若  
父四目炯炯從泉下望且訶且泣且縫達旦矣修業  
後爲府學生嘉慶十六年學憲鮑 獎以貞壽慈徽

額

陳氏章正禮妻年二十守節嘉慶二十二年學憲沈  
賜額

程氏高傳瑛妻年二十守節六十餘歲卒嘉慶二十二  
年學憲沈 賜額

甘氏縣學生陝身仁妻仁隨父尙舉鄉試沒於省氏年  
二十七養老字孤甘心苦節嘉慶時學憲 賜額

鄧氏西辛里貢生羅才標妻年二十一標沒守節三十  
七年嘉慶廿二年學憲沈 賜額監生光先其子也

公安縣志

卷之六

人物 下 列女

四十一

鄧氏歐陽家和妻年二十一夫亡守節嘉慶二十五年  
學憲楊 賜額

高氏陳士智妻年二十四夫亡苦節四十六年卒道光  
二年學憲李 賜額家建祠祀焉

吳氏儒士易鴻範妻年十八于歸三十夫故撫七歲子  
顯槐後入監孫德光國光珩光俱入監楚光把總曾  
孫秉仁元孫體元俱縣學生年七十八卒道光二年  
學憲李 賜額

劉氏千總晏光珏妻年二十九夫沒守節道光八年學

憲許王均 獎以額卒年九十一子明鎮監生承烈訓  
導孫曙鑾訓導曙奎廩生曙泉庠生

陳氏王國臣妻年二十七夫故國臣原江陵人遷邑之  
平樂里內外無強近親氏艱貞自矢教子士富入監  
孫化隆曾孫植森俱入泮九十三歲卒道光時學憲  
王 賜額咸豐十年 旌

沈氏監生雷開子妻年二十九夫故氏撫二子獻莘獻  
荃國學生荃娶龔氏未數月荃卒龔年甫十八沈以  
莘長子洪勳次洪煦爲之嗣當是時沈視龔若子龔

公安縣志

卷之六

人物 下 列女

四十一

倚沈爲命姑媳完貞厥後勳爲附貢煦入國子監則  
姑媳守貞之報也道光丙戌 旌學憲王 賜以兩  
世清操額

陳氏監生楊澤浩妻年二十八夫故矢志不渝撫長子  
曰嵩孫維學俱入監曾孫西序貢生國棟國楨俱武  
生道光丙戌學憲王 賜額

傅氏特邱里高傳沅妻年二十六夫故家貧無子撫夫  
弟爲娶婦生子炳忠嗣之守節五十五年道光丙辰  
學憲王 賜額

張氏尚同級妻年二十八夫亡以姪監生履興嗣守節  
四十七年道光戊子學憲王 賜額監生泰璧邑庠  
訓典其孫也

趙氏大光里杜宜俊妻年二十夫故子幼姑瞽家貧恒  
忍飢以奉姑撫子苦節三十年卒道光戊子學憲王  
賜額

鄒氏儒士沈獻璧妻年二十一夫故子廷秀甫數月姑  
年近八旬奉姑鞠子守節六十年道光丙戌學憲王  
賜額

公安縣志

卷之六

人物 下 列女

四十三

崔氏蘇澤霽妻夫沒氏年二十二侍祖姑及姑病刲臂  
以救守節六十一年道光丙戌學憲王 賜額

張氏汪世勳妻勳沒氏方二十餘矢志孀守姑病刲臂  
啖之愈次媳陳氏遠輝妻亦以節著姑張氏病亦刲  
臂啖之學憲王 賜額

羅氏甘誠中之妻年二十九夫沒氏守節八十三歲卒  
學憲王 賜額

成氏甘開揚妻年二十六夫故後其子弱冠亦亡氏守  
節數十年卒學憲王 賜額

洪氏尚同亮妻年二十七夫故家貧子幼矢志以終學

憲王 賜額

張氏鄒宣讓妻年廿八守節六十九歲卒學憲王給額

劉氏毛業邃妻年三十夫亡守節二十六年卒學憲王

給額

嚴氏朱克聖妻年二十守節以節終學憲王 給額

王氏陳代任妻年二十二夫故撫遺腹子昌友友生子

長忠德次忠饋監生饋子潤章增生道光八年學憲

王 賜額年八十三卒

公安縣志

卷之六

人物 下 列女

四十四

鄒氏朱初垣妻年二十二守節以節終學憲王 給額

楊氏許正顯妻年二十三守節以節終學憲王 給額

朱氏龔家輝妻年二十五守節以節終學憲王 給額

易氏薛敏學妻年二十六夫亡撫遺腹子成泰苦節四

十三年道光六年學憲王 賜額

張氏蘇夢誥妻年二十七守節同媳田氏俱以節終學

憲王 給額

林氏劉宗典妻年二十九守節以節終學憲王 給額

徐氏汪相鼎妻年二十八生一子佐峻三十孀守撫孤

成立學憲王 賜額

何氏袁遵進妻年十八守節以節終道光十年學憲許  
賜額

田氏儒士袁前璠妻年二十五夫故撫子憲礪娶媳田  
氏子復故時媳年二十四姑守節四十七年媳守節  
三十三年同治五年前縣袁詳請雙 旌

何氏蕭禮達妻年二十而寡子智性甫週歲氏撫子完  
娶二載子沒媳杜氏事寡姑撫子信誠成貢生道光  
十二年學憲吳 賜額

公安縣志

卷之六

人物 下 列女

四十五

鄒氏易顯德妻監生易光連母年三十夫沒連甫六歲  
忍死撫孤年五十卒道光十二年學憲吳 賜額

鄭氏武昌人訓導鄒振讓側室侍振時年十九三年振  
沒閱二載其兄迎至家微諷之氏急買舟回指漢江  
曰吾不復渡此矣與兄絕者三十年道光十六年學  
憲朱 給額

王氏張卓行妻年二十九守節七十六歲卒道光二十  
年學憲朱 賜額

毛氏監生陳昌極妻極病刲股進之愈越二載極沒氏

年二十八守節年七十六卒學憲朱 賜額

鄧氏黃光天妻年二十二夫故矢志撫嗣子事公姑並

祖公姑年七十七無疾而終道光己酉學憲龍 賜

額 徐氏 牟振芳妻年廿四守節撫子治忠治

雷氏熊先貴妻年十九夫故誓守翁年九十病危刲臂

進之愈咸豐九年學憲俞 賜額

李氏司馬維定妻年二十八夫故守節三十六年卒邑

侯 賜額

李氏州同劉雲衢妻守節四十載卒逾七十道光二十

公安縣志

卷之六

人物 下 列女

四十六

五年學憲王 賜額

王氏白湖里陳家鰲妻年二十夫亡子盛楚甫二歲氏

矢志撫之少不率教未嘗寬貸由是克守先業就職

衛守備同治四年學憲孫 賜額現年六十有二

邱氏州司馬鄒敬恭之妻姑陳氏患目疾而眇氏瓣香

潛禱未卽痊乃刲臂勸餐立愈姑歿事乃著緘默數

十年不忍一言以傷姑心學憲邊奏請 旌入省志

卒年八十有二

羅氏陝以明妻年三十夫故姑疾氏刲臂和羹以進以

草根貼治臂痕姑媳俱安邑侯 賜額

鄒氏縣學生司馬登甲妻祖翁千總盛桂病篤割股救

愈咸豐七年學憲馮 給至孝難能額

張氏州同朱克平妻刲股救姑府憲張 賜額

彭氏劉文煥妻刲股救翁學憲馮 賜額

鄭氏監生高壯勲妻勲就外傅氏侍姑疾不懈刲股和

藥進之愈學憲王 賜額

甘氏袁前桓妻年十八于歸性至孝繼姑病卧月餘不

起氏割股和藥以進愈學憲王 獎以天鑒誠孝額

公安縣志

卷之六

人物 下 列女

四十七

劉氏樂平里田能剛妻夫亡守節以終道光戊午學憲

王 獎額

蕭氏龍學珍妻年二十夫亡子淵煜幼家極貧紡績奉

舅姑道光年間 旌

魏氏陳寅厚妻寅故氏年二十二矢志守節道光年間

學憲朱 賜額現年六十有五

司馬氏侯補齋奏廳易盛光妻年二十九守節五十四

歲卒子秉基貢生次秉堅監生三秉型同治十一年

旌

袁氏楊乘標妻年二十八守節現年六十三歲同治五年旌

胡氏貢生羅才柱妻學憲王 獎以儒門淑節額

席氏國學生羅才珩母學憲王 獎以節孝可風額

毛貞女司馬有泰聘室未婚泰沒女年二十二親製素

服往臨憑棺慟極誓以身殉後立姪爲子五十年如

一日前知縣鳳 賜苦心守貞額知縣張 賜松筠

冰霜額知縣施詳入省志嘉慶十四年建坊

鄒貞女舉人鄒敬謨女字湖南安鄉縣羅山親迎有日

## 公安縣志

### 卷之六

人物 下 列女

四十八

羅疾革女聞悲悼母詰之則云願往侍疾詣羅甫二日羅沒女曰予未亡人也何生爲但以有兩白首在他日謀所以嗣之可報夫子於九原矣柏舟自誓事兩幃數十年如一日安鄉士民建烈女橋故址尙存張貞女江陵舉人張之曙季女女讀書明大義許字邑庠生李向春長子世樸年十四墮溺於江時女父已故母與兄將另議婚女恚曰兒李氏人也止知守父之前言不敢從母之後命母知其志不可奪擇日歸李氏後以叔世極子爲嗣子慧甚四五歲時氏口授

詩句悉能背誦無何以疾殤痛極與子偕亡卒年三十世極就墓後立祠祀之道光癸未學憲李 獎以蘭閨蘊璞額邑人士爭爲之誄知縣太史陸炯賦詩贈之

一摘葵葉落再摘葵葉稀葵葉泣朝露清淚夾沾衣  
雙鸞未成羽一鸞已孤飛江北望江南東流不復西  
堅心逾金石不使慈幃知阿兄窺其意勸母託微詞  
上堂啟阿母父書熟兒時此身已許人生死以爲期  
有志難相強嫁娶不須提古鏡歸半面半面知不知

公安縣志

卷之六

人物 下 列女

四十九

是日三月初江豚隨風吹素衣及冰泮天色慘悽悽  
風息波如掌精氣足感之居然修婦禮見者雜喜悲  
二十有餘載井臼苦操持輜軒採軼事蘊璞錫蘭閨  
撫姪爲己子揚烏忽又摧嗟哉命不辰九原得依歸  
吾來學製錦見聞悔已遲聊爲貞女吟起立增歎歎  
諸生紛歌詠貞珉勒崇祠寒泉薦秋菊再拜仰芳徽  
楊貞女監生楊德恕女許字舉人袁潤長子未婚而袁  
沒訃至女往弔慟不欲生父母憐其少欲諭解之相  
見必涕泣不能開口長齋五十一年卒後學憲 賜

額獎之

陳貞女白湖里劉漢斌聘室未成禮而斌亡女泣求往弔遂不歸奉公姑撫從子卒年四十乾隆間賜額  
毛貞女縣學生毛承祜女舉人毛維煥孫女幼許字松滋監生伍翼權子燧後翁捐館燧且夭女未于歸訃至女聞號泣蒙頭卧氣絕母救之甦詰其志泣曰求往伍宅一弔及往誓奉姑以終姑憐愛之相依五載姑又病且革遺季子纔六歲以付氏曰伍氏祇此一綫幸汝植之我當告之忠襄祖公於地下氏泣受命

公安縣志

卷之六

人物 下 列女

五十

撫之成立嗟乎衣冠僞道學往往改顏事仇至於幽閨少寡若毛貞女者無一日之伉儷矢百年之艱貞以不忍成其堅忍發世人無限惻憶羞惡之心不可以懸日月而泣鬼神也哉 舊志

汪貞女年五歲許字陳士溘將嫁溘沒女聞悲號因請於父母之夫家行服遂不歸越五載父母憐其無依潛許配秦氏子女聞剪髮毀面誓不生事乃寢後立夫從子爲嗣茹荼飲泣三十餘載如一日

王貞女許字張應選未婚應選入蜀貿易三十餘年無

音問女矢志依母以居與舅姑比鄰凡舅姑生養死葬女皆肩之行三年服無笑容

王貞女乾隆時人葬板橋西塋地約畝許縣學生杜必清爲之立石至今稱其地爲老女碑

馬貞女馬有鼎之女許字汪姓注遷鄖陽縣頻年催其回籍未果母欲奪志不允守貞至三十七歲卒葬馬家橋建有烈女碑記

彭貞女彭文龍女許字陳顯廷廷十歲而殞女泣求往弔視殮畢曰此我家也父母迫之歸有議婚者則向

公安縣志

卷之六

人物 下 列女

五十一

隅哭憤鬱而病沒時囑其父母合葬壻墓弗聽一夕陳父母夢女請歸葬明日彭人至夢亦如之遂合葬焉

陳貞女郭明善繼聘未婚而善沒女至郭家事公姑撫前子篤志守貞有微諷之者女正色曰女子不再字斯言胡至於我哉卒不渝

蕭貞女西辛里廩生蕭銘炎女許字王崇鑾鑾沒塾中女誓不再字素服三載而亡

蕭貞女魯陂里蕭知原女許字王姓及請期女忽病羣

醫均云不起王遂婚他姓後病愈聞之憾曰渠何忍遽死我乎立焚奩資誓依母家以終年七十二卒李烈女兄嫂偶外出獨浴室中鄰人葉某至其室欲犯之女大聲詈罵乃逸後兄歸女訴知其事遂自縊有司捕葉置於法乾隆十九年 旌

沈烈女邑庠生沈宏謨孫女許字張姓有戚楊某欺女父仰占懦驀受某聘貲嘉慶丙寅張親迎有日矣楊乃嗾某誣仰占悔婚控於邑並率眾刦女女匿得免忿恚不食或勸之女曰吾父在家猶啞啞一經庭訊

公安縣志

卷之六

人物 下 列女

五十一

胡能自明且吾以深閨處子蹀躞公堂千人共覩辱莫甚遂投水死時知縣任郿佑審得實寘楊於法餘黨論如律題其碣曰烈女沈五姑之墓

司馬烈女監生司馬尙德女幼與陳氏訂盟及于歸有亡賴子劉突以先聘爭乘夜執火入室女辟匿刦母與兄去女悲憤絕食三日自縊鳴諸邑寘劉於法蘇烈女西辛里蘇裕德女許字陳懋榮兩姓操舟爲業年已及笄同泊涂郭巷數日榮沒女設位哭奠寢食俱廢父母憐之侵晨視女已作蠟磯就義矣因葬榮

墓側前知縣李楫誌其碣曰蘇烈女之墓

熊氏監生雷文進妻進沒子哲獻甫二歲氏撫成立僅一孫洪潤甫一歲而哲亦沒與媳王氏相依孀守咸豐七年學憲賈 賜額

陳氏薛純學妻年二十九夫沒氏撫子苦守年九十四  
司馬氏牟士鐘妻年二十七夫故守節五十年子縣學生有倫妻袁氏年二十六倫故守節五十一年倫子  
昭來妻雷氏年二十四昭故守節四十八年

鄒氏文承偉妻年二十夫亡姑患廢疾喪明氏扶持四

公安縣志

卷之六

人物 下 列女

五十三

十餘年不少懈事庶姑以孝聞教子成立年七十九  
歲卒

姚氏鄒諫毅妻年二十一生一女夫亡家貧翁姑卒無力殯葬鄰族助焉夫弟尙幼殷勤撫之後夫弟亦卒  
依壻以節終年五十四

伍氏鄒莊琴妻年二十一夫亡事翁姑撫繼嗣翁姑相繼喪辛苦營葬以哭泣過哀尋卒苦節二十四年  
羅氏縣學生鄒毅暹妻年二十一夫亡奉翁姑撫孤子沒遺孫二復同媳鄭氏撫之守節四十年卒

李氏文前武妻年二十五守節以節終

李氏侯宗士妻年十九夫亡無子守制三年有諷以再

醮者氏遂自縊

毛氏鄭登鰲妻年二十二夫亡守節四十四年卒

張氏田汝榮妻年二十七夫亡守節四十二年卒

祝氏邱生赤妻年二十八夫亡守節三十六年卒

涂氏文昌緒妻年二十五夫亡守節三十五年卒

沈氏侯學敏妻夫故時氏年二十七守節三十一年道

光五年學憲李旌

公安縣志

卷之六

人物 下 列女

五十四

張氏朱衍宗妻年二十二夫亡守節三十一年沒

易氏楊先明妻年十九夫亡守節三十年沒

曹氏王文鳳妻年二十夫亡守節五十三年沒

田氏楊大陽妻年二十六夫亡守節四十六年沒

袁氏田燕妻年二十四夫亡守節四十五年沒

羅氏馬恒紱妻年二十夫亡守節四十二年沒

馬氏鄒莊勅妻年二十五夫亡守節三十年沒

王氏監生薛文紀妻年二十四夫亡守節三十八年沒

張氏冉惠士妻年二十七夫亡守節三十二年沒

張氏楊俊儒妻年二十八夫亡守節三十年沒

成氏毆陽正邦妻年二十六夫亡守節三十一年沒

王氏馬維堦妻年二十一夫亡守節三十年沒

許氏唐官爵妻年二十五夫亡守節二十五年沒

田氏龔經人妻年二十二夫亡守節二十八年沒

彭氏陳國語妻年二十一夫亡守節二十九年沒

金氏呂宏釗妻年二十九夫亡守節二十一年沒

袁氏李學恕妻年十八夫亡守節三十年沒

徐氏監生文偉明妻年二十三夫亡守節二十六年沒

公安縣志

卷之六

人物 下 列女

五十五

張氏刀環里林日窳妻年十六于歸後八載忽墻屋傾

圯翁姑夫俱斃氏苦撫子家計稍紓諸孫林立卒年

八十有四

劉氏張貽槐妻年二十六夫亡矢志六十餘載季子訓

溥府學生孫敦恒敦曄歲貢曾孫德瑜縣學生

何氏平樂里田昭曠妻年二十九夫故孀守喜讀向太

史文集善諷詠號所居曰晚翠軒長子汝偉遊泮志

喜云乞取幽蘭手自栽王凝有子采芹回廣寒宮裏

丹枝好勉襲天香入卷來咏梅云映水枝橫孤月影

當窗雪牘一天寒他警句甚多其曾孫生員國熾往往誦之

吳氏平樂里王承珏妻年二十二夫亡家貧乞米奉姑撫子守節七十七歲卒

李氏司馬德璋妻舉人李也白之曾孫女姑韋氏病三年餘氏侍牀褥日濯穢污姑謂曰汝事我如此願汝媳皆似汝則余死瞑目矣後媳李氏果相肖焉

馬氏熊永泰妻年十六于歸匝月夫外出積年無著有議以改適者歸母家自經而亡

公安縣志

卷之六

人物 下 列女

五十六

喻氏喻遠鵬季女年十七適張姓道光己酉竒荒訛傳其夫有更嫁事氏聞之投水死

楊氏邑城李祥炳妻咸豐辛亥竒荒隨夫至斛湖堤告貸無出炳欲自盡令氏再醮謀生氏曰君死妾何忍獨生遂俱投江死

司馬氏儒士鄒友讓妻于歸甫一載夫沒撫嗣子兌中生一孫亦不育苦節以終

劉氏魯陂里魏順綱妻年二十九夫亡家貧止一女以姪成孝嗣未幾子沒曰此身已矣飲憾而卒

司馬氏袁廷樞妻年二十四守節六十歲卒

甘氏鄒鈞中妻年十九鈞亡撫遺腹子崇璋並撫夫所  
囑嗣子崇續無異己出翁早世事姑極孝五十五歲  
卒

胡氏丁光綸妻年二十守節五十二歲卒

喻氏沈田玉妻年十八于歸二十二夫故生二子一文  
其一子遺腹生道光壬辰竒荒兩叔逃亡氏每得少  
許米以奉瞽翁及子女己則專啖菜根後二叔歸翁  
就叔養常以拂意恒悒悒氏復迎歸翁卒殯葬皆如

公安縣志

卷之六

人物 下 列女

五十七

禮

陳氏監生易馥光妻年三十夫亡守節禮法自持子女  
婚嫁籌畫無遺策現年八十猶健長子秉經從九

吳氏袁大彥妻年二十五夫亡守節七十七歲卒

鄒氏易光泗妻年二十一夫亡撫二子未幾天以姪秉  
鈐嗣鈐復亡撫孫成立六十八歲卒

李氏袁大明妻年二十九夫亡守節二十年卒

張氏袁大昭妻年二十四夫亡止一女復夭以姪嗣五  
十三歲卒

李氏王應連妻年十七于歸生子一女二連卒家壁立  
得母家經營始成葬後遇堤潰氏抱兒立水中時有  
鄰船呼與暫避氏曰我寡婦也而上若船乎其清潔  
如此苦節三十載卒

熊氏雷獻穎妻年二十四守節三十九年卒

吳氏易秉滙妻年二十夫亡無子以姪繩忠嗣繩復亡  
撫孫元善爲經理焉現年五十餘歲

羅氏安鄉舉人羅才銳女邑陝仁鎧妻年二十九夫沒  
翁姑繼逝撫子炳南入邑庠道光壬辰病疫氏死二

公安縣志

卷之六

人物 下 列女

五十八

日復甦言冥吏相迎延壽二紀至咸豐乙卯卒其言  
驗

司馬氏袁立錦妻年二十八夫亡無子親支兩房各立  
一子爲嗣六十八歲卒

張氏儒士談宏椿妻年二十夫亡守志孝養公姑教育  
孤子現年五十餘

楊氏袁立初妻年三十守節七十八歲卒

陳氏安鄉人赴陂里文宏琳妻琳少孤而瘖氏年十九  
夫亡祖母李氏以節孝蒙旌氏撫子恢章成立卒

年七十三兩世著節人咸稱之

杜氏賀多志妻夫沒時氏年二十四矢志苦守現年六十歲

李氏廖解里袁時惕妻年二十五夫沒無子以夫衣一襲懸於牀頭朝夕對之流涕有慰以節哀者氏泣曰吾爲夫守靈三年後吾自有以處吾身者及服闋時一夕暴卒

毛氏陳毓源妻年二十八夫故矢志苦守六十八歲卒

李氏宗異李永寬妻年廿九守節七十一歲卒子培榮芝

公安縣志

卷之六

人物下列女

五十九

王氏司馬德蘭妻年三十夫亡貧甚依母家紡績撫三子成立六十三歲卒

田氏袁憲祖妻年十九于歸時祖病甚扶以合香越三日沒氏母家令改適厲志守節終身不歸省

李氏袁立章妻陳氏立恒妻陳氏立貞妻皆曲阜知縣袁廷翮孫媳章沒李年二十四撫嗣子守節十五年卒兩陳氏俱二十九而寡恒妻守節四十六年卒貞妻守節現已四十八年貞次子文蔚妻侯氏年二十四守節今已三十五年蔚子映東生員

羅氏陳毓川妻年三十守節七十三歲卒

王氏程正官妻年二十三守節以節終

江氏州同王遠詔妾年二十六夫沒嫡室黃氏生子紹

珏而黃卒汪撫之爲娶鄭氏生子述濤甫五月而鄭

卒珏妾陳氏年廿四珏卒與汪苦守濤子瑞芝瑞麟

均生員汪守節三十八年卒陳守節十七年卒

李氏邱于純妻年二十八夫亡無子幼叔甫八歲撫之

成立卒年五十九

嚴氏王鉞國妻年二十二夫亡守節三十二年卒

公安縣志

卷之六

人物 下 列女

六十

李氏龍著明妻年二十一夫亡守節現年七十九

熊氏伍化久妻伍入贅數載沒氏年二十二歸伍家僅

一女而殤乃立伍姓子承嗣後子死媳醮復撫八月

孤孫迄於完娶年八十五卒

鄒氏龐良連妻年二十三夫亡撫子才賢成立守節七

十二歲卒

涂氏歐陽正文妻年二十五夫故撫子傳貴守節六十

七歲卒

陳氏趙先發妻年二十七發疾革執氏手詰之曰家貧

子幼汝將若何氏曰守而已守而子得成立妾職盡萬一不虞將從君於地下耳貧何害矢志四十九年卒孫枝林立

胡氏長安里人字吳文貴長子吳子病背僂恐誤女力退婚女不許及于歸吳子病革扶以合香未一月而吳沒翁姑令改適氏以死誓乃爲立嗣六十餘歲卒侯氏楊先肇妻年二十八夫亡遺一子苦撫成立年七十九卒

鄒氏陳仁厚妻年二十五守節六十一歲卒

公安縣志

卷之六

人物 下 列女

六十一

鄒氏楊學乾妻生員開謙之母年二十四守節七十有六卒

胡氏喻遠岫妻年十九夫亡撫嗣子光揚娶媳馬氏甫三年揚亦亡僅生一女同房謀產者逼姑媳改節戶長喻鶴松力阻之爲氏立嗣孫氏現年六十六馬氏亦四十有九姑媳苦守人共憐之

龔氏袁時育妻年二十八而寡卣氏時祥妻年二十而寡蕭氏時瑞妻年二十六而寡皆袁憲武媳也俱以節終龔生一子名勤貴卣與蕭無出俱以夫兄子爲

嗣

朱氏蕭忠清妻年二十一守節七十歲卒

聶氏袁文榜妻年二十七夫亡無子以姪爲嗣六十九

歲卒

趙氏范植璜妻年十九夫亡無子以夫兄子承嗣七十

一歲卒

沈氏王纘典妻年三十夫故孀姑卧病數年牀第污穢

氏日滌之無難色六十三歲卒其子受福訓導長孫

鑿生員

公安縣志

卷之六

人物 下 列女

六十一

高氏武生彭昌俊妻年二十六夫故生三子僅存季子

中典後入監年八十五卒孫先甲郡庠生照南武生

曾孫祖海監生

王氏李同方妻年二十五夫故以節終孫郡庠生懋信

爲建坊於廣濟橋東

盛氏李世標妻年二十五守節八十歲卒

胡氏陳英安妻年二十七夫亡氏撫弱子娶後復亡育

孤孫以成媳節七十七歲卒

陳氏李文熾妻年二十七守節六十七歲卒

張氏王後寬妻年廿六夫亡氏無子撫第三妾子嗣美如己出年五十卒嗣美監生

毛氏羅良貴妻年二十九守節現年六十

鞠氏楊紹祖妻年二十六夫亡撫子先炳矢志不移六十歲卒

司馬氏牟作恭妻年二十七夫亡事孀姑孝矢志撫孤孤沒又撫遺孫成立姑與氏俱年七十卒

潘氏陳宗良妻年二十五守節三十五歲卒

朱氏李名之妻年二十一守節八十歲卒進士洪鐘贊

公安縣志

卷之六

人物 下 列女

六十三

云幼嫺母訓長習婦工年甫十八于歸李門廿有一歲生子楚莊是年夫故自稱未亡母欲奪志日夜號哭諸姪競強伯叔嫉妒家窘績麻杜門不出壽享耄齡井波同沒

鄧氏李經武妻年二十六夫亡撫子濟遠守節七十一

歲卒 杜氏 李祥燾妻年廿六矢志撫孤現年五十六

陳氏蘇傳雲妻年二十三夫亡以姪家鼎爲嗣事叔公姑孝現年七十

魏氏夏國榮妻年二十七守節現年七十一

劉氏監生蘇作春妻性慈祥鄰有困乏者常勸夫卹之  
雷井口募建橋需數百緡勸夫獨任踰年生子因名  
橋生夫沒氏年二十九守志四十五年卒

林氏劉紹昆妻年二十夫亡子幼家貧既而子喪歲大  
稔有勸之改適者氏曰失節而生不如守節而死竟  
以餓卒

雷氏袁立定妻年二十六守節五十五歲卒

劉氏李文煜妻年二十五守節現年八十八

袁氏朱初垣妻舉人袁潤之女年二十于歸夫亡以夫

公安縣志

卷之六

人物 下 列女

六十四

兄子祈鑄爲嗣七十六歲卒

陳氏王學海妻年二十八守節現年八十六

游氏王世盛妻年二十夫沒止一子家窘甚後子沒以

憂慮卒守節三十九年

朱氏唐光宗妻年十六于歸生一子夫沒氏年二十二

家貧又屢值歲饑辛苦萬狀而志終不屈守節五十

九歲卒

黃氏黃盛文妻年十七矢志以節終

陳氏武舉張傳甲妻年二十七守志以節終

曹氏楊學浦妻年二十七夫亡撫孤成家八十二歲卒  
黃氏監生歐陽鳴岐妻年二十一夫故撫二子成立七  
十四歲卒次子正霖武生

許氏李克鳳妻年二十二夫故家貧無子依母家守節  
現年六十六

侯氏儒士甘斯懋妻年二十六夫故無子以夫兄子爲  
嗣撫育完娶見三孫焉現年七十二

鄒氏儒士蕭孝梧妻年二十八而寡子文甲甫三歲守  
志十餘載病革泣告其姑曰請無令文甲廢讀以承

公安縣志

卷之六

人物 下 列女

六十五

父志子甲後入庠

張氏王祖光妻生員荆川之母年廿七夫故守節六十  
七歲卒

何氏姚官品妻年十七守節四十八歲卒

蔣氏王後學妻年二十四夫亡僅一女守節七十歲卒  
雷氏龐聲容妻年二十守節六十餘歲卒

馬氏蕭信誠妻年二十夫亡撫遺腹子忠興完娶守節  
七十三歲卒

龔氏牟曰朗妻年二十四守節六十餘歲卒

尙氏吳士學妻年二十三夫亡撫一子一女成人守志  
四十二年沒

李氏熊永桂妻年二十七守節七十五歲卒

毛氏李試譽妻年二十一夫故以姪必立爲嗣守節七  
十歲卒

蕭氏祝家炳妻年二十守節現年五十四

高氏廖嗣榜妻年二十八守節現年六十四

王氏聶夢龍妻年二十八守節無子以姪嗣現年六十  
有六

公安縣志

卷之六

人物 下 列女

六十六

謝氏周世倫妻年二十守節現年六十四

譚氏喻光輝妻年二十八夫沒撫孤子成立現年八十  
二曾孫繁衍

何氏桑國風妻年二十三守節現年六十三

張氏雷兆瑜妻夫沒遺孤琢儀甫一齡撫之成立生員  
聲遠其孫也

雷氏朱世學妻年十七適朱甫七月夫亡以姪上蘭嗣  
後入泮諸孫林立矢志二十餘年沒

毛氏熊家瑛妻年二十二守志以節終

聶氏陳宗元妻年二十七守節七十歲卒

袁氏廖萬選妻年二十守節現年八十三子辛甲孫焜  
望俱生員

何氏尚文太妻年二十八守節六十八歲卒

陳氏李試培妻年十九生一女夫亡年逾四十女復亡  
氏赴水死

鄒氏楊學友妻年二十六守節現年七十六

張氏陳興遠妻年二十八夫亡無子守節現年六十餘

徐氏朱士衡妻年二十守節現年六十餘

公安縣志

卷之六

人物 下 列女

六十七

徐氏尚玉泰妻年二十一夫故家貧撫子成人現年五  
十歲

李氏章德禮妻年二十九守節現年六十三

劉氏范純厚妻事繼姑以孝聞夫亡七月生遺腹子又  
天時氏年二十叔祖監生培棟爲之立嗣以節終

邱氏陳松厚妻夫病氏刲股進之及沒氏年二十餘止  
二女事孀姑鄒以孝聞後依長女以終

鄒氏司馬道盛妻年二十九守節八十七歲卒

袁氏司馬惕德妻年二十九守節六十三歲卒

雷氏鄒德高妻年二十夫亡撫孤子祖祜成立苦節二十四年

賀氏蕭銘瑤妻年二十二守節四十餘歲卒

司馬氏牟有紀妻年二十八夫亡教子甚嚴守節七十

歲卒

鄒氏邑庠生羅才甲妻年二十六守節六十四歲卒

曾氏楊昭煥妻年二十六守節六十五歲卒

范氏李義陞妻年二十三夫故與孀姑田氏俱以柏舟

自矢氏現年六十餘

公安縣志

卷之六

人物 下 列女

六十八

賀氏袁勤益妻年十八夫亡撫遺孤日夜紡績以食其

子叔翁令再醮正言拒之現年五十三

陳氏易顯芳妻年二十六夫故撫孤守節年七十餘

劉氏龔家彥妻年十九生一子夫逝攜子歸母家與孀

母孀嫂同居子成立後始返故廬

孟氏陳福忠妻生員陳易霆母年二十六夫故守志三

十二年卒

鄭氏張兆鑑妻年二十九夫故苦節二十八載卒

樂氏王裕禪妻年二十九守節六十三歲卒

侯氏陳祖裔妻年二十八守節五十八歲卒

胡氏李必聞妻年二十六夫亡撫兩子成立守節六十  
歲卒

彭氏蕭夏玉妻年二十守節八十餘歲卒

鄒氏周之典妻年二十八夫亡遺一子甫七月外侮迭  
來獨肩重任苦節五十年沒

李氏劉世舉妻年二十六守節現年七十四

賀氏謝永昌一作安妻年二十四守節現年七十

劉氏儒士甘諭訓妻年二十五夫故撫孤子成人今諸

公安縣志

卷之六

人物下列女

六十九

孫林立卒年六十八

劉氏熊緒振妻年二十九守節五十八歲卒

藍氏李鑠妻年二十二守節五十餘歲卒

何氏馮志光妻年二十九守節七十歲卒

唐氏杜盛烈妻年二十八夫故遺一子明年子亦殤氏

遵翁姑命以姪宜章嗣守節二十六年卒

曾氏王守親妻年十九守節現年六十三

秦氏羅輝誥妻年二十四守節現年九十四

郭氏劉光廷妻年十九夫故撫遺腹子明紀後入監卒

年七十

盧氏江悅堂妻年二十一生一女夫故越年女殤有微諷者斷左食指以明志五十三歲卒

蘇氏熊嗣綏妻年十八守節二十七歲卒

夏氏熊振先妻年二十守節四十九歲卒

胡氏熊緒琳妻年二十夫故撫子家璽成立入監三十五年卒

曹氏毛傑先妻年二十三夫故子幼家貧乞食撫之至抱孫後子與孫俱沒苦節五十二年卒

公安縣志

卷之六

人物 下 列女

七十

曹氏田國璽妻年二十三守節八十四歲卒

胡氏毛業柱妻年二十四守節三十四歲卒

徐氏毛進先妻年二十九夫故遺二子俱幼氏持家教子守節五十八歲卒

熊氏劉遠遵妻年三十守節現年五十六

晏氏儒士鄒炳讓妻年二十九守節現年六十一

王氏竺明誠妻年二十二夫亡無出撫嗣子成立現年六十六歲

張氏趙維熊妻年三十五守節五十七歲卒

辛氏監生楊光祿妻年二十六守節八十二歲卒

司馬氏儒士牟祧來妻年二十八夫亡撫二幼子成立  
守節六十九歲卒

趙氏秦輔錦妻年二十八夫亡無子撫姪鴻樟嗣六十  
七歲卒

羅氏袁立椿妻年二十七守節現年六十四

何氏袁立極妻年二十九守節現年六十八

鄒氏廖解里牟治濂妻年二十六夫亡守節僅一女適

沈門亦早寡氏常以苦節勵之現年六十一

公安縣志

卷之六

人物 下 列女

七十一

徐氏儒士鄒崇溶繼室年二十七夫亡撫子高銓成立  
現年五十一

黃氏易光鎧妻年二十五夫故撫子秉乾成立五十八  
歲卒

戴氏徐德光妻年二十夫亡苦節六十年卒

雷氏袁文進妻年二十八守節現年六十四

侯氏袁棟立繼室年二十一守節現年七十七

涂氏馬北海母年二十九守節現年八十三

黃氏湛志時妻年十九夫故子女俱無苦節四十一年

汪氏毛家燦妻年二十七夫亡撫子成立守節四十八年卒

王氏司馬盛照妻年二十七守節八十五歲卒

李氏儒士胡體全妻年二十夫故撫孤子光紳苦節三十六年

高氏趙維著妻年二十六守節現年七十四歲

司馬氏高壯榮妻年三十守節現年六十七歲

熊氏毛貞先妻年二十四守節現年六十四歲

鄒氏高肇厚妻年二十四厚病刲股以療不愈撫遺腹

公安縣志

卷之六

人物 下 列女

七十三

子家皓成立現年五十五歲

李氏郭光炳母年二十守節四十年莫覩笑容

袁氏謝友棟妻年二十于歸夫故撫遺腹子成立現年六十六歲

劉氏王家連妻年二十六夫故撫五歲子貴成立現年七十一歲長孫毓椿生員

劉氏平樂里田家祥妻祥家貧成婚劉宅生子奉義甫一歲祥沒時氏年二十四茹苦撫孤稍長不率教則懸其夫像撻而誨之奉義因爲克家子今抱孫焉現

年六十二歲

張氏鄒王祖訓妻年二十九守節六十七歲卒

陳氏鄧家琳妻年二十一守節現年五十三歲

崔氏戴鴻文妻年二十五守節現年六十餘歲

陳氏劉明顯妻年二十生一子夫亡與孀姑陳撫其子  
入監姑年九十卒氏現年八十三眼觀五代

梁氏郭之玉妻年十九夫亡家貧無子伯兄諷令再適  
氏不回現年六十三歲

桑氏張登銓妻年二十九守節六十三歲卒

公安縣志

卷之六

人物下列女

七十四

劉氏鄒中溥妻年二十一守節現年六十六歲

高氏歐陽傳榜妻年二十四守節現年六十一歲

程氏監生陳鳳昌妻年二十夫沒撫七歲子入武庠子  
沒又撫孫現年七十六歲

龍氏廖祖淵妻年二十九夫亡撫二孤長德俊早逝媳

王氏年三十姑媳同厲節王現年五十八歲

陳氏儒士易繩忠妻年二十八夫亡守節十五年卒

易氏徐宏銘妻年二十二守節現年四十七歲

毛氏譚光炯妻年三十夫故撫孤子五值年荒氏售奩

田贖祖宅長子汝金從九現年六十三歲

蕭氏竺家柏妻年十九夫亡守節三十年卒

朱氏監生朱光册女儒士龔人俊妻俊故無子守節後

姑病刲臂和羹以進

易氏徐周琥妻年二十二守節三十二歲卒

邱氏邑庠生張德瑜妻年二十一守節現年五十一歲

程氏儒士易秉信妻年二十六夫故守節三十六年卒

張氏儒士王傳詩妻年二十九夫故守節三十七年卒

汪氏張兆秀妻年二十二守節六十九歲卒

公安縣志

卷之六

人物 下 列女

七十三

朱氏楊維炳妻年二十九夫故矢志貞守撫子西園成

立年五十三卒

王氏向武坦妻年二十九夫故守節八十一卒

譚氏貢生鄒履中妻年十八守節以節終

毛氏侯學炳妻年二十九夫沒矢志貞守撫子傳增成

立現年六十

鄒氏王賢義之母年二十四守節晚年嗜佛撫子成立

卒年七十

杜氏龔人樾之妻生員杜宜槐之女年二十夫故撫子

成立矢志不渝

王氏盧紹唐妻家貧事姑羅氏常忍飢寒以奉姑及王氏沒姑哭之極慟不久亦死

謝氏何志讓妻孀姑林有四媳氏居其季獨與姑形影相隨姑有疾不食氏亦不食侍湯藥未嘗懈年三十卒姑自氏亡後每憶婦哀聲震鄰至沒乃止

貞女葉么姑

以下俱通志

鞠氏王文範妻

賀氏王文敷妻

李氏胡士仁妻

劉氏徐肇文妻

毛氏林慶禧妻

公安縣志

卷之六

人物 下 列女

七十六

陳氏杜志超妻

羅氏陳代舜妻

吳氏田昭妻

雷氏袁叙一妻

高氏田俊生妻

陳氏王國義妻

楊氏敖占魁妻

吳氏朱之秘妻

馬氏羅在清妻

王氏陳嘉謨妻

毛氏龍松妻

劉氏杜成賢妻

陳氏徐之泰妻

鄒氏羅國甯妻

陝氏徐尙品妻

沈氏鄒毅任妻

田氏陳世戮妻

李氏王世寬妻

張氏萬世道妻

陳氏沈美仁妻

王氏羅國勛妻

袁氏朱兆昌妻

熊氏陝以嵩妻

王氏周 篇妻

劉氏田世澤妻

朱氏徐相玉妻

汪氏毛祚先妻

王氏高大任妻

毛氏王志銘妻

朱氏王宗道妻

朱氏陳家和妻

李氏饒興讓妻媳孫氏

李氏司馬升妻

吳氏陳毓連妻

袁氏陳士黎妻

劉氏袁遵宗妻

公安縣志

卷之六

人物 下 列女

七十七

田氏袁遵清妻

席氏羅在海妻

司馬氏龔傳鎧妻

涂氏王家量妻媳李氏

毛氏龔學源妻

袁氏馬盛祖妻

劉氏羅在泮妻

朱氏陳士毅妻

沈氏牟有格妻

余氏高同致妻

陝氏陳澤寬妻

楊氏傳承翼妻

陳氏鄒秉讓妻

邱氏蔣之徽妻

陳氏杜紹柏妻

周氏毛棟先妻

袁氏田昭聲妻

鄧氏馬有定妻

重鄒氏王祖訓妻

以下新  
增年遺

杠氏陳懋琳妻

重桑氏張敦銓妻

涂氏游大敏妻

豐氏王富連妻

司馬氏袁對均妻

潘氏王振祥妻割股救姑病愈梓里贈彤管揚輝額

鄒氏監生謝龍光妻翁病篤諸醫束手氏以夫三世單

傳翁脫不諱夫之方寸亂謝氏之祚危矣氏飲泣割

股進愈越二十餘年諸子林立長子夢巖爲邑庠生

魏氏田國瞻妻割股救姑先是兄亦割股救親邑舉人

田國文著有兄妹割股傳

公安縣志

卷之六

人物 下 列女

七十八

高氏邑庠生朱兆蘭妻姑喪明氏割臂和藥進之愈後

公病適氏有疾不能操刀乃倩夫妹爲之割臂

喻氏劉顯祿妻母夏氏病割左臂啖之愈母嘉其志給

奩田五斗不受至今八十猶健

牟氏監生牟丕振之甥女撫爲己女于歸李姓後養母

病割臂勸餐病頓已

杜氏監生王傳華妻監生杜隆烈之女其姑劉氏病篤

氏割左股救之尋愈

毛氏白里貢生劉瑞遠妻母病篤不獲歸省割股和羹

遺之一服而愈

王氏司馬啟漢妻以下割股救姑駱氏生員熊夢祥妻

李氏杜其蘇妻 田氏陳宗溥妻

陳氏武生張鵬舉妻 司馬氏陳顯銘妻

張氏汪漢陽妻 李氏毛業芬妻

劉氏汪廷玉妻 喻氏貢生毛業鳴妻

劉氏生員蘇楚巘妻 牟氏魯必雄妻

胡氏李蘭階妻 楊氏陳渭厚妻

周氏生員楊化遠妻 袁氏司馬有鐸妻

公安縣志 卷之六 人物下列女 七十九

向氏毛學敷妻 田氏鄧道材妻

周氏生員毛業喜妻

附 壽婦

謝學鰲之母涂氏現年百壽

增生陳光震之祖母王氏百壽

周兆明之母華氏九十六歲

田大琨之母蕭氏九十三歲

姜開燦之母牟氏九十一歲

儒上李永隆之母陳氏九十一歲

貢生袁時清之母鄒氏九十八歲

鄭昌選之母王氏九十五歲

生員宋炳燿之祖母唐氏九十七歲

竺發佚之母何氏九十一歲

杜守玉之母錢氏九十七歲

公安縣志

卷之六

人物 下 壽婦

八十